

ሉቃስ ፃኣፔ ጎዳ ዩሱስ ኪሪስቶስ ዛሎ ኮዥ ሃይሶ ዓይያ ካር

ሉቃስ ፃኣፔ ኮዥ ሃይሳ፡- ዩሱስ ዛሎ ኬኤዛህ ሙካንዳኔ ጌይንቴ፣ ዩሱስ ዒሰራዔኤሌ ዓሰና ሃሃ ዓሲ ቢያ ዳቁሻያኬ ጌይኬ፤ ያኦሲ ዓያና ዩሱስ ዔኤሌህ «ማንቆ ዓሶም ኮዥ ሃይሶ ኬኤዛንዳጉዲ» ማዔህና ዩይ ኮዥ ሃይሳ ዓሶኮ ዲማ ዲማ ማቶ ሹለዒሳያ ማዔህ ሉቃስ ኬኤዛኔ፤ ሉቃስ ፃኣፔ ኮዥ ሃይሶይዳ ባሺ ዩሱሴኮ ሙኪያ ዛሎ ኬኤዛ ቤርታዳ ዓይያንህና ለሚ ሃሃ ዩሱሴኮ ለካ ጫሪንጮ ዔውቲያ ኬኤዛ ጋፒንያ ዓይያንህዳ ኬኤዛንቴህ ዋዛ ዛላኬ፤ ዩሱስ ለካ ጫሪንጮ ዔውቲህኮ ጊንፃ ኪሪስቶስ ጉሙርቁህ ካኦሺ ዋይቲ ዲጪ ዳልጌቶዋ ዔርዛ ሃይሴ ዳኪንቴዛንህ ማድ ማፃኣፖይዳ ሃኖ ማፃኣፖ ፃኣፔ ዓህ ዛሎና ኬኤዛንቴ።

ኪኢታንቻ ያኦሲ ቦንቾም ማዔ ዓይኑም ዓይናዳህ፣ ዩሱስ ሸይንቴ ዋድና ቆለም ሄንቃ ናኣታ ዒዛ ዛጌህ ኬኤዛ ሃይሴ፣ ዩሱስ ናይ ዓኣዖ ጌኤዥ ማኣሪ ዓኣዳህ፣ ሚጪንታ ሳማራ ዓጮ ዓህና ባይቁ ጴዳና ዓህ ዛሎ ኬኤዛ ሃይሶንህ ሉቃስ ፃኣፔ ኮዥ ሃይሶይዳ ሌሊ ዓኣያኬ፤ ሃኖ ኮዥ ሃይሴሎይዳ ካራፓ ካር ሄላንዳኣና ኮሺ ዳኤፒና ዛጊንቴህ፡- ሺኢዲህ ዛላ፣ ዓያና ጌኤሺ ዛላ፣ ሃሃ ላኣላ ዩሱሴም ማዳ ባኮና ያኦሲ ዓሲኮ ጎሜ ዓቶም ጌይያ ዛሎኬ።

ማፃኣፔላ ዲማ ዲማ ዓርቄ ባኮ

- ዓይያ ካር (1:1-4)
- ማሰካ ዮሃኒሴና ዩሱሴናኮ ሸይንቶና ናኣቱም ዋድ (1:5—2:52)
- ማሰካ ዮሃኒሴኮ ማድ (3:1-20)
- ዩሱሴኮ ዋኣያና ማሰቲያና ፃላሄ ዒዛ ጌሺ ዛጌህ (3:21—4:13)
- ዩሱሴኮ ጌለላይዳ ማድና ዓሶ ቤርታ ፔጋዲያ (4:14—9:50)
- ጌለላይዳፓ ዩሩሳላሜ ሄላንዳኣና ማዲንቴ ባኮ (9:51 — 19:28)
- ጋፒንያ ቃልሾ ኬላ ዩሩሳላሜይዳ ሃሃ ኮይሎ ዓጫ ማዲንቴ ባኮ (19:29—23:56)
- ሃይባፓ ዔቄ፣ ጎዳኮ ጴዲያና ሌካ ጫሪንጮ ዔውቲያ (24:1-53)

1 ቦንቸንታ ቲዎፒሎስ!

ኑ ባኣካ ማዲንቲ ባኩ ዔርዛ ሃይሴ ሃያኮ ቤርታ ሚርጌ ዓሳ ፃኣፔኔ። 2 ዬያ ኮኩ ሃይሶ ኑም ሄሊሴዘንሢ፡- ቤርታፓ ዓርቃዎ ዔያታ ፔ ዓኣፒና ዛጌ ማርኮንሢና ኮኩ ሃይሶ ቃኣሎ ማዶ ማዴዘንሢ። 3 ዬያጉዲ ሃሣ ታኣኒ ዔቦኮ ዓይፃፓ ዓርቂ ቢያ ባኮ ኮሺ ዛጌሢኮ ጊንፃ ሃይሶ ዎሊ ሄሊሴ ኔኤም ፃኣፓንዳጉዲ ኮሺ ማዒ ታኣም ጴዴኔ። 4 ዬያ ታ ማዴሢ፡- ኔኤኒ ዔሬ ዔራቶኮ ጎኑም ኮሺ ኔ ዔራንዳጉዲ ጌዒኤ።

ማሰካ ዮሃንሴኮ ሾይንቶ ዛሎ ኬኤዘንቲሢ

5 ሄሮዲሴ ጎዎሢ ዪሁዳ ዓጮይዳ ካኣታዳ ዎደና ቁኤሳሢ ዓቢያ ዓሰፓ ማዔ፡ ዛካሪያሴ ጌይንታ ቁኤሴ ዓኣኔ፤ ዒዛኮ ማቻ ዓኣሮኔ ዜርፃፓ ሾይንቲያ ዔልሳቤፃ ጎዎሰኹኖኤ። 6 ዔያታ ለምዓሢ ፆኦሲ ዎዛሳ ናንጊ ናንጋ ዓሲኤ፤ ጎዳኮዎ ዓይሢያና ዎጎና ቦሂሳ ባኣዚ ባኣያና ካፓያኤ። 7 ዔልሳቤፃ ዘኦኮታሢሮ ናይ ዔያቶኮ ባኣኤ፤ ሃሣ ለምዎንሢ ሚርጌና ጋርቸያኤ።

8 ፔቲ ኬሊ ዛካሪያሴ ጌኤኩ ማኣሮይዳ ማዶ ማዳኒ ዒዛ ኬሎ ማዓዛ፤ ዒዚ ፆኦሰም ቁኤሴ ማዒ ማዶ ማዳኔ። 9 ቁኤሶ ማዶ ዎጎ ጎይያና ፆኦሲኮ ጌኤኩ ማኣሮ ጌሊ ዑንጅ ጨቢሲ ካኣሽኮ ካኣኩ ካኣሽካንዳጉዲ ዒዳሢ ዒዛ ሄሌኔ። 10 ዒዚ ጌኤኩ ማኣሮ ጋርይዳ ዑንጅ ጨቢሳኣና ዳራ ቢያ ዙላ ዔቂ ሺኢቃኔ።

11 ዒማና ፆኦሲኮ ከኢታንቻሢ ዑንጅ ጨቢሶ ቤዘኮ ሚዛቆ ዛላ ዔቂ ዛካሪያሴም ጴዴኔ። 12 ዛካሪያሴያ ከኢታንቻሢ ዳንቃዎ ዲቃቲ ሚርጌና ዒጊጨኔ። 13 ከኢታንቻሢ ጋዓንቲ፡- «ዛካሪያሴ! ዒጊጨፖ፣ ኔኤኮ ሺኢዲፃ ዎይዘንቲኔ፣ ኔኤኮ ማቻ ዔልሳቤፃ ዓቲንቁ ናይ ኔኤም ሾዓንዳኔ፤ ሰንፃዎ ዒዛኮ ኔ ዮሃንሴ ጌዒ ጌሣንዳኔ። 14 ዒዛኮ ሾይንታ ኔኤም ኮሹምና ዎዛና ማዓንዳኔ፤ ሚርጌሢያ ዒዛኮ ሾይንቶና ዬያጉዲ ዎዛዳንዳኔ። 15 ዒዚ ፆኦሲ ቤርታ ዳኤፒ ማዓንዳኔ፤ ሃሣ ዳጋሢና ማሌ ማሣ ዑሺያ ዑሽካዓኤ፤ ሃጊ ዒዚ ዒንዶ ጎጳ ዓኣዎ ዓያኖ ጌኤኩ ዎልቆ ጋር ጌላንዳኔ። 16 ዒዚያ ዒሰራዔኤሌ ዳርይዳፓ ሚርጌሢያ ፆኦሲ፣ ዔያቶኮ ጎዳሢ ባንሢ ማሃንዳኔ፤ 17 ዒዚ ጎዳኮ ቤርታ ሙኪ ዓያና ዎልቁና ፆኦሲ ማሊፃ ኬኤዛ ዔኤሊያሴጉዲ ማዒ ዳር ጎዳም ጊኣጊሻንዳኔ፤ ዒዚ ዓዶንሢና ናኣቶናኮ ዒኖ ፔቲ ማሃንዳኔ፤ ዓይሢንቲዎ ዓሰኮዎ ዒኖ ፆኦሲ ዎዛሳ ናንጊ ናንጋ ዓሰ ባንሢ ማሃንዳኔ» ጌዔኔ።

1:5 1:5 1ፆኦሲ. ዓሃኤ 24:10። 1:15 1:15 ፓይ. ማፃ 6:3። 1:17 1:17 ማሊ. 4:5-6።

18 ዛግሪያሴ ጋዓንቴ ከኢታንቻሢ ኮራ፡- «ዬይ ባካ ጎኔ ማዓንዳሢ ላይጎና ታ ዔራንዳይ? ታኣኒ ጋርቼኔ፤ ሃሣ ታ ማቸኮዎ ሌዓ ኮሺ ዓኣዲያኬ» ጌዔኔ።

19 ከኢታንቻሢ ማሃየ፡- «ታኣኒ ያኦሲም ማዳ፣ ጌብሬኤሌኬ፤ ሃያ ኮፍ ሃይሶ ታ ኔኤም ከኤዛንዳጉዲ ያኦሲ ታና ዳኬም ታ ሙኬኔ።

20 ኔኤኒ ጋዓንቴ ዎዳ ሄለዛ ኩማንዳ ታኣኮ ጌኤዞ ጉሙርቁባኣሢር ሃይ ታ ኔኤም ከኤዜ ባካ ቢያ ኩማንዳ ዎዳ ሄለንዳኣና ዳንጋ ባይቁ፣ ጌሰቱዎያ ኔ ማዓንዳኔ» ጌዔኔ።

21 ዪማና ዓሳ ዛግሪያሴ ካፓንቴ፣ ዒዚ ጌኤኮ ማኣራ ኔጌሢር ዓሳ፡- «ዎይቲ ዒዚ ሄኤዶ ሄሊ ኔጌይ?» ጌዒ ማሌኔ። 22 ዛግሪያሴ ጌኤኮ ማኣራፓ ከሰካዖ ዓሶና ጌሰታኒ ዳንዳዒባኣሴ፤ ዪያር ዔያታ ዒዛም ጌኤኮ ማኣራ ጋርይዳ ፔቴ ባኣዚ ጴዳያታሢ ዔሬኔ፤ ዒዚያ ዔያቶም ኩቻ ዳቂ ዳቂ ከኤዛኔ። ዪያይዲ ዒዚ ጌሰቱዎያ ማዒ ዲዔኔ።

23 ዒዚ ማዳ ዎዳ ጋፓዛ ፔ ማኣሪ ዳንዳኔ። 24 ዳካ ዎዳኮ ጊንፃፓ ዒዛኮ ማቻ ዔልሳቤፃ ጎጳዳዖ ደንጎ ዓጊኒ ፔ ከኤፃፓ ከሰኩዎዖ ዳዔኔ። 25 ዒዛ፡- «ያኦሲ ፔኤኮ ሚጨንቶና ዛጊ ሃያ ኮፍ ባኮ ታኣም ማዳኔ፤ ዓሶ ባኣካ ታኣኮ ዓኣ ዳውሲንቶዎ ባይዜኔ» ጌዔኔ።

ዩሱሴኮ ሾይንቶ ዛሎ ከኤዚንቴሢ

26 ዔልሳቤፃ ጎጳዳንቴ ላሃሳ ዓጊኖና ከኢታንቻሢ ጌብሬኤሌ ያኦሲ ኮራፓ ናዚሬቴ ካታሞ ዳከንቴኔ። ናዚሬቴያ ጌለላ ዓጮይዳ ዓኣ ካታማኬ። 27 ከኢታንቻሢ ዳከንቴሢ ማይራሞ ጌይንታ ፔቴ ኩሙሢ ዉዳሮ ናይሰኬኖ ኮራኬ። ዒዛ ዳውቴ ዜርፃፓ ማዔ፣ ዮሴፔ ጎዖ ፔቴ ዓሲሰኬያና ያኦጨንታያኬ። 28 ከኢታንቻሢያ ዒዛ ኮራሙካዖ፡- «ኔኤኒ ያኦሲ ኔና ሚርጌና ቦንቼዜሌ! ኔ ኮሺዳ? ያኦሲ ኔኤና ዎላኬ፤ [ኔኤኒ ላኣሎ ባኣካፓ ዓንጂንቴያኬ]» ጌዔኔ።

29 ዒዛኣ ከኢታንቻሢ ሃይሶና ሚርጌ ዲቃታዖ፡- «ሃይ ዎዚጉዳ ዔኤለሢዳይ?» ጌይ ማሌኔ። 30 ከኢታንቻሢ ዒዛም፡- «ማይራሚ! ያኦሲ ኔና ሚርጌና ቦንቼሢር ዒጊጨፖ፤ 31 ኔ ጎጳዲ ዓቲንቁ ናይ ሾዓንዳኔ፤ ሰንፃዎ ኔ ዒዛኮ «ዩሱሴ» ጌይ ጌሣንዳኔ። 32 ዒዚያ ጴኤፐ ማዓንዳኔ፤ ፑኤፖ ያኣዛሢ ናይያ ጌይንታንዳኔ፤ ጎዳ ማዔ ያኣዛሢ ዒዛኮ ዓዶ ዳውቴ ካኣቱሞ ዖይቶ ዒዛም ዒንጋንዳኔ። 33 ዒሲራዔኤሌ ማኣሮይዳ ናንጊና ዒ ካኣታዳንዳኔ፤ ዒዛ ካኣቱሞኮዎ ጋፐንሢ ባኣያ ማዓንዳኔ» ጌዔኔ።

1:19 1:19 ዳኣኔ. 8:16፤ 9:21። 1:27 1:27 ማቴ. 1:18። 1:31 1:31 ማቴ. 1:21። 1:32 1:32 2ሳሙ. 7:12-13፤ 16፤ ዒሲ. 9:7።

34 ማይራማ ከኢታንቻሢ ኮራ፡- «ታኢ ኩሙሢ ዉዲር ናይኬ፤ ባካሪ ዬይ ባካ ወይቲ ማዓሲ ዳንዳዓይ?» ጌዔ።

35 ከኢታንቻሢ ማሃዖ፡- «ዓያና ጌኤሺ ኔ ዑዖይዳ ሙኬም፡ ፑኡፖ ያኦዛሢታዎ ዎልቃ ኔጊዳ ማዓ ኔ ጎጳዳንዳጉዲ ማሃንዳኔ፤ ዬያሮ ኔጊዳፓ ሸይንታንዳ ናዓሢ ዲማዳያኬ፤ ያኦሲ ናይያ ጌይንታንዳ። 36 ኔኤኮ ዓጊኔላ ዔልሳቤ፡ ዘኦኬሎ ጌይ ናንጎዛ ሃሢ ጋርቼዖ ዓቲንቁ ናይ ጎጳዳኔ፤ ዒዛ ጎጳዳንቲ ሃና ዒዛኮ ላሃሳ ዓጊኖኬ። 37 ያኦሲ ባሻ ባኦዚ ፔቲታዖ ባኦሴ» ጌዔ።

38 ዬካፓ ማይራማ ማሃዖ፡- «ያዲታቲ ሃይሾ ታኢ ያኦሲም ማዳዜሎኬ፤ ኔኤኒ ጌዔሢጉዲ ታኦም ማዖንጎ» ጋዓዛ፡ ከኢታንቻሢ ዒዛይዳፓ ዲማዲ ዳንዳኔ።

ማይራሞኮ ዔልሳቤዖ ያኦጨዖ

39 ዒማና ማይራማ ዔልሳቤዖ ያኦጨኒ ዪሁዳ ዓጨ ዲኮይዳ ዓኣ ካታሜሎ ረኡሪ ዔቂ ዓኣዳኔ። 40 ዛካሪያሴ ማኣሪያ ጌሊ ዔልሳቤዖ፡- «ኮሺዳ?» ጌዒ ዔኤሌ። 41 ዔልሳቤዖ ማይራሞኮ ዔኤሊዖ ዎይዜ ዎድና ዒዛኮ ጎጳይዳ ዓኣ ናዓ ዓጊዒ ዓማሌ። ዬማና ዔልሳቤዖ ዓያና ጌኤሺኮ ዎልቆ ጋር ጌሌ። 42 ዒዛ ዑኡዞ ፔኤኮ ዳጊዲ፡- «ኔኤኒ ላኣሎ ቢያፓ ዓንጂንቲያኬ፤ ኔጊዳፓ ሸይንታንዳ ናዓ ዓንጂንቲያኬ፤ 43 ታ ጎዳኮ ዒንዳ ታና ያኦጨኒ ሙካሢ ሃይ ኮሸካንዳ! 44 «ኮሺዳ?» ጋዓ ኔኤኮ ዔኤሊዖ ታ ዎዎይዛኣና ታኣኮ ጎጳይዳ ዓኣ ናዓ ዎዛና ዓጊዒ ዓማሌ። 45 ኔኤኒ ያኦሲ ኬኤዜ ባካ ቢያ ኩማያ ማዔሢ ጉሙርቂዖና ኔ ዎዚጉዳ ባሊቲና ዓኣያዳይ!» ጌዔ።

ማይራሞኮ ጋላቶ ዓይኑሞ

46 ማይራማ ጋዓዖ፡-
«ታኣኮ ሸምፓሢ ጎዳ ቦንቻኔ፤
47 ታኣኮ ዓያና ዳቂሻ ያኦዛሢና ዎዛዳኔ፤
48 ያኦሲ ታና ላኣፖ ማዳዜሎ ዛጌሢሮ
ሃናፓ ዓርቃዖ ሸይንታ ቢያ፡- «ኔ ጋላቲንቲያኬ» ታና ጋዓንዳኔ፤
49 ዓይጎር ጌዔቶ ፑኡፖ ያኦዛሢ፡ ዳኤፐ ባኦዚ ታኦም ማዳሢሮኬ፤
ሱንፃኣ ዒዛኮ ዲማዳያኬ።
50 ያኦሲ ዒዛ ቦንቻ ዓሶ ቢያ
ሸይንታፓ ሸይንቲ ሄላንዳኣና ሚጨንታያኬ።
51 ዒዛኮ ደዶ ኩጮና ዎልቆ ፔኤሲ ዒ ዳዌ፤

፫ቶርቃ ዓሶ ዔያቶኮ ማሊያና ዎላ ዳኪ ባይዜኔ።
 52 ጴጌፖ ዎይሣ ዓሶዎ ካኣቱሞ ያይታፓ ኬይሴኔ፤
 ሂርኬዘንሣ ጋዓንቴ ቦንቺሲ ጳጊዴኔ፤
 53 ናይጳዘንሣ ኮሺ ባኣዚ ሙኡዚ ሚሹኔ፤
 ያርጎጮ ዓሶ ጋዓንቴ ኩቺ ጉሪ ዳኬኔ።
 54-55 ዓብራሃሚና ዒዛኮ ዜርዎዎ ናንጊና ዒ ሚጨንቴ ሚጨንቶ ጳቂሲ፥
 ዒዛሞ ማዳ ዒሰራዔኤሌ ያኦሲ ማኣዴኔ።
 ሃሣ ዬያ ዒዚ ማዳሣ ኦኤኮ ቤርታኣ ዓዶንሣሞ ዒንጌ ዎዘ ቃኣሎ ከንሣኒኬ»

ጌዔኔ።
 56 ማይራማ ዔልሳቤዎና ዎላ ሃይሣ ዓጊኒ ማዓያ ዴዔሣኮ ጊንፃ ማኣሪ ማዒ ዴንዴኔ።

ማሰካ ዮሃንሴኮ ሾይንቶ

57 ዔልሳቤዎኮ ሾይያ ዓጊና ሄሌሞ ዓቲንቄ ናይ ዒዛ ሾዔኔ።
 58 ዒዛኮ ዓሺኖና ዓጊኖና ቢያ ጎዳ ዒዛሞ ማዳ ኮዥ ባኮ ዎይዚ ዒዛና ዎላ ዎዛጳኔ።
 59 ናዓሣ ሾይንቴሰካፓ ሳላሳ ኬሎና ናዎኮ ዓቲንቶ ቤርቶ ቲቂያ ዎጎ ከንሣ ኬሎይዳ ዒዛኮ ዓሺኖና ዓጊኖና ሙካፖ ናዓሣኮ ሱንፃ «ዛካሪያሴ» ጌዒ ዓዶ ሱንፃና ጌሣኒ ኮዔኔ፤ 60 ዒንዳ ጋዓንቴ፡- «ያዲ ማዓዓኬ፤ ሱንፃ ዒዛኮ «ዮሃንሴኬ» » ጌዔኔ።
 61 ዔያታ ማሃዎ፡- «ኔ ፃጶይዳ ዬያ ሱንፃና ዔኤሊንቴ ዓሲ ያኦኒያ ባኣንቴሞ?» ዒዛ ኮራ ጌዔኔ። 62 ዬካፓ ዔያታ ዓዶ ኮራ፡- «ናዓሣኮ ሱንፃ ያና ጌይንታንዳጉዲ ኔ ኮዓይ?» ጌዒ ማላታና ያኦጮኔ።
 63 ዛካሪያሴ ፃኣፖ ባኣዚ ዒዛሞ ዒንጋንዳጉዲ ያኦጮ ዔከ፡- «ሱንፃ ዒዛኮ ዮሃንሴኬ» ጌዒ ፃኣፓዛ ቢያሣ ዬኖ ዛሎና ዲቃቲ ሄርሼኔ። 64 ዬማና ዛካሪያሴኮ ዳንጋ ቡሊንቴ ጌሰታኒ ዳንዳዔሞ ያኦሲ ጋላቲሣያ ዓርቄኔ። 65 ዬያፓ ዔቄያና ዔያቶኮ ዓሺና ቢያ ዓጊጮኔ፤ ዬይ ሃይሳኣ ዪሁዳይዳ ዓኣ ዲኮ ዓጮ ቢያ ዎይዚንቴኔ።
 66 ዬያ ባኮ ዎይዜ ዓሳ ቢያ፡- «ሃይ ናዓሣ ሃጊ ዓይጎ ማዓንዳኣ ናንዳይ?» ሂዚ ጌዒ ጌዒ ዎሊ ያኦጮኔ። ዬይ ያዲ ማዔሣ ጎዳ ጎኔና ዒዛና ዎላ ዓኣሣርኬ።

ዛካሪያሴ ኬኤዜ ባኮ

67 ናዓሣኮ ዓዴ፥ ዛካሪያሴ ዓያና ጌኤሺኮ ዎልቆ ጋር ጌሊ፡-

1:52 1:52 ዓ.ዮ. 5:11፤ 12:19። 1:54-55 1:54-55 ማዢ. ማፃ 17:7። 1:59 1:59 ሉቂ. ዓኬ 12:3።

- 68 «ዳር ፔኤኮ ዓውሳኒ ሙከህረ
 - ዒሰራዔኤሌኮ ጎዳ ማዔ ያኑዛህ ጋላቲንቶም፤
- 69 ዒዛም ማዳ፡ ዳውቴ ዜርፃፓ ዴኤፒ ዳቁሻያ ዒ ከሴኔ፤
- 70 ቤርታዲ ያኦሲ ፔ ማሊያ ከኤዛ፡ ጌኤኮ ዓሶ ዛሎና ከኤዜኔ፤
- 71 ዬይያ ኑና ዒፃ ዓሶና ሞርኮና ኩጫፓ ኑና ዳቁሻኒ
- 72 ሃሣ ኑ ዓደንህማኣ ሚጨንታኒና
 - ዒ ጫኣቄ ጌኤኮ ጫኣቄሞዋ ኩንህኒከ።
- 73 ዬያ ጫኣቄሞ ዒ ጫኣቄህ ኑ ዓዳህ ዓብራሃሚምከ፤
- 74 ዒዚ ጫኣቄ ዎዞ ቃኣላ ኑኡኒ ሞርኮ ኩጫፓ ከሰከ
 - ዒጊቹሞ ባኣያ ኑ ዒዛም ማዳንዳጉዲከ፤
- 75 ዬይ ያዲ ማዔህ፡- ኑኡኮ ናንጎ ዎደና ቢያ
 - ያኦሲ ቤርቶይዳ ጌኤኹሞና ሂሉሞና ኑ ናንጋንዳጉዲከ።»

- 76 «ሃይ ኔ፡ ናዓህ፡ ፑኡፖ ያኑዛህኮ ማሊያ ከኤዛህ ኔ
 - ጌይንታንዳኔ።
 - ጎዳኮ ኔ ጎይያ ጌኢጊሻኒ፡ ጎዳኮ ቤርታ ኔ ዓኣዳንዳኔ።
- 77 ጎዳኮ ዴራ ጎዳ ዒያቶኮ ጎሞ ዓቶም ጌዔም
 - ዔያታ ዳቃንዳ ጎይያ ኔ ከኤዛንዳኔ።
- 78 ዓቢ ያርቄ ኑም ፖዓህጉዲ
 - ያኦሲኮ ሚጨንቶና ናሹሞና ኑም ሙካኒከ።
- 79 ዒዚያ ዲሞና ባይሲንቶናም ጌኢጊ ዓኣዛንህም ቢያ ፖዓንዳኔ፤
 - ኑኡኮ ሄያዎ ኮሺ ጎይህ ባንህ ዔከ ዓኣዳንዳኔ»
- ሂዚ ጌዒ ያኦሲ ማሊህ ከኤዜኔ።
 - 80 ናዓህያ ዲጨ ዒናዴኔ፤ ዒሰራዔኤሌ ዴሮም ፔጋዲ ዳዳንዳያ
 - ሄላንዳኣና ዓሲ ናንጉዎ ዳውሎይዳ ዴንዲ ናንጌኔ።

2

ዬሱሴኮ ሸይንቶ (ማቴ. 1:18-25)

1 ዬሮ ዎደና ሮሜ ዓጮይዳ ዓኣ ዴር ቢያ ፓይዳኒ፡ ሱንፃ ዴርኮ ፃኣፒንታንዳጉዲ ሮሜ ካኣቲ ዓውጊሰፆሴ ዓይህኔ። 2 ቤርታዲ ዴር ፓይዳኒ ሱንፆ ፃኣፖና ዎደና ቁርኔዎሴ ጎይህ ሶኦሪያ ዓጮ ዎይህያከ። 3 ዬያሮ ፔቴ ፔቴ ዓሳ ሱንፆ ፃኣፒሳኒ ፔኤኮ ዓጮ ካታሞ ካታሞ ዴንዳኔ።

4 ዮሴፔ ጌሊላይዳ ዓኣ ናዚሬቴ ካታማፓ ዔቁ ዪሁዳ ዓጮይዳ ዓኣ ዳውቴ ካታሞ ጌይንታ ቤኤቴሌሄሜ ዴንዳኔ፤ ዓይጎር ጌዔቶ

1:76 1:76 ሚሊ. 3:1።

ዲዛኮ ዜርዳዳውቴ ፃጳፓ ማዕሢሮኬ።⁵ ዲዚ ፃኣፒንታኒ ዓኣዳሢያ ጎጃዲ ዓኣ። ዲዛኮ ጸኣጮዘ። ማይራሞና ዎላኬ።⁶ ዔያታ ላምጸንሢ ቤኤቴሌሄሜ ካታሞይዳ ዓኣንቴ ማይራሞኮ ሾይጾ ኩላ ሄሌም።⁷ ዲኢካ ዲዛኮ ኮይሮ ናዓሢ ሾዓጾ ናይ ዓርቆ ቱርጫና ካንቄኔ፤ ሾኦጫ ዎርቃ ቤዛ ቤሲ ዔያታ ዴንቄባኣሢሮ ባይ ሞሰካ። ባኣታ ሙጾ ሙዓ ጎንጋላ ናዓሢ ላይሄኔ።

ቆልሞ ሄንቃ ናኣቶና ኪኢታንቻንሢ

⁸ ዬኖ ዓጮይዳ ካታሞኮ ዙላ። ቦኣሎይዳ ቆልሞ ሄንቄ ሞኦሢዳ ዎርቃ ናይ ዓኣኔ።⁹ ዲማና ዔያቶም ጸኣሲ ኪኢታንቻሢ ጴዳም። ጸኣሲኮ ቦንቾ ፖዓ ዔያቶ ዑፃ ፖዔሢሮ ሚርጌና ዔያታ ዒጊጨ ዲቃቴኔ፤¹⁰ ኪኢታንቻሢ ጋዓንቴ፡- «ሃይ ዒንሢ ዎይታይ? ዒጊጨ ፖቴ፤ ዴሪም ቢያ ዴኤፒ ዎዛ ማዓ ኮሺ ሃይሴ ታ ዒንሢም ኬኤዛንዳኔ፤¹¹ ዎይዙዎቴ! ሃኖ ዳውቴ ካታሞይዳ ዴኤሻ ዒንሢም ሾይንቴኔ፤ ዲዚያ ጎዳ ኪሪሰቶሴኬ።¹² ዬያኮ ማላታ ያዲ ማዓንዳኔ፡- ናይ ዓርቆ ቱርጫና ካንቄንቴ ናይ። ባይ ባርታይዳ ባኣታ ሙጾ ሙዓ ጎንጋላ ላሂ ዓኣንቴ ዒንሢ ዴንቃንዳኔ» ጌዔኔ።

¹³ ዬማና ዔያታ ዔሩሞንቴ ሚርጌ ጫሪንቺ ኪኢታንቻ ኪኢታንቻሢ ዎላ ጴዳጾ ጸኣሲ ጋላቴሢ፡-

¹⁴ «ጫሪንጮይዳ ጸኣሲም ቦንቾ ማጾም፤ ሳጾይዳኣ ዲዚ ናሽካ ዓሶም ቢያ ኮሹሞ ማጾም» ጌዔኔ።

¹⁵ ኪኢታንቻንሢ ዔያቶይዳፓ ዲማዲ ሌካ ጫሪንጮ ዴንዴ ዎድና ቆልሞ ሄንቃ ናኣታ ዎሊ ኮይላ፡- «ዓካሪ ቤኤቴሌሄሜ ኑ ዴንዲ። ሃሢ ማዔ ባኮና ጎዳ ኑም ፔጋሲ ዳቄ ባኮ ኑ ዛጎም» ጌዔኔ።

¹⁶ ዔያታ ዲማና ዑኩና ዴንዳጾ ማይራሞና ዮሴፔና ዴንቄኔ፤ ሃሃ ናጾዎ ባኣቶ ባርታ ባኣታ ሙጾ ሙዓ ጎንጋላ ላሂ ዓኣንቴ ዴንቄኔ።¹⁷ ናዓሢ ዔያታ ዛጌሢኮ ጊንፃ ኪኢታንቻሢ ዒዛ ዛሎ ዔያቶም ኬኤዜሢ ዔያታ ማይራሞና ዮሴፔናም ኬኤዜኔ።¹⁸ ቆልሞ ናኣታ ኬኤዜ ባኮ ዎይዜ ዓሳ ቢያ ዲቃቴ ሄርሼኔ።¹⁹ ማይራማ ጋዓንቴ ዬያ ቢያ ባኮ ፔ ዒና ዓርቄ ማላኔ።²⁰ ቆልሞ ናኣታ ቢያ ባካ ኪኢታንቻሢ ዔያቶም ኬኤዜሢ፡- ዴ ማዔም ዔያታ ዛጌሢና ዎይዜሢሮ ጸኣሲ ቦንቺ ቦንቺ ሃሢ ጋላቴ ጋላቴ ዔያታ ሙኬ ቤዛ ማዒ ዴንዳኔ።

21 ናዓ ሾይንቴሰካፓ ሳሊ ከሊኮ ጊንፃ ናዖኮ ዓቲንቶ ቤርቶ ቲቁያ ዋጎ ከሎና ሱንፃ ዒዛኮ «ዩሱሴ» ጌይንቴኔ። ዩይያ፡- ሃጊ ዒንዳ ዒዛ ጎጳዲዋንቴ ቤርታ ኪኢታንቻሢ ዒዛም ጌሢ ሱንፃኬ።

ዩሱሴ ጌኤዥ ማኣሪ ዔኪ ዓኣጅናሢ

22 ሙሴ ዔርዘ ዋጎ ጎይያና ዑያ ጌኤሺያ ዋጋ ጋፓ ከላ ሄሌሢር ናዓሢ ጎዳም ዔያታ ሺኢሻኒ ዔኪ ዩሩሳላሜ ዳንዴኔ። 23 ዩያ ዔያታ ዓይጎር ማጳይ ጌዔቶ ጎዳኮ ዋጎይዳ፡- «ዓቲንቁ ማዔ ቶይዲ ናይ ቢያ ጎዳም ዒንጊንቴ ዲማጴያ ማዖንጎ» ጌይንቴ ፃኣፒንቴሢርኬ።

24 ዩያጉዲ ሃሣ ጎዳኮ ዋጎይዳ፡- «ላምዖ ኪሬ፤ ማዒባኣቴ ላምዖ ዶኦሌ ናይ ማቺ ዒንጎ ካኣዥም ዒንጋንዲያ ኮይሳኔ» ጋዓሢርኬ።

25 ዒማና ዩሩሳላሜይዳ ሲሞኦኔ ጎዖ ፔቴ ዓሲሰኬያ ዓኣኔ፤ ዒዚያ ጳሎ ሃሣ ያኦሲ ዒጊጫ ዓሲኬ፤ ዒሰራዔኤሌኮዋ ሃጊ ማዓንዳ ዳቁንቶ ዋዘ ካፓያ ሃሣ ዓያና ጌኤሺያ ዒዛና ዓኣያኬ።

26 ዒዚ ጎዳፓ ማዔ፡ ማሲሄ ዛጉዋዖ ሃይቁንዲዋኣሢ ዓያና ጌኤሺ ዒዛም ቤርታ ዔርዘያኬ። 27 ዩኖ ከሎ ዓያና ጌኤሺ ዒዛ ዔቁሴም ጌኤዥ ማኣሪ ዒ ዓኣጅኔ፤ ዒማና ዮሴፔና ማይራሞና ካኣዥ ዋጎ ኩንሣኒ ናዓሢ ዔኪ ጌኤዥ ማኣሪ ጌሌኔ። 28 ዒማና ሲሞኦኔ ናዓሢ ኮንቁ ያኦሲ ጋላቲሢር፡-

29 «ታ ጎዳሢየ! ሃይሾ፡ ኔ ታኣም ከኤዜ ሃጊ ማዓንዳ ዋዘ ቃኣላ ኩሜኔ፤

ዓካሪ ሃሢ ታና ኔኤኮ ማዳሢ ኮሺና ዔኬ፤

30-31 ታኣኒ ታ ዓኣፒና ዓሶም ቢያ ኔ ጊኢጊሹ፡ ጳኤሻሢ ዛጌኔ፤

32 ዒዚ ሜሌ ዳርም ጎኩም ፔጋሲ ዳዋፖዒ ማዓንዳኔ፤

ኔኤኮ ዳር ዒሰራዔኤሌ ዓሶዋ ዒ ቦንቺሳንዳኔ» ጌዔኔ።

33 ዮሴፔና ማይራሞና ናዓሢ ዛሎ ጌይንቴ ባኮ ቢያና ዲቃቲ ሄርሼኔ። 34 ሲሞኦኔ ዔያቶ ዓንጄሢኮ ጊንፃ ዲማና ናዓሢኮ ዒንዶ ማይራሞም፡- «ሃይ ናዓሢ ዒሰራዔኤሌይዳ ሚርጌ ዓሶኮ ባይሲንታ፤ ሃሣ ሚርጌ ዓሶኮ ጋዓንቴ ዳቁንታ ካራ ማዓንዳኔ፤ ዒዚ ሚርጌሢ ዒዛ ጎናሲ ዔኩዋ ማላታ ማዓንዳኔ። 35 ዩያና ሚርጌ ዓሶኮ ዒኖይዳ ዓኣሺንቴ ማሊፃ ፔጋዲ ጴዳንዳኔ፤ ዖዩሢያ ኔኤኮ ዒኖ ጨንቻ ዓፓርጉዲ ቲቃንዳኔ» ጌዔኔ።

36 ዩያጉዲ ሃሣ ዩኖ ዋዶና ዓሴኤሬ ዜርዖይዳፓ ማዔ፡ ፓኑዔሌ ጎሣኒኮ ናዖ፡ ሃና ጌይንታ ያኦሲ ማሊሢ ከኤዛሰኬና ዓኣኔ። ዒዛ ሚርጌ ጋርቺ ላኣሊኬ፤ ዓኒና ዋላ ዒዛ ላንካይ ለዔ ዳዔሰካፓ ዓኒ

2:21 2:21 ለዌ. ዓኬ 12:3፤ ሉቃ. 1:31። 2:22 2:22 ለዌ. ዓኬ 12:6-8።
2:23 2:23 ኬሲ. ማፃ 13:2፤ 12።

ዲዘኮ ሃይቄኔ፤ 37 ዩካፓ ሌዓ ዲዘኮ ሳሊታሚ ያይዶ ማዓንዲያ ሄላንዳኣና ጌኤዡ ማኣራፓ ዲማዲዎ ሙኡዚ ሃሺ ሺኢቆ ሺኢጰሢ ሺኢቁ ሺኢቁ ርኦሪና ዋንቴና ቢያ ያኦሲም ማዲያኬ። 38 ዩኖና ዲዘ ሙከ ያኦሲ ጋላቲሢ ሳርቄኔ፤ ናዓሢ ዛሎዎ ዩሩሳላሜኮ ዳቁንቶ ሃገ ማዓንዳ ዋዛ ጌሢ ካፓዞንሢም ቢያ ኬኤዜኔ።

ዩሱሴኮ ናዚሬቴ ማዒ ዴንዲያ

39 ጎዳኮ ዎጎይዳ ዓይሢንቴ ዎጎ ቢያ ኩንሢሰካፓ ጌለላይዳ ዓኣ ዔያቶኮ ናንጎ ካታዎ ናዚሬቴ ዔያታ ማዒ ዴንዴኔ። 40 ናዓሢያ ዑጊ ዶዲ ዶዲ ዓኣዴኔ፤ ዒናዲያ ዶዴኔ፤ ሃሣ ያኦሲ ዲዘ ዓንጃኔ።

ዩሱሴ ጌኤዡ ማኣሪይዳ

41 ዮሴፔና ማይራዎና ሌዓ ሌዓ ዑሣ ዓኣዲያ ቦንቾ ኬሎሮ ዩሩሳላሜ ዓኣዲያኬ። 42 ዩሱሴኮ ሌዓ ታጰ ላምዎ ማዔም ቤርታ ዔርቴ ጎይያጉዴያ ዩኖ ቦንቾ ቦንቻኒ ዔያታ ዓኣዴኔ። 43 ቦንቾ ኬላ ጋፔም ዔያታ ማኣሪ ማዓዛ ዩሱሴ ዩሩሳላሜይዳ ዓቴኔ፤ ዮሴፔና ማይራዎና ጋዓንቴ ዲዚ ዲኢካ ዓቴሢ ዔሪባኣሴ። 44 ጎይያ ዓኣዳ ዓሰና ዲዚያ ዎላ ዓኣያ ዔያቶም ማሌሢሮ ፔቴ ኬሊ ጎይሢ ጉቤ ዔያታ ዓኣዳያ ዔያቶኮ ዒጊኖና ፔ ላጎና ኮይላ ኮዒሢ ዲዘ ሳርቄኔ። 45 ጋዓንቴ ዔያታ ዲዘ ዴንቃኒ ዳንዳዒባኣሢሮ ዲዘ ኮዒ ኮዒ ጊንሣ ዩሩሳላሜ ማዔኔ። 46 ሃይሣ ኬሊኮ ጊንፃፓ ጌኤዡ ማኣራ ዔያታ ዲዘ ዴንቄኔ፤ ዲዚያ ዲኢካ ዎጎ ዔራ ዓሰ ባኣካ ዴዒ ዔያቶሲ ዎይዚ ሃሣ ያኦሲሢ ሃያ ያኦሲ። 47 ዲዘሲ ዎይዛ ዓሰ ባኣካ ዲዘ ማሊ ጰቂሣ ጰቂሣሃና ሃሣ ዒ ማሃ ማሃያና ዛሎሮ ዲቃቲ ሄርሻኔ። 48 ዮሴፔና ማይራዎና ጌኤዡ ማኣሪይዳ ዲዘ ዴንቄ ዲቃቲ ሄርሻያ ዒንዴላ ዲዘ ኮራ፡- «ታ ናዓሢዮ፣ ዓይጎሮ ኔ ኦና ሃያይዴይ? ኔኤኮ ዓዶና ታኣና ሜታዲ ኔና ኦ ኮዓንቴቱዎይ!» ጌዔኔ።

49 ዩሱሴ ማሃያ፡- «ዓይጎሮ ዒንሢ ታና ኮዔይ? ታኣኒ ታ ዓዶ ማኣሪ ማዓንዲያ ኮይሳሢ ዒንሢ ዎንዴ ዔሩዎያዳ?» ጌዔኔ። 50 ዔያቶም ጋዓንቴ ዲዚ ዩይ ጌዔ ባካ ዔርቴባኣሴ።

51 ዩካፓ ዩሱሴ ዔያቶና ዎላ ናዚሬቴ ዴንዴኔ፤ ዲኢካ ዔያቶም ዒ ዓይሢንታኔ፤ ያዲ ማዓዛ ዒንዳ ዩያ ባኮ ቢያ ፔ ዒና ሳርቄኔ።

52 ዩሱሴ ያኦሲንታ ዓሲንታ ዎዛሳያ ማዔኔ፤ ሃሣ ዒናዲ ዔጰናኣ ዲጩ ዲጩ ዓኣዴኔ።

2:39 2:39 ማቴ. 2:23። 2:41 2:41 ኬሲ. ማፃ 12:1-27፤ ላሚ. ዎማ 16:1-8።
2:52 2:52 1ሳሙ. 2:26፤ ኮኣኪ. 3:4።

3

ማሰካ የሃኒሴ ኬኤዜ ባኮ

(ማቴ. 3:1-12፤ ማር. 1:1-8፤ ዮሀ. 1:19-28)

1 ርሜ ዓጮ ካአቲ ዲባርዮሴ ካአታዳንቴ ታጾ ደንጋሳ ሌዖና ጳጳሪ ጳጳሪ ጳጳሪ ጳጳሪ ደሀዳ ዓጮ፣ ሄሮዲሴ ጌሊላ ዓጮ፤ ዩያጉዲ ሃሣ ጌርሲ ፕላጶሴ ዲግሪያሴና ዲግሪያሴ ዓጮ፣ ለሳኒዮሴ ጳጳሪ ዓቢላኒሴ ዓጮ ዋይሃያኬ። 2 ዲማና ሃናና ቃያፓና ቄኤሶ ቢያሢኮ ሱኡጎንሢኬ፤ ዩማና ዛካሪያሴ ናኣዚ፣ የሃኒሴ ዓሲ ናንጉዋ ዳውሎይዳ ዓኣንቴ ያኦሲ ዲዛሞ ኬኤዜኔ። 3 ዩያሮ የሃኒሴ ዮርዳኖስ ዋሮ ኮይሎይዳ ዓኣ ዓጮ ቢያ ሃንቲ ሃንቲ፡- «ያኦሲ ዲንሢሞ ዓቶሞ ጋዓንዳጉዲ ጎሞ ቡኡዲ ቡኡዲ ዋኣያና ማሰቱዋቱ» ጌሩ ጌሩ ዔርዛኔ። 4 ዩይያዲ ማዔሢ ያኦሲ ማሊያ ኬኤዛ ዲሲያሴ የሃኒሴ ዛሎ ቤርታዲ፡-

«ሃይ ዓሲ ናንጉዋ ዳውሎይዳ ሂዚ ጌሩ ጌሩ ዲላታ ዓሲኮ ዑኡሲኬ፤ ጎዳኮ ጎይያ ጌኢጊሹዋቱ፤ ሉኡጎ ጎይያዋ ፒዚሱዋቱ፤

5 ደኦጫዳ ቤዛ ቢያ ኩሞንጎ፤ ዲኮና ጌሜርና ቢያ ሂርኪ ጎይንጎ፤ ዋሶ ጎይፃኣ ፒኮንጎ፤ ጌኢጊ ኮሺንቲባኣ ጎይፃኣ ጌኢጎንጎ፤

6 ዓሲ ቢያ ያኦሲኮ ዳቂሻ ዋልቆ ዛጎንጎ!» ። ሂዚ ጌሩ ፃኣፒንቴ ጎይያናኬ።

7 ዋኣያና ማሰቶር ዲዛ ኮይላ ሙካ ዓሶሞ የሃኒሴ፡- «ዲንሢ ሃይ ሸኦዛ! ሙካንዳ ያኦዛሢኮ ጎሪንቶይዳፓ ቶላኒ ዲንሢ ዳንዳዓንዳጉዲ ያኦኒ ዲንሢሞ ኬኤዜይ? 8 ዓካሪ ሃሣ ጎሞ ዲንሢኮ ቡኡዲያ ዔርዛ ማዶ ማዳንዳኣፓዓቱሞ ኦኡኒ ዓብራሃሜ ናኣቶኬ ጌሩ ዲንሢ ዲኖና ሄርሺንቲፖ። ያኦሲ ሃያ ሸጫፓ ዓብራሃሜ ናይ ማሂ ዔቂሳኒ ዳንዳዓያ ማዔሢ ታዲንሢሞ ኬኤዜኔ።

9 ሃሣ ሚያ ፃጳፓ ቲቂ ኬኤራኒ ሄርጋ ጌኢጊንቲሢሮ ቃራ ዓኣፒ ዓኣፒዋ ሚሢ ቢያ ቲቂንቲ ታሚዳ ኬኤሪንታንዳኔ» ጌዔኔ።

10 ዴራ ማሃያ፡- «ሂዳቶ ኮ ዓይጎ ማዶንደይ?» ጌይ የሃኒሴ ኮራ ያኦጩኔ።

3:6 3:6 ዓሲ. 40:3-5። 3:7 3:7 ማቴ. 12:34፤ 23:33። 3:8 3:8 ዮሀ. 8:33። 3:9 3:9 ማቴ. 7:19።

11 ዲዚያ፡- «ላምዎ ማእዓ ዓአሢ ፔቱማ ባአሢም ዒንጎንጎ፤ ሙኡዚ ዓአሢያ ባአሢም ገሸኮንጎ» ጌዔኔ።

12 ኮርሞ ኮርማ ዓሶይዳፓ ሚኢሽ ቡኩሲ ማዳዘንሢያ ማሰቲያሮ ዒዛ ኮይላ ሙካዎ፡- «ዔርዛሢያ! ኑኡኒሽ፣ ዓይጎ ማዳንዶይ?» ጌይ ዒዛ ያኦጩኔ።

13 ዲዚያ፡- «ዎጎና ዓይሢንቴሢፓ ዑሣ ዓአሢ ዔካኒ ያኦጩፖቱ» ጌዔኔ።

14 ሃሣ ፖኦሊሳ ሙካዎ፡- «ኑኡኒሽ፣ ዓይጎ ማዳንዶይ?» ጌዔኔ።

ዲዚያ፡- «ዓሲ ሚኢሽ ጌኔና ቡሪ ዔኪፖቱ፤ ያና ማዔቶዎ ሉኡቂ ዎጌና ዓይሢሲፖቱ፤ ዒንሢ ማዳሢ ዛሎ ዒንጎ ሚኢሽ ዒንሢም ገደንጎ» ጌዔኔ።

15 ዒማና ዴራ ቢያ ሜሲሃኮ ሙኪያ ዎዛና ካፓያታሢሮ ዮሃኒሴ፡- «ሃይ ዓሢ ጎዎንቴ ሜሲሃ ማዓንዳሞ?» ጌዒ ጌዒ ዒኖና ማሌኔ።

16 ዮሃኒሴ ጋዓንቴ ዔያቶም፡- «ታኣኒ ዒንሢ ዎአሢና ማሰካኔ፤ ጋዓንቴ ሜሌ ታጊዳፓ ባሼ ሙካንዳኔ፤ ታኣኒ ዒዛኮ ዲርዘ ቱኮ ሱዘታዎ ቡላኒ ከይሳያቱዎሴ፤ ዬይ ዒንሢ ዓያና ጌኤሽና ሃሣ ታሚና ማሰካንዳኔ። 17 ዲዚያ ቆይዳይዳ ዓአ ሃኣኮ ሶኦራኒ ሶኦሮ ዓንዶ ኩጫ ዓርቆሢሮ ሶኦ ጌኤሽሢኒ ገንፃ ኮዥ ዓአፖ ኮናይዳ ዎሃ፣ ዲኢሮ ጋዓንቴ ባይቁዎ ታሚና ሚቻንዳኔ» ጌዔኔ።

18 ዬያጉዲ ሃሣ ዮሃኒሴ ዲማ ዲማ ጎይሢና ዴሮ ዘሪ ኮዥ ሃይሶ ዔያቶም ከኤዘኔ። 19 ጌሊላ ዓጮ ዎይሣ ሄሮዲሴ ጋዓንቴ ጌርሲ ፒልጶሴኮ ማቾ ሄሮዲያዳ ዔኬሢሮና ሜሌ ሚርጌ ፑርታ ባአዚ ማዳሢሮ ዒዛ ዒ ጎሪኔ። 20 ሄሮዲሴም ዬይ ፑርቱሞ ማዳ ቢያ ገደ ዒፃም ፑርቱሞይዳ ፑርቱሞ ቃሲሢና ዮሃኒሴ ቱኡዘ ማኣራ ቱከኔ።

ዬሱሴኮ ዎኣያና ማሰቲያ
(ማቲ. 3:13-17፤ ማር. 1:9-11)

21 ዓሳ ቢያ ማሰቲሢኮ ገንፃ ዬሱሴያ ማሰቲኔ፤ ዲዚ ዒማና ሽኢቃ ጎይሣ ዓኣንቴ ጫሪንጫ ቡሊንቴም፣ 22 ዓያና ጌኤሽያ ዶኦሌ ማሎና ማዒ ዒዛ ዑፃ ከዴኔ፤ ዒማና «ኔኤኒ ታ ኔና ናሽካ ታኣኮ ናዓሢከ፤ ኔኤና ታ ዎዛዳኔ» ጋዓ ዑኡሲ ጫሪንጫፓ ዎይዚንቴኔ።

3:12 3:12 ሉቃ. 7:29። 3:20 3:20 ማቲ. 6:17-18። 3:22 3:22 ማዢ. ማፃ 22:2፤ ዓይኑ. 2:7፤ ዒሲ. 42:1፤ ማቲ. 3:17፤ ማር. 1:11፤ ሉቃ. 9:35።

ዩሱሴኮ ሾይንቶ ዜርዖ
(ማቴ. 1:1-17)

23 ዩሱሴ ን ሌባና ለዓ ዲዛኮ ሃይሂታሚ ጉዳያኩ፤ ዲዚ ዓሰሞ ዮሴፔ ናይ ማላኔ። ዩይያ ዮሴፔ ዔኤሊ ናኣዚ። 24 ዔኤሊ ማቲ ናኣዚ። ማቲ ሃሣ ሌዊ ናኣዚ። ሌዊ ሚልኪ ናኣዚ። ሚልኪ ዮና ናኣዚ። ዮና ዮሴፔ ናኣዚ። 25 ዮሴፔ ማታቲዮ ናኣዚ። ማታቲዮ ዓሞፆ ናኣዚ። ዓሞፆ ናሆሚ ናኣዚ። ናሆሚ ዔሰሊሚ ናኣዚ። ዔሰሊሚ ናጌ ናኣዚ። 26 ናጌ ማዖቲ ናኣዚ። ማዖቲ ማታቲዮ ናኣዚ። ማታቲዮ ሴኤሚዬ ናኣዚ። ሴኤሚዬ ዮሴፔ ናኣዚ ዮሴፔ ዮዳ ናኣዚ። 27 ዮዳ ዮና ናኣዚ። ዮና ኔ ሬሴ ናኣዚ። ሬሴ ዜሬባቡሌ ናኣዚ። ዜሬባቡሌ ሳላቲያሌ ናኣዚ። ሳላቲያሌ ኔሪ ናኣዚ። 28 ኔሪ ሚልኪ ናኣዚ። ሚልኪ ሃዲ ናኣዚ። ሃዲ ቆሳሚ ናኣዚ። ቆሳሚ ዔልሞዳሚ ናኣዚ። ዔልሞዳሚ ዔሪ ናኣዚ። 29 ዔሪ ዮሴዔ ናኣዚ። ዮሴዔ ዔኤለዔዛሬ ናኣዚ። ዔኤለዔዛሬ ዮራሚ ናኣዚ። ዮራሚ ማዖቲ ናኣዚ። ማዖቲ ሌዊ ናኣዚ። 30 ሌዊ ሰሞኦን ናኣዚ። ሰሞኦን ዪሁዳ ናኣዚ። ዪሁዳ ዮሴፔ ናኣዚ። ዮሴፔ ዮና ናኣዚ። ዮና ዔሊያቂሚ ናኣዚ። 31 ዔሊያቂሚ ሚሊያ ናኣዚ። ሚሊያ ማይኔን ናኣዚ። ማይኔን ማዖቲ ናኣዚ። ማዖቲ ናኣታኔ ናኣዚ። ናኣታኔ ዳውቲ ናኣዚ። 32 ዳውቲ ዒሴዬ ናኣዚ። ዒሴዬ ዒዮቤዳ ናኣዚ። ዒዮቤዳ ቦዔዜ ናኣዚ። ቦዔዜ ሴልሞን ናኣዚ። ሴልሞን ናዖሶን ናኣዚ። 33 ናዖሶን ዓሞናኣዳኣቤ ናኣዚ። ዓሞናኣዳኣቤ ራሚ ናኣዚ። ራሚ ዓርኔ ናኣዚ። ዓርኔ ሄፂሮን ናኣዚ። ሄፂሮን ፔርሴ ናኣዚ። ፔርሴ ዪሁዳ ናኣዚ። ዪሁዳ ያይቆኦቤ ናኣዚ። 34 ያይቆኦቤ ዪሳኦቄ ናኣዚ። ዪሳኦቄ ዓብራሃሚ ናኣዚ። ዓብራሃሚ ታራ ናኣዚ። ታራ ናኮሬ ናኣዚ። 35 ናኮሬ ሴሩጌ ናኣዚ። ሴሩጌ ሬዑ ናኣዚ። ሬዑ ፔሌን ናኣዚ። ፔሌን ዔቤሬ ናኣዚ። ዔቤሬ ሹላሂ ናኣዚ። 36 ሹላሂ ቃይኒሚ ናኣዚ። ቃይኒሚ ዓርፓክሳዳ ናኣዚ። ዓርፓክሳዳ ሴኤሚ ናኣዚ። ሴኤሚ ኖሂ ናኣዚ። ኖሂ ላሚሂ ናኣዚ። 37 ላሚሂ ማቶሳላ ናኣዚ። ማቶሳላ ሄኖኬ ናኣዚ። ሄኖኬ ያሬዳ ናኣዚ። ያሬዳ ሚላሊዔኤሌ ናኣዚ። ሚላሊዔኤሌ ቃይናን ናኣዚ። 38 ቃይናን ሄኖሴ ናኣዚ። ሄኖሴ ሴቲ ናኣዚ። ሴቲ ዓዳኣሚ ናኣዚ። ዓዳኣሚ ዖኦሲ ናኣዚኩን ዔያታ ጋዓኔ።

4

ፃላሂ ዩሱሴ ጌሺ ዛጌሂ
(ማቴ. 4:1-11፤ ማር. 1:12-13)

1 ዩሱሴ ዓያና ጌኤሺ ቢታገቶ ዳሞ ጌሊ ዮርዳኖሴ ዎራፓ ማዓዛ። ዓያና ጌኤሺ ዓሲ ናገጉዎ ዳውሎ ዒዛ ዔኪ ዓኣዳኔ። 2 ዒኣካ

ገደዱ ታሚ ከሌ ፃላሄ ዒዛ ዛጋኒ ገሸኔ፤ ዩንሢ ከሎንሢዲ ዳይጎዎ ዒዚ ሙዒባኣሢር ጋፒንፃ ዒዛ ናይዳ።

3 ፃላሄ ዩሱስ ኮራ፡- «ጾሱ ናይ ኔ ማዕያታቲ ሂንዳ ሃያ ሹጮ ካሣ ማዕንዳጉዲ ዳይሄ» ጌዔ።

4 ዩሱስ ዒዛም ማሃ፡- «ዒሲ ካሣ ሌሊ ሙዒ ናንጉዋሴ ጌይንቲ ፃኣፒንቴኔ» ጌዔ።

5 ዩካፓ ፃላሄ ዩሱስ ፔቲ ዳጌ ቤሲ ከሲ ካኣቶ ዓጮ ቢያ ዓኣፒ ጊኢጳማ ጉዳያና ዳዋፖ ሂዚ ጌዔ። 6 «ሃያ ቢያ ቢታንቶና ቦንቾና ኔኤም ታ ዒንጋንዳ፤ ሃይ ቢያ ታኣም ዒንጊንቴያ ማዕሢር ታኣኒ ኮዔሢም ዒንጋኒ ዳንዳዒ፤ 7 ዩያር ኔኤኒ ታና ዚጊ ካኣሸከቲ ሃይ ቢያ ኔኤም ማዕንዳ።»

8 ዩሱስ ዒዛም ማሃ፡- «ጾሱ፡ ኔ ጎዳ ሌሊ ዚጊ ካኣሸከ፤ ሃሣ ዒዛም ሌሊ ማዳ፡ ጌይንቲ ፃኣፒንቴኔ» ጌዔ።

9 ዩካፓ ፃላሄ ሃሣ ዩሱስ ዔኪ ዩሩሳላሚ ዳንዳፖ ጌኤዠ ማኣርኮ ሙሰኩላ ዔቂሲ፡- «ኔኤኒ ጾሱ ናይ ማዕቶ ሂንዳ ሃይካፓ ለካ ኮኣሚ ከዳ፤ 10 ዳይጎር ጌዔቶ ኔና ዔያታ ካፓንዳጉዲ ጾሱ ከኢታንቾ ዳይሣንዳ፤ 11 ቶካ ኔኤኮ ሹጮይዳ ዲቁንቴዋጉዲ ዔያታ ፔ ኩጮና ኔና ዓርቃንዳ።» ጌይንቲ ፃኣፒንቴኔ» ጌዔ።

12 ዩሱስ ማሃ፡- « ጾሱ፡ ኔ ጎዳሢ ወይታቲያ ዛጋኒ ገሸሺሪፖ ጌይንቲ ፃኣፒንቴኔ» ጌዔ።

13 ፃላሄ ዩሱስ ሚርጌ ጎይሢና ዛጋኒ ገሸሢኮ ጊንፃፓ ዳካ ዎዳር ሃሺ ዒዛ ዳንዳ።

ዩሱስ ዔርዚያ ማዳ ጌሊላይዳ ዓርቁሢ
(ማቲ. 4:12-17፤ ማር. 1:14-15)

14 ዩሱስ ዓያና ጌኤሺ ዎልቁ ዔኪ ጌሊላ ባንሢ ማዕኔ፤ ዒዛኮ ሱንፃኣ ዓጮ ቢያይዳ ዎይዚንቴኔ። 15 ዳይሁድ ዓሳ ቡካ ቤዘይዳ ቤዘይዳ ዔርዛኣና ቢያሢ ዒዛኮ ዔርዚያር ዒዛ ጋላቴ።

ዩሱስ ናዚሬቲ ካታዎይዳ ዒዲንቴሢ
(ማቲ. 13:53-58፤ ማር. 6:1-6)

16 ዩካፓ ዩሱስ ዒ ዲጮ ዓጮ፡ ናዚሬቲ ዳንዳፖ ዒዚ ቤርታ ማዳ ጎይፖ ዳይሁድ ዓሶኮ ሃውሾ ከሎና ዔያቶኮ ቡኪንቶ ቤዘ ጌሊ ናባባኒ ዔቃዛ፡ 17 ጾሱ ማሊያ ከኤዛ ዒሲያሴ ማፃኣፓ

4:4 4:4 ላሚ. ዎማ 8:3። 4:8 4:8 ላሚ. ዎማ 6:13። 4:10 4:10 ዓይኑ. 91:11። 4:11 4:11 ዓይኑ. 91:12። 4:12 4:12 ላሚ. ዎማ 6:16።

ዒዛም ዒንገንቴም፡ ማፃኣፖ ዒ ቡሌ ዎዶና ሂዚ ገዒ ፃኣፒንቴ ቤሲ ደንቄኔ፡-

18 «ጾኦሲኮ ዒያና ታኣም ዒንገንቴኔ፤

ዬይ ያዲ ማዔሢ ማንቆ ዓሰም ኮሺ ሃይሴ

ቱኡቴዘንሢም ቡሊንቴሢ ሃይሴ

ዓኣፖ ባይቄዘንሢም ዛገሢ ሃይሴ ታ ኬኤዘንዳጉዲና

ሄርቄንቴ ደማ ዎርቃዘንሢ ዓይላታፓ ታ ኬሳንዳጉዲ፤

ቢታንቶ ታኣም ዒንገንቴኔ።

19 ዬያጉዲ ሃሃ ጎዳ ፔ ደር ደቁሻንዳ ዎዳ ሃማታሢ

ታ ኬኤዘንዳጉዲ ታና ዳኬኔ።»

20 ዬሱሴ ማፃኣፔሎ ጳንጪ ቤርታ ዔቄ ዓሢም ዒንገፓ ደዓዛ

ዓይሁዶ ዓሰኮ ቡከንቶ ቤዛ ዓኣ ዓሳ ገዥ ገይ ዒዛ ዛገሢ ዓርቄኔ፤

21 ዒዚያ፡- «ሃይ ሃሢ ናባቢንታንቴ ዒንሢ ዎይዜ ማፃኣፖ ቃኣላ ሃኖ ኩሚኔ!» ዔያቶም ገዔኔ።

22 ቢያሢ ዒዛ ኮሺ ማሂ ገሰታኔ፤ ዒ ኬኤዛ ኮዥ ቃኣሎናኣ

ዲቃቴ ሄርሻዎ፡- «ሃይ ዮሴፔ ናዓሢቴዎዳ?» ገዔኔ።

23 ዬሱሴ ዔያቶም ማሃዎ፡- «ሃይ ኔ ዳኤሾ ዔራሢ ሂንዳ ኔና

ደቁሾ ገይንታ ኮኣኪንሃ ታገዳ ዒንሢ ኬኤዘንዳሢ ታ ዔራኔ፤

ዬያጉዲ «ቂፒርናሆሚይዳ ኔ ማዴኔ ዓሳ ገዓንቴ ኑ ዎይዜሢ ቢያ

ሃይካ ኔ ዓጮይዳኣ ማዴ» ዒንሢ ታና ገዓንዳኔ» ገዔኔ። 24 ጎኔ ታ

ዒንሢም ገዓኔ፡- «ጾኦሲ ማለሢ ኬኤዛ ዓሲ ፔ ዓጮ ዓሰ ኮይላ

ቦንቺንቴዎሴ፤

25 «ዎይዙዎቲ! ጎኔ ታ ዒንሢም ኬኤዘም፤ ጾኦሲ ማለፆ ኬኤዛ

ዔኤሊያሴ ዎዶና ሃይሃ ለዔና ላሆ ዓገኒና ዒርዚ ዎርቁባኣሢር

ዓጮ ቢያይዳ ዳኤፒ ናይዚ ኬሰኬኔ፤ ዬኖ ዎዶና ዒሰራዔኤሌ

ዓጮይዳ ዜኤሪንዶ ማዔ ሚርጌ ላኣሊ ዓኣንቴ፤ 26 ዔኤሊያሴ

ሲዶና ገይንታ ዓጮይዳ ሲራጲታ ገይንታ ጉርዴሎይዳ ዓኣ ፔቴ

ዜኤሪንዳሰኬኖ ኮይላ ሌሊ ዳኪንቴያፓዓቴም ሚሌ ፆ ኮይላኣ

ዳኪንቴባኣኦ። 27 ዬያጉዲ ሃሃ ጾኦሲ ማለፆ ኬኤዛ ዔልሳዒ ዎዶና

ዑሢዳ ኬሰካ ደርዎና ዓርቄንቴ ዓሲ ዒሰራዔኤሌ ዓጮይዳ ሚርጌ

ዓኣንቴ ሶኦሪያ ዓጮ ዓሢ ኒዒማኔፓ ዓታዛ ዔያቶይዳፓ ፔቴታዎ

ደቁባኣኦ» ገዔኔ።

28 ዓይሁዶ ዓሰኮ ቡከንቶ ቤዛ ዓኣ ዓሳ ቢያ ዬያ ዎይዘፆ ደጋዲ፤

29 ዬሱሴ ጎቺ ዔኪ ካታማፓ ዙሎ ኬሴኔ፤ ዬና ካታሚላ ማዥንቴሢ

4:19 4:19 ዒሲ. 61:1-2። 4:24 4:24 ዮሃ. 4:44። 4:25 4:25 1ካኣቶ. ማ 17:8-16። 4:27 4:27 2ካኣቶ. ማ 5:1-14።

ዲኬ ዑስካታሢር ዒዛ ዔያታ ጎኑሶ ሃዒ ዳካኒ ኮዒ ዔኪ ዓኣዴ።
30 ዒዚ ጋዓንቴ ዔያቶኮ ባኣኪና ቶሊ ዴንዴ።

ፑርታ ዓያና ዓርቁ ዓሲ
(ማር. 1:21-28)

31 ዩካፓ ዩሱሴ ጌለላ ዓጮይዳ ዓኣ፡ ቁፒርናሆሜ ካታሚሎ ዴንዲ ዒኣካ ዴር ዓይሁዶ ዓሶኮ ሃውሾ ኬሎና ዔርዛኔ። 32 ዒዚ ቢታንቶና ኬኤዛሢር ቢያሢ ዒዛኮ ዔርዚያና ዲቃቲ ሄርሻኔ። 33 ዒኣካ ዓይሁዶ ዓሶኮ ቡኪንቶ ቤዛ ፑርታ ዓያና ዓርቁ ዓሲ ዓኣኔ፤ ዒዚ ዴኤፐ ዑኡሲና ሃዚ ጌዒ ዒላቲ። 34 «ናዚሬቶ ዩሱሴ! ኑኡኮ ኔኤና ዎላ ዓይጎ ካኣሚሢ ዓኣይ? ኑና ኔ ባይዛኒ ሙኪያ? ኔ ያና ማዔቴያ ታ ኔና ዔራኔ፤ ኔኤኒ ዲማዴያ ያኡሲ ናይኬ!»

35 ዩሱሴያ ማሃዎ ፑርቶ ዓያናሢ፡- «ዚቲ ጌዒ፡ ሃያ ዓሢፓ ኬሰኬ!» ጌዒ ጎራዛ፡ ፑርቶ ዓያናሢ ዓሢ ዴርኮ ቤርታ ሎንሢሰካፓ ፔቲታዎ ዔኤቢ ዎኣቲዎዎ ኬሰኬ።

36 ቢያሢ ዲቃቲ ሄርሻዎ ዎሊ ኮይላ፡- «ሃይ ዎዚጉዴ ባኣዚ ዳይ? ቢታንቶና ሃሣ ዎልቁና ፑርቶ ዓያኖ ዒዚ ዓይሣኔ፤ ዔያታኣ ዒዛሞ ዓይሢንቲ ኬሰካኔ» ጌዔ። 37 ዩሱሴኮ ሱንፃ ዩኖ ዓጩሎ ኮይሎይዳ ቢያ ዎይዚንቴ።

ዩሱሴ ሚርጌ ሃርጊንቴ ዓሶ ፓሢሢ
(ማቴ. 8:14-17፤ ማር. 1:29-34)

38 ዩሱሴ ዓይሁዶ ዓሳ ቡኪንታ ቤዛፓ ዔቁ ሲሞኦኔ ማኣሪ ዓኣዴ፤ ዒኣካ ሲሞኦኔኮ ባይሳ ሚርጌና ቆጂንቲ ላሂ ዓኣኔ፤ ዩያር ዒዛ ዒ ፓሢንዳጉዲ ዩሱሴ ዔያታ ሺኣቁ። 39 ዩሱሴያ ዒዛ ባንሢ ዑካዎ ዓጫ ዒዛኮ ዔቁ ቆሣ ሺማንዳጉዲ ዓይሣዛ ቆሣ ዒዛኮ ሺሚሞ ቤዛማና ዔቁ ዒዛ ዔያቶ ሾኦቹንሥሢ ዓርቁ።

40 ዓባ ጌላኣና ዓሳ ዲማ ዲማ ሃርጌና ዓኣ ዓሲ ቢያ ዩሱሴ ባንሢ ዔኪ ሙካዛ፡ ዒዚ ፔቲ ፔቲሢኮ ዑፃ ኩጮ ጌሢ ፓሢ። 41 ፑርቶ ዓያናኣ፡- «ኔኤኒ ያኡሲ ናኣዚቲ!» ጌዒ ጌዒ ዒላቲና ዓሶይዳፓ ሃሺ ኬሰካኔ።

ዒዚ ሚሲሃ ማዔሢያ ዔያታ ዔሬኔ፤ ዩሱሴ ጋዓንቴ ዒዛ ዛሎ ፔቲታዎ ኬኤዙዎጉዲ ዔያቶ ጎሪ ላኣኔ።

ዩሱሴኮ ጌለላይዳ ዔርዚያ
(ማቴ. 4:23-25፤ ማር. 1:35-39)

42 ሳዓ ካራዛ ዩሱሴ ዒኣካፓ ኬሰኪ ዓሲባኣ፡ ዔዌ ቤሲ ዴንዳዛ ዓሳ ዒዛ ዒማና ኮዓኔ፤ ዔያታ ዒዛ ዴንቃዎ፡- «ኑ ኮራፓ ዴንዲፓ»

4:32 4:32 ማቴ. 7:28-29።

ጌራ ሺአቄ። 43 ዲዚ ጋዓንቴ፡- «ሜሌ ካታሞ ታ ዴንዲ ያኦሲ ካኣቱሞ ኮዥ ሃይሶ ኬኤዛንዳያ ታኣሞ ኮይሳኔ፤ ታ ዳኪንቴህ ዴያርኬ» ጌዔ።

44 ዴያር ዪሁዳይዳ ዓይሁዳ ቡካ ቤዛ ሃንቴ ሃንቴ ዒ ዔርዘኔ።

5

ዩሱሴ ቤርታሳ ዒዛኮ ጊንፆ ሃንታዘንህሂ ዔኤሌህሂ

(ማቴ. 4:18-22፤ ማር. 1:16-20)

1 ፔቴ ኬሊ ዩሱሴ ጌንሴሬፄ ጌይንታ ዴኤፖ ፄኤር ዓጫ ዔቁ ዓኣንቴ ሚርጌ ዓሳ ዒዛ ባንህሂ ሙኪ ያኦሲኮ ቃኣሎ ዋይዘኒ ቱቸንታ። 2 ዒዚያ ባዘ ዓጮይዳ፣ ሳዖኮ ዑኬ ዔቁ፣ ላምፆ ዋኣህና ፒንቆ ጎንጊ ዴንቄ፤ ሞላህሂ ዓርቃዘንህሂ ጋዓንቴ ዋኣያና ፒንቆ ጎንጋፓ ኬዲ ዔያቶኮ ሞላህሂ ዓርቆ ርኣጮ ማላ ሱዞ ማሰካ። 3 ዩሱሴ ዋኣያና ፒንቆ ጎንጎንህሂዳፓ ፔቴዞ፡ ሲሞኦኔሬሎይዳ ጌላፆ ሲሞኦኔ ኮራ፡- «ሃና ዋኣያና ፒንቆ ጎንጌሎ ሳዖ ኮራፓ ባዘ ሳዘ ባንህሂ ታኣሞ ዶጪሴ» ጌዔ። ዩካፓ ዋኣያና ፒንቆ ጎንጌሎይዳ ዴዒ ዴር ዔርዘህሂ ዓርቁ።

4 ዒ ኬኤዛ ባኮ ጋፒሴህኮ ጊንፆ ሲሞኦኔ ኮራ፡- «ዋኣያና ፒንቆ ጎንጌሎ ሴካ ባዘ ሳዘ ጌልዚ ኔኤኒ ኔኤኮ ላጎንህሂና ዋላ ሞላህሂ ዓርቃኒ ርኣጮ ማላ ሱዞ ዋኣያይዳ ዓጉሞቴ» ጌዔ።

5 ሲሞኦኔ ማሃዖ፡- «ዔርዘህሂዮ! ዋንቴ ሳዓ ካራንዳያ ሄላንዳኣና ዓርቃኒ ኮዒ ሚርጌ ኑ ላቤፆ ፔቴታፆ ዓርቁባኣሴ፤ ኔ ጌዔቶ ጋዓንቴ ሃይሾ ሱዞ ኑ ዓጋንዳኔ» ጌዔ። 6 ርኣጮ ማላ ሱዞ ዔያታ ዓጋፆ ሱዞ ማኣማንዳያ ሄላንዳኣና ሚርጌ ሞሎ ዓርቁ። 7 ዩያር ሜሌ ዋኣያና ፒንቆ ጎንጎይዳ ዓኣ ዔያቶኮ ላጎንህሂ ሙኪ ዔያቶ ማኣዳንዳጉዲ ኩቻ ዉቲ ዔኤላዘ፣ ዔያታ ሙኪ ላምፆ ዋኣያና ፒንቆ ጎንጋ ዔኤዲንታኒ ዑካንዳያ ሄላንዳኣና ሞላህሂ ዓርቁ ጎንጎ ኩንህኔ።

8 ሲሞኦኔ ጎፆ ጳፀርሴ ዩያ ዛጌ ዋዶና ዩሱሴኮ ቤርታ ጉሞዓቲ፡- «ታ ጎዳሂዮ! ታ ጎሚ ዓሲ ማዔህሮ ታ ባንህሂ ኔ ዑኪፖ» ጌዔ።

9 ዩያ ዒ ጌዔህሂ ዒዛንታ ዒዛና ዋላ ዓኣ ላጎንህሂ ቢያ ዓርቁ ሞላህሂ ሚርጉሞይዳፓ ዔቁያና ሚርጌና ዲቃቲ ሄርሼህሮኬ። 10 ዩያጉዲ ሃህ ሲሞኦኔኮ ላጎንህሂ ማዔ ዜብዲዮሴ ናኣቶንህሂ፣ ያይቆኦቤና ዮሃኒሴናኣ ዲቃቲ ሄርሼኔ። ዩሱሴ ሲሞኦኔ ኮራ፡- «ሃይ ኔ ዋይታይ! ዒጊጪፖ፤ ሃካፓ ሴካ ኔ ዓሲ ፒሪ ዓርቃያ ማዓንዳኔ» ጌዔ።

5:3 5:3 ማቴ. 13:1-2፤ ማር. 3:9-10፤ 4:1። 5:5 5:5 ዮሃ. 21:3። 5:6 5:6 ዮሃ. 21:6።

11 ዲያታ ዋኦያና ፒንቆ ጎንጎንሢ ሳቦ ባንሢ ዑኪሲ ዔቁሴሰካፓ ቢያ ባኮ ሃሺ ዬሱሴ ጊንቦ ሃንታያ ማዔኔ።

ዑፃ ኬሰካ ደርዓሢና ዓርቁንቲ ዓሲ ዬሱሴ ፓሢሢ
(ማቲ. 8:1-4፤ ማር. 1:40-45)

12 ፔቲ ኬሊ ዬሱሴ ካታሞይዳ ዓኣንቲ ፔቲ ዑሢዳ ኬሰካ ደርዓ ዑቦ ባይዜ ዓሲ ዒዛ ኮራ ሙኬኔ፤ ዒዚ ዬሱሴ ዴንቃቦ፡- ባለቲና ሳዓ ሎኦሚ፡- «ኔ ኮዔቲ፥ ታና ጌኤሻኒ ዳንዳዓኔ» ጌዒ ሺኢቁኔ።

13 ዬሱሴያ ኩጮና ዒዛኮ ዑቦ ፒፃ፡- «ጌኤሸኬ! ኔ ጌኤሸካንዳጉዲ ታ ኮዔኔ» ዒዛም ጋዓዛ፥ ቤዘማና ዓሢ ዑፃ ኬሰኬ ደርዓሰካፓ ጌኤሸኬኔ። 14 ሄሊሳቦ ዬሱሴ ዒዛም ሂዚ ጌዒ ዓይሢ፡- «ሃያ ባኮ ጾኦማኣ ኬኤዚ፣ ጋዓንቲ ዴንዲ ኔና ቁኤሳሢም ዳቁ፤ ዴርም ማርካ ማዓንዳጉዲ ኔኤኮ ጌኤሸኪያ ዛሎ ሙሴ ዓይሢ ጾኦሲም ዒንጎ ባኮ ዒንጌ።»

15 ዬማፓ ዬሱሴኮ ሱንፃ ቤርታኣሰካፓ ባሺና ዋይዚንቲሢር ሚርጌ ዓሳ ዒዛሲ ዋይዚኒና ፔኤኮ ደርዓሰካፓ ዳቃኒ ኮዒ ዒዛ ኮራ ቡካኔ። 16 ዒዚ ጋዓንቲ ቢያ ዋዴ ፔኤር ሌሊ ዔዌ ቤሲ ዴንዲ ዴንዲ ሺኢቃኔ።

ዬሱሴ ዋቦ ዓሲሰኬያ ፒሺሢ
(ማቲ. 9:1-8፤ ማር. 2:1-12)

17 ፔቲ ኬሊ ዬሱሴ ዔርዚያይዳ ዓኣንቲ ፔርሴ ዓሶና ሙሴ ዔርዜ ዋጎ ዔርዛ ዓሳ ዒዛ ኮይላ ዴዒ ዓኣኔ፤ ዔያታ ጌሊላና ዪሁዳ ጉርደናይዳ፣ ዬያጉዲ ሃሢ ዬሩሳሌሜ ካታማፓ ሙኬያኬ፤ ዬሱሴ ሃርጊንቲ ዓሶ ፓሢንዳጉዲ ጾኦሲ ዒንጌ ዋልቁ ዒዛና ዓኣኔ። 18 ዒማና ፔቲ ዋቦ ዓሲ ሃሎና ኬዴ ዓሲ ዬሱሴ ኮራ ዒዚ ዓኣ ቤዘ ሙከ፥ ዬሱሴ ዓኣ ኬኤያ ጌልዚ ዒዛኮ ቤርታ ጌሢኒ ኮዔኔ፤ 19 ጋዓንቲ ዴርኮ ሚርጌማፓ ዔቁያና ዋቦ ዓሢ ጋር ዔኪ ጌላኒ ዔያቶ ባሺሢር ማኣርኮ ዑቦ ዔኪ ጊዓቦ ማኣርኮ ሃላሢዳ ኬሰኬኔ፤ ዬካፓ ሳኮ ሻሂ * ዋቦ ዓሢ ሃላሢና ዋላ ዬሱሴኮ ቤርታ ኬይሴኔ። 20 ዬሱሴ ዔያቶኮ ጉሙርቁያ ዛጌ ዋደና ዋባሢም፡- «ዔኤዛይ! ኔኤኮ ጎማ ዓቶም ጌይንቲኔ» ጌዔኔ።

5:14 5:14 ለዊ. ዓክ 14:1-32። * 5:19 5:19 ሳኮ ሻሂ፡- ጋዓዛ ዬና ዋደና ማኣር ማኮሢ ሳከናቲዋንቲ ዓጪ ዲንቁ ዋላ ካንሢ ቆርቆሪንቲና ዳልጊሺ ማኣርኮ ዑፃ ጌሢ ማኮያኬ፤ ዬያር ማኣርኮ ዑፃ ኬሰኪ ዔቁንታኒ ዳንዳዓኔ ጌይሢኬ።

21 ሙሴ ዔርዘ ዋጎ ዔርዘ ዓሶና ፔርሴ ዓሶና፡- «የኦሲ ጫሽካሢ ሃይ ያናዳይ? ጎሜ ዓቶም ጋዓሢ የኦሲዳፓዓቲም ሜሌ ያናዳይ?» ጌራ ጌራ ማሌ።

22 ዩሱሴ ዩያ ማሊያ ዔያቶኮ ዔራያ፡- «ዒንሢ ዒኖና ዓይጎር ዩያ ጌይ ማላይ? 23 ማዓዛ ጎማ ኔኤኮ ዓቶም ጌይንቴኔ» ጌይሢና ጋቂ ዩንዳ። ጌይሢናይዳፓ ዋና ሼሌዓይ? 24 ጋዓንቴ ዓሲኮና ዓሢ ጎይዳ፣ ጎሜ ዓቶም ጋዓኒ ቢታንቶ ዓኡያ ማዔሢ ዒንሢ ዔራጎዳያ ኮይሳኔ» ጌራ ዋሶ ዓሢ፡- «ዔኤዛይ፣ ኔኤኮ ሃላሢ ኬዲ ዔኪ ኔ ማኣሪ ዓኣዳ!» ጌዔ።

25 ዋሶ ዓሢያ ዓሶ ቤርቶይዳ ዔቃያ ሃላሢ ፔኤኮ ኬዲ የኦሲ ጋላቲ ጋላቲ ፔ ማኣሪ ዩንዳ። 26 ዒኢካ ዓኣ ዓሳ ቢያ ማርጌና ዲቃቲ ሄርሺ ሃሃ ዒጊጫያ፡- «ሃኖ ኑ ዓኪ ባኣዚ ዛጌኔ» ጌራ የኦሲ ጋላቲ።

ዩሱሴ ማቲዎሴ ጌይንታ ሌዊ ዔኤሌሢ
(ማቲ. 9:9-13፤ ማር. 2:13-17)

27 ዩሱሴ ዩካፓ ኬሰኪ ዓኣዳንቴ ሌዊ ጎያ፣ ኮርሞ ኮርማ ዓሶይዳፓ ሚኢሾ ቡኩሳሢ ሚኢሾ ቡኩሳ ቤዛ ዴዒ ዓኣንቴ ዛጋያ፡- «ሃኒ ታ ጊንያ ሙኬ» ጋዓዛ፣ 28 ሌዊ ላዓ ጌራ ዔቂ፣ ቢያ ባኮዋ ሃሺ ዩሱሴ ጊንያ ዴንዳ።

29 ዩካፓ ሌዊ ፔ ማኣርይዳ ዩሱሴ ቦንቺ ዴኤፒ ሙኤዚ ጊኢጊሻዛ ዩኖ ሙያይዳ ማርጌ ኮርሞ ኮርማ ዓሶፓ ሚኢሾ ቡኩሳ ዓሶና ሜሌ ማርጌ ዓሲያ ዒኢካ ሙኬ። 30 ፔርሴ ዓሶና ዔያቶ የጳፓ ማዔ፣ ሙሴ ዔርዘ ዋጎ ዔርዘ ዓሶ፡- «ኮርሞ ኮርማ ዓሶይዳፓ ሚኢሾ ቡኩሳ ዓሶና ጎሞ ዓሶና ዋላ ዒንሢ ሙይ ዑሽካሢ ዓይጌንዴርዳይ?» ጌራ ዩሱሴኮ ጊንያ ሃንታዞንሢ ዑፃ ጉንዳሜ።

31 ዩሱሴ ዒማና ሂዚ ጌራ ዔያቶም ማሄ፡- «ሃርጊንቴ ዓሲም ማዓንዳጎቲም ዋሊ ዓሲም ዴኤሻ ዔራ ዓሲ ኮይሱዋሴ፤ 32 ታኣኒ ሙኬሢ ጎሞ ዓሳ ጎሞ ፔኤኮ ቡኡፃ የኦሲ ባንሢ ማያም ዔኤላኒ ማዓንዳጎቲም ዲሎ ዓሶ ዔኤላኒቴዋሴ።»

ሙያ ሃሺያ ዳምቦ ዛሎ የኦጪንቴ የኦጪሢ
(ማቲ. 9:14-17፤ ማር. 2:18-22)

33 ዩካፓ ዔያታ ዩሱሴ ኮራ፡- «ማሰካ የሃኒሴና ፔርሴ ዓሶናኮ ጊንያ ሃንታዞንሢ ሙያ ሃሺያ ዳምቦ ካፓኔ ሃሃ ሺኢጲሢያ ዋዶማ ካፒ ካፒ ሺኢቃ፤ ኔ ጊንያ ሃንታዞንሢ ጋዓንቴ ቢያ ዋዶና ሙዒ ዑሽካሢ ዓይጌንዴርዳይ?» ጌይ ዒዛ የኦጪ።

34 ዩሱሴ ዔያቶም ማሃዎ፡- «ዑኡታሢ ዔያቶና ዎላ ዓኣንቴ ዔፖ ዓሶም ሙኡዚ ሃሺሢ ኮይሳኔ ጌይ ዒንሢ ማላ? 35 ጋዓንቴ ዑኡታሢ ዔያቶይጋፓ ዲማዳንዳ ዎዴ ሙካንዳኔ፤ ዩኖና ዔያታ ሙኡዚ ሃሻንዳኔ» ጌዔኔ።

36 ሄሊሳዎ ዩሱሴ ሂዚ ጌዒ ፔቴ ኮኣከንሢ ዔያቶም ከኤዜኔ፡- «ዓኪ ዓፒላይዳፓ ዳርዚ ዔኪ ጨሚ ዓፒላይዳ ዓጊ ሲካይ ያኦኒያ ባኣሴ፤ ዩያይዳ ዓሲ ዓኣቶ ጋዓንቴ ዓኮ ዓፒሎ ጉሪ ዳዳርዜያ ማዓኔ፤ ዓኮ ዓፒላኣ ጨሞ ዓፒሎም ገኢጉዎሴ፤ 37 ዩያጉዲ ሃሃ ሶልኪ ዑሺ ዎሆ ጨንቄ ያቲዳ ሺሜ ዑሺ ዎሃይ ያኦኒያ ባኣሴ፤ ዩያይዳ ዓሲ ዓኣቴ ጋዓንቴ ሺሜ ዑዣ ያቶ ዲኡሴም፡ ዑዣኣ ላኣሊንታንዳኔ፤ ሃሃ ያታኣ ሃይቂ ጉሪ ዓታንዳኔ። 38 ዩያሮ ሺሜ ዑዣ ዓኪ ያቲዳ ዎሃንዳያ ኮይሳኔ፤ 39 ማርጌ ዎዴ ዴዒ ሶልኪ ዑሺ ዑሸካሢ ሺሜ ዑዣ ዑሸካኒ ኮዑዎሴ፤ ዓይጎሮ ጌዔቶ ሓዲ ካዲ፡ ሶልኪ ዑሺ ኮሺኪ» ጋዓኔ።»

6

ዓይሁዶ ዓሶኮ ሃውሽ ከሎ ዛሎ ያኦጨንቴ ያኦጨሢ
(ማቴ. 12:1-8፤ ማር. 2:23-28)

1 ዓይሁዶ ዓሶኮ ሃውሽ ከሎና ዩሱሴ ዛርጌ ጎሺ ገዴና ዓኣዳንቴ ዒዛኮ ገንዎ ሃንታ ናኣታ ዛርጎ ቲሻሢ ዲኡዚ ዔኪ ዔኪ ኩቻ ሺርኪ ዳይሢ ዓርቄኔ፤ 2 ፔርሴ ዓሶይዳፓ ፔቴ ፔቴዘንሢ ዩሱሴኮ ገንዎ ሃንታ ናኣቶ ኮራ፡- «ዓይሁዶ ዓሶኮ ሃውሽ ከሎና ማዳንታኒ ኮይሱዎ ባኣዚ ዒንሢ ዓይጎሮ ማዳይ?» ጌዔኔ።

3 ዩሱሴ ዔያቶም ሂዚ ጌዒ ማሄኔ፡- «ዒዛንታ ዒዛና ዎላ ዓኣ ዓሳ ናይዳንቴ ዎዶና ዳውቴ ማዴ ባኮ ዒንሢ ናባቢባኣዓዳ?

4 ዒዚ ያኦሲ ማኣሪ ጌሊ ቄኤሶይዳፓ ዓታዛ ሜሌ ሙዓንዳጉዲ ዓይሢንቲባኣ፡ ዲማሶና ካዎ ዔኪ ሙዒ ዒዛና ዎላ ዓኣ ዓሶማኣ ዒንጌኔ።»

5 ሄሊሳዎ ዩሱሴ፡- «ዓሲኮ ናዓሢ ሃውሽ ከሎኮዎ ጎዳኪ» ዔያቶም ጌዔኔ።

ዩሱሴ ኩቺ ዎቦ ዓሲ ፓሢሢ
(ማቴ. 12:9-14፤ ማር. 3:1-6)

6 ሃሃ ሜሌ ዓይሁዶኮ ሃውሽ ከሊ ዓቢና ዩሱሴ ዓይሁዶ ዓሶኮ ቡኪንቶ ቤዘ ጌሊ ዔርዚሢ ዓርቄኔ፤ ዒኢካ ሚዛቆ ኩጫ ዎቤ ፔቴ

6:1 6:1 ላሚ. ዎማ 23:25። 6:3 6:3 1ሳሙ. 21:1-6። 6:4 6:4 ሊዊ. ዓኪ 24:9።

ዓሲ ዓኣኔ። 7 ሙሴ ዔርዘ ዋጎ ዔርዘ ዓሶንታ ፔርሴ ዓሶንታ ዩሱሴ ዋጎና ዓይሢሳንዳ ዳቢንቲ ዳንቃኒ ኮዓዖ፡- «ሂንዳ ዒ ሃያ ሃውሾ ኬሎና ዓሢኮ ኩጮ ፒሻቶ ኑ ዛጎም» ጌራ ዒዛ ካፔኔ። 8 ዩሱሴ ጋዓንቲ ዔያቶኮ ማሊያ ዔራዖ ኩጮ ዋባሢም፡- «ሃካ ሙኪ ባኣካ ዔቄ!» ጋዓዛ፣ ኩጮ ዋባ ዓሢያ ባኣካ ሙኪ ዔቄኔ። 9 ዩማና ዩሱሴ፡- «ሂንዳ ታ ዒንሢ ምእጭም፤ ዓይሁዶ ዓሶኮ ሃውሾ ኬሎና ዓይሢንቲሢ ኮሺ ማዶ ማዲሢሞ ፑርታ ማዲሢዳይ? ሃሣ ሸምፖ ዳዳቂሺሢሞ ባባይዚሢዳይ?» ጌዔኔ። 10 ዩሱሴ ኮይሎይዳ ዓኣ ዓሶ ባንሢ ቢያ ዛጌሢኮ ጊንፃ ኩጮ ዋባ ዓሢም፡- «ኩጮ ኔኤኮ ፒሺ!» ጋዓዛ፣ ዒዚ ኩጮ ፒሻዛ ኩጮ ፒኪ [ባጎ ኩጮ ጉዲ] ኮሺ ማዔኔ።

11 ሙሴ ዔርዘ ዋጎ ዔርዘ ዓሶና ፔርሴ ዓሶና ጋዓንቲ ሚርጌና ዳጋዳዖ፡- «ዓካሪ ሃያ ዩሱሴ ኑ ዋዎዶንዶይ?» ጌይ ዋላ ጌሰቲኔ።

ዩሱሴ ታጳ ላምዖ ዳኪንቲዘንሢ ዶኦሬሢ
(ማቲ. 10:1-4፤ ማር. 3:13-19)

12 ዩካፓ ፔቲ ኬሊ ዩሱሴ ሺኢቃኒ ዲኬ ኬሰኪ ዒኢካ ዩኖ ዋንቲሎ ጉቤ ያኦሲ ሺኢቄ ጎይሣ ዋርቄኔ። 13 ዚር ጉቲሎ ዒዛኮ ጊንፃ ሃንታዘንሢ ዒዛ ባንሢ ዒ ዔኤላዖ ዔያቶ ባኣካፓ ታጳ ላምዖንሢ ዶኦሬ «ዳኪንቲዘንሢ» ጌይ ሱንሢ ጌሣኔ። 14 ዩያታ ሃይፓ ዳማ ፓይዲንታዘንሢኬ፡- ጲፂርሴ ጌይንቲ ሱንፃ ጌሢንቲ ሲሞኦኔና ጌርሲ ዒንዲራሴ፣ ያይቆኦ፤ ዮሃኒሴ፣ ፒልጳሴ፣ ቤርቲሌሞሴ፣ 15 ማቲዎሴ፣ ቶኦማኦሴ፣ ዒልፒዮሴ ናኣዚ ያይቆኦ፤ «ፔ ዓጮ ሚጨንታያ» ጌይንታ ሲሞኦኔ፣ 16 ያይቆኦ፤ ናኣዚ ዪሁዳንታ ዩሱሴ ዓኣሢ ዒንጌ ዓሰቆርንቶ ዓጮ ዓሢ ዪሁዳንታኬ።

ዩሱሴ ሚርጌ ዓሶ ዔርዘሢሢንታ ዶርዓሢፓኣ ፓሣሢ
(ማቲ. 4:23-25)

17-18 ዩሱሴ ዳኪንቲዘንሢና ዋላ ዲካፓ ኬዲ ቦኦላ ዔቄኔ፤ ዒማና ዒዛ ዓሲ ማዔ ዓሶፓ ሚርጌ ዓሲ ዒኢካ ዓኣኔ፤ ዩያጉዲ ሃሣ ዒዛሲ ዋይዛኒና ሃርጎይዳፓኣ ፖዓኒ ኮዒ ሙኬ ሚርጌ ዓሲ ዓኣኔ፤ ዔያታ ሙኬሢ ዪሁዳ ዓጮፓ፣ ዩሩሳላሜ ካታማፓ፣ ባዘ ዓጮይዳ ዓኣ ፂርሴና ሲዶና ካታሞናይዳፓኬ፤ ፑርቶ ዓያኖና ዓርቂንቲ ሜታዳ ዓሳኣ ዒዛ ኮራ ሙኪ ፖዓኔ። 19 ዓሲ ዳቂሻ ዎልቄ ዒዛይዳፓ ኬሰኪ ኬሰኪ ሃርጌ ዓሶ ቢያሢ ፖዒሳያ ማዔሢር ዓሳ ቢያ ዩሱሴኮ ቡዖ ካኣማኒ ኮዓኔ፤ ካኣሜ ዓሳኣ ቢያ ዳቄኔ።

ዎዛና ያዩሢና ዛላ
(ማቴ. 5:1-12)

20 ዩሱሴ ሺሪ ፔኤኮ ጊንያ ሃንታዞንሢ ሳንሢ ዛጋያ ሂዚ ጌዔኔ፦
«ያኦሲ ካኦቱማ ዒንሢሞታሢሮ

ዒንሢ ማንቆ ዓሳ ዓንጂንቴያኩ!

21 ዒንሢ ሃሢ ናይዳንታዞንሢ

ጊንፃፓ ሚሽካንዳሢሮ ዒንሢ ዓንጂንቴያኩ!

ዒንሢ ሃሢ ዩኤካዞንሢ

ጊንፃፓ ሚኢጫንዳሢሮ ዒንሢ ዓንጂንቴያኩ!»

22 «ዒንሢ ዓሲ ናዓሢ ጊንያ ሃንታሢሮ ዓሳ ዒንሢ ዒፃኦና
ሃሢ ኦኩና ፔቴ ማዒፖቴ» ጌዒ ዒንሢ ዱማሳኦና

ጫሽኪ ዒንሢኮ ሱንያ ፑርቲሶናቴያ ዒንሢ ዓንጂንቴያኩ!»

23 «ጫሪንጮይዳ ዒንሢሞ ዒንጎንዶ ባካ ዴኔፒ ማዔሢሮ ዩይ
ቢያ ዒንሢዳ ሃላኦና ዎዛዲ ኮኦሙዎቴ፤ ዔያቶኮ ዓድንሢያ ቤርታ
ያኦሲ ማሊያ ኬኤዛ ዓሶ ዑፃ ዩያጉዲ ፑርታ ባኦዚ ማዴያኩ።»

24 «ዒንሢ ዖርጎጫ ጋዓንቴ ዒንሢ ኮዔ ባኮ ቢያ ሃሢ ዴንቄያ
ማዔሢሮ

ዒንሢና ባዴዔ!»

25 «ዒንሢ ሃሢ ሚሽኬ ዓሳ

ሃጊ ዒንሢ ናይዳንዳሢሮ ዒንሢና ባዴዔ!

ዒንሢ ሃሢ ሚኢጫ ዓሳ

ሃጊ ዒንሢ ያዩ ዩኤካንዳሢሮ ዒንሢና ባዴዔ!»

26 «ዓሳ ጉቤ ዒንሢ ጋላቲ ዒንሢ ዛሎ ኮሺ ባኦዚ ኬኤዛቶ
ዒንሢና ባዴዔ! ዔያቶኮ ዓድንሢያ ሉኡቂ ያኦሲ ማሊያ ኬኤዛኔ
ጋዓ ዓሶ ዩያይዲናኦኩ።»

ሞርኬ ናሽኪሢ ዛላ
(ማቴ. 5:38-48፤ 7:12)

27 ዒንሢ ዎዩዛዞንሢ ጋዓንቴ ታ ሂዚ ጋዓኔ፦ ዒንሢኮ
ሞርኮ ናሽኩዎቴ፤ ዒንሢ ዒፃ ዓሶም ኮሺ ማዲዎቴ፤ 28 ዒንሢም
ጋዳንቃዞንሢ ዓንጂዎቴ፤ ዒንሢም ፑርቲሲ ዳባዞንሢም
ሺኢቁዎቴ፤ 29 ፔቴ ጋንጋሮ ባዓሢም ባጎ ጋንጋሮ ሺርሹዎቴ፤
ዑፃ ኔ ማኦዔ ማኦሳሢ ኔኤኮ ዔካኒ ኮዓሢም ዴማ ኔ ማኦዔሢያ
ቃሲ ዒንጌ፤ 30 ኔና ሺኢቃሢም ቢያ ዒንጌ፥ ኔ ባኦዚ ማዔያ ዓካሢ

6:22 6:22 1ጴ. 4:14። 6:23 2ዖኦሲ. ዓሃኬ 36:16፤ ዳኪ. ማዳ 7:52።

እኔም ማሃንዳጉዲ ያኔጪፖ፤ 31 ዓሳ ዲንሢም ማዳንዳጉዲ ዲንሢ ኮሳ ባኮ ዲንሢ ዬያጉዲ ዔያቶም ማዳፍዋቴ።

32 ዲንሢ ናሽካዘንሢ ዲንሢ ናሽኬቴ ዓይጎ ባሽ ባአዚ ዲንሢ ዴንቃንዳይ? ጎሞ ዓሳ ፔና ናሽካዘንሢ ናናሽካአዋይ! 33 ዲንሢም ኮሺ ባአዚ ማዴዘንሢም ሌሊ ኮሺ ባአዚ ዲንሢ ማዴቶ ዓይጎ ባሽ ባአዚ ዲንሢ ዴንቃንዳይ? ጎሞ ዓሳ ዬያጉዲ ማማዳአዋይ!

34 ኑም ማሃንዳኔ ጌዒ ጉሙርቃ ዓሶንሢም ሌሊ ዲንሢ ታልዔቶ ዓይጎ ባሽ ባአዚ ዲንሢ ዴንቃንዳይ? ዬያጉዲ ዔያታ ታልዔዘንሢ ማሃ ዔካኒ ጎሞ ዓሳ ጎሞ ዓሶም ታልዓያኬ። 35 ዲንሢ ጋዓንቴ ዲንሢኮ ሞርኮ ናሽኮዋቴ፤ ኮሺ ባአዚያ ዔያቶም ማዳፍዋቴ፤ «ታልዖ ኑኡኮ ማሃንዳኔ» ጌይ ዋዛ ጌሡዋዖ ታልዐዋቴ፤ ዬያ ዲንሢ ማዴቶ ዲንሢም ዲንጎንድ ባካ ዴኤፒ ማዓንዳኔ፤ ፑኡፖ ያካሢ ናይያ ዲንሢ ማዓንዳኔ፤ ዲዚ ማዳንቴ ባኮር ጋላቱዋዘንሢና ፑርቶንሢማአ ኮሺኬ። 36 ዲንሢኮ ጫሪንጮ ዓዳሢ ሚጪንታያ ማዓሢር ዲንሢያ ዓሲ ሚጪንታያ ማዐዋቴ።

ሜሌ ዓሲ ዐሰካ ዋጊሢ ኮይሱዋአሢ
(ማቲ. 7:1-5)

37 «ዓሲኮ ዳቢንቴ ኮይ ሽሪፖቴ፤ ያኡሲያ ዲንሢ ዳቢንቶር ሜቶ ዲንሢም ዲንጋዓኬ፤ ያጊዳአ፡- «ዒ ፑርታኬ» ጌዒ ዋጊፖቴ፤ ዲንሢ ዐ-ፃአ ያኡሲ ዋጋዓኬ፤ ዲንሢም ዳባሢም ዓቶም ጎዐዋቴ፤ ዲንሢማአ ያኡሲ ዓቶም ጋዓንዳኔ፤ 38 ዓሲም ዔኤቢ ዲንጉዋቴ፤ ዲንሢማአ ያኡሲ ዲንጋንዳኔ፤ ዲንሢ ማካ ባኮና ዬያጉዲ ያኡሲ ዲንሢም ማካንዳኔ፤ ዬያይዳፓ ዐ-ሣ ቃራ ማኮ ባአዚና ቱቺ፤ ጫርጊ ላኣሊንታንዳያ ሄላንዳአና ማኪ ዲንሢም ዲዚ ዲንጋንዳኔ።»

39 ሄሊሳዖ ዬሱሴ ሂዚ ጌይ ማላታና ዔያቶም ኬኤዜኔ፡- «ዓአፒ ባይቄያ ሜሌ ዓአፒ ባይቄ ዓሲ ጎቺ ሃንታኒ ዳንዳዓ? ዬያጉዲ ማዴቶ ለምዖንሢ ዋሊ ዔኪ ዔቴይዳ ሎአማንዳኔ። 40 ሃጊ ዔራ ናዓሢ ዔርዛሢዳፓ ባሽዋሱ፤ ጋዓንቴ ሃጊ ዔራ ናዓሢ ዔርዛ ባኮ ጋፒሲ ዔራያ ማዔቶ ፔኤኮ ዔርዛሢጉዲ ማዓንዳኔ።

41 «ኔኤኮ ዓአፖይዳ ዓአ ዴኤፖ ቡኡር ኔ ዛጉዋዖ ዓይጎር ዓሶ ዓአፖይዳ ዓአ ዳኮ ቡኡር ኔ ዛጋይ? 42 ሃሣ ኔ ዓአፖይዳ ዓአ ዴኤፖ ቡኡር ዛጉዋዖ ሜሌሢ ኮራ ታ ዲሻሢዮ፡ ሂንዳ ታ ኔኤኮ ዓአፓ ዓአ ቡኡር ማ ኬሶም ዎይቲ ኔ ጋዓይ? ኔ ጎኡሶ ማላሢ ቤርታዲ ኔ

6:31 6:31 ማቲ. 7:12። 6:39 6:39 ማቲ. 15:14። 6:40 6:40 ማቲ. 10:24-25፤ ዮሃ. 13:16፤ 15:20።

ዓሳፖይዳ ዓሳ ጴኤፖ ቡኡር ኬሴ፤ ዩካፓ ሜሌሢ ዓሳፓ ዓሳ ጳኮ ቡኡር ኔ ዴንቁ ኬሳኒ ዳንዳዓኔ።

ሚያኮ ዓሳፓፓ ዔርቲያ
(ማቴ. 7:16-20፤ 12:33-35)

43 «ኮሺ ሚሢ ፑርታ ዓሳፕ ዓሳፑዋሴ፤ ዩያጉዲ ፑርታ ሚሢ ኮሺ ዓሳፕ ዓሳፑዋሴ። 44 ሚሢ ቢያ ዓሳፓፓ ዔርታኔ፤ ጋአላንሣይዳፓ ሻአቢ ዓሳፕ ማንዲንቱዋሴ፤ ዩያጉዲ ሃሣ ጋውዲዳፓ ኩንቱሩሽ ማንዲንቱዋሴ። 45 ዩያር ኮሺ ዓሲ ፔኤኮ ኮዥ ዒኖይዳፓ ኮሺ ባአዚ ኬሳኔ፤ ፑርታ ዓሲያ ፑርቶ ዒኖይዳፓ ፑርታ ባአዚ ኬሳኔ። ዓሲ ፔ ዳንጎና ኬኤዛሢ ዒኖ ኩሚ ኬሰኬሢኔ።

ላምዖ ዲማ ዲማ ማኣሪ ማዜ ዓሲ
(ማቴ. 7:24-27)

46 «ታኣኒ ዒንሢም ኬኤዛሢ ዒንሢ ኩንሠዋሴ፤ ሂዳዖ ዓይጎር ዒንሢ ታ ጎዳሢኖ! ታ ጎዳሢኖ! ጌዒ ታና ዔኤላይ? 47 ሃንጋ ታ ባንሢ ሙካሢና ታ ጋዒሢያ ዋይዚ ኩንሣሢ ዖና ማላቲያ ታ ዒንሢም ኬኤዛዎ፤ 48 ዩይ ዔቶ ኮሺ ጌልዚ ቦኣኪ ዶቁ፣ ማኣር ደደ ላሎይዳ ቦኣኮልቄ ዓሢ ማላኔ፤ ዲጲ ሙኪ ዩኖ ማኣራሎ ሂዔኔ፤ ጋዓንቲ ኮሺ ቦኣኪንቲ ደዲ ቤሰካ ማዢንቲሢር ዓገሢኒ ዳንዳዒባአሴ። 49 ታ ጋዓ ባኮ ዋይዚ ኩንሠዋኣሢ ጋዓንቲ ደዲ ቦኣኮላ ባአያ፣ ማኣር ሺኢቸ ሳዓይዳ ካኣሺ ዶቁ ማዜ ዓሲ ማላኔ፤ ዲጲ ሙኪ ዩኖ ማኣራሎ ሂዔ ዋዶና ቤዘና ጋፒ ደዔኔ።»

7

ፄኤቶ ፖኦሊሶ ዓይሣሰኬያኮ ጉሙርቁሢ
(ማቴ. 8:5-13)

1 ዩሱሴ ዩያ ቢያ ዴርም ኬኤዚ ጋፒሴሰካፓ ቁፒርናሆሜ ካታም ዓሳዴኔ። 2 ዒኢካ ፔቲ ሮሜ ዓጪ ዓሲ ማዔያ፣ ፄኤታ ፖኦሊሴ ዓይሣሰኬይ ዓሳኔ። ዒዚ ሚርጌ ናሽካ፣ ዒዛም ዓይሢንቲ ማዳሰኬይ ኮሺ ሃርጊንቲ ሃይቃኒ ዑኬኔ። 3 ፄኤቶ ፖኦሊሶ ዓይሣሢ ዩሱሴ ዛሎ ዋይዜ ዋዶና ዓይሁዶ ዓሶኮ ጨም ኮራ፡- «ሃዳራቲ፣ ዩሱሴ ሙኪ ታኣኮ ማዳሢ ፖዒሳንዳጉዲ ዒዛ ታኣም ሺኢቁዋቲ» ጌዒ ዔቶ ዳኬኔ። 4 ዔያታ ዩሱሴ ባንሢ ዓሳዳዖ፡- «ዩያ ዒዛም ኔ ማዳኒ ኮይሳ ዓሲኬ፤ 5 ዒዚ ኦኡኮ ዴር ናሽካያኬ፤ ዩያር ኦኡኮ ቡኩንቶ ቤሲያ ዒ ኦም ማዜኔ» ጌይ ደዲሺ ዒዛ ሺኢቁኔ።

6:44 6:44 ማቴ. 12:33። 6:45 6:45 ማቴ. 12:34።

6 ይኛ ይሱስ ይንሣ ዓሰንሣና ዋላ ዓኣዲ፣ ጭቶ ፖኦሊሶ ዓይሣሣከ ማኣር ሄላኒ ዑካዛ ላሚ ሃሣ ጭቶ ፖኦሊሶ ዓይሣሣ ዒዛከ ላጌሰከንሣ ይሱስ ኮራ፡- «ጎዳሣዮ! ታኣኒ ኔ ታ ማኣሪ ጌላንዳ ዓሰቱዋኣሣር ታ ኮይላ ሙኪ ላቢ።» 7 ታኣኒያ ኔ ኮይላ ሙካኒ ዳንዳዓ ዓሰቱዋሴ፤ ይኛ ኔኔኒ ይካ ዓኣዖ ዳንጋና ለሊ ዓይሣቴ ታኣኮ ማዳሣ ፖፖዓንዳኔ። 8 ታኣኒ ታ ቶኣኪና ዋይሣ ዓሰሞ ዓይሣንታያታዖ ታኣኮ ዴማ ታ ዓይሣ ፖኦሊሴ ዓኣኔ። ይኛ ዔያቶይዳፓ ፔቴሣ «ዴንዴ» ታ ጋዓዛ ዴዴንዳኔ፤ ባጋሣ ሃሣ ላሂ ሙከ» ታ ጋዓዛ ሙሙካኔ፤ ታኣሞ ማዳሣማኣ ላሃ ማዴ» ታ ጋዓዛ ማማዳኔ» ሂዚ ጌዒ ከኤዙዋቴ ጌይ ዳከኔ።

9 ይሱስ ይያ ዋይዛዖ ዲቃቲ ሄርሺ ዒዛ ጊንዖ ሙካ ዴር ባንሣ ሺራ፡- «ዒሰራዔኤሌይዳታዖ ሃያጉዴ ጉሙርቂሣ ፔቴታዖ ታ ዴንቁባኣሴ፤ ታ ዒንሣሞ ጋዓኔ» ጌዔኔ።

10 ዒዛ ኮይላ ዳከንቴ ዓሰንሣ ጭቶ ፖኦሊሶ ዓይሣሣ ማኣር ባንሣ ማዔ ዋደና ዒዛኮ ማዳሣ ፖዒ ዓኣንቴ ዔያታ ዴንቁኔ።

ይሱስ ፔቴ ዓሂ ሃይቁ ላኣሌሎኮ ሃይቁ ናዖ ዳቂሽሣ

11 ይማፓ ኔጉዋዖ ይሱስ ናይኔ ጌይንታ ፔቴ ካታማሰከኖ ዒዛኮ ጊንዖ ሃንታዙንሣ ማሌ ሃሣ ሚርጌ ዴሪና ዋላ ዓኣዴኔ፤ 12 ይሱስ ካታሜሎ ጌላ ካር ዑካዛ ዓሳ ለሲ ከዲ ካታማፓ ከሰካኔ። ይይ ሃይቁ ናዓሣ ዒንዳኮ ፔቴከ። ዒንዴላኣ ዓሂ ሃይቁያ ዜኤሪንዳከ፤ ሃሣ ይኖ ካታሜሎይዳፓ ሚርጌ ዓሲ ዒዛና ዋላ ዓኣኔ። 13 ጎዳሣ ዒዛ ዘጋዖ ዒዛ ሚጨንቲ፡- «ዔናኣሬ፣ ይኤኪፖ» ጌዔኔ። 14 ይካፓ ይሱስ ቤርቲሞ ዴንዳዖ ኪንቺሎ ኩቻ ሃላዛ ከዴ ዓሳ ዔቁኔ፤ ይሱስ ዒማና፡- «ሃይ ኔ ዴጌሣ ዔቁ ታ ኔና ጋዓኔ!» ጌዔኔ። 15 ሃይቁሣያ ይማና ዔቁ ዴዒ ጌሰቲሣ ዓርቁኔ፤ ይካፓ ይሱስ ዒንዴሎሞ፡- «ሃይሽ ኔኤኮ ናዓሣ» ጌዒ ዒንጌኔ፤

16 ይኛ ቢያሣ ዒጊቹሞ ዓርቁሞ፡- «ኑ ባኣካ ፑኤፒ ዖኦሲ ማላሣ ከኤዛያ ዔቁኔ፤ ዖኦሲያ ፔ ዴር ዳቂሻኒ ሙከኔ» ጌዒ ጌዒ ዖኦሲ ጋላቴኔ።

17 ይሱስኮ ሱንዖ ዪሁዳ ዓጫ ሃሣ ኮይሎ ዓጫ ቢያይዳ ዋይዘንቴኔ።

ማሰካ ዮሃኒሴ ዳከ ኪኢቶ ዓሰንሣ (ማቲ. 11:2-19)

18 ዮሃኒሴኮ ጊንዖ ሃንታዙንሣ ይሱስ ማዴ ባኮ ቢያ ዮሃኒሴሞ ከኤዜኔ፤ ዒዚያ ዒዛኮ ጊንዖ ሃንታዙንሣዳፓ ላሞዖንሣ ዔኤሊ፡- 19 «ሙካንዳኔ» ጌይንቴ ማሰሃ ኔናሞ ማሌ ኑ ካፖንዳይ? ጌዒ ዒዛ ዖኦጩዋቴ» ጌይ ይሱስ ባንሣ ዳከኔ።

20 ዔይታ ዬሱሴ ኮራ ዓኣዳዎ፡- « <ሙካንዳኔ> ጌይንቲ ሜሲሄ ኔናሞ ሜሌ ኑ ካፖንደይ? ጌይ ዒዛ ያኑጩዋቲ ጌዒ ማሰካ ዮሃንሴ ኔ ኮራ ኑና ዳኬኔ» ጌዔኔ።

21 ዬሱሴ ዬማና ዓሶ ዲማ ዲማ ዶርዖና ፑርታ ሃርጌናይዳፓ ፓህኔ፤ ፑርቶ ዓያናዋ ኬሴኔ፤ ሃሃ ሚርጌ ዓኣፖ ባይቄ ዓሶኮዋ ዓኣፖ ቡሌኔ። 22 ዬሱሴ ሙኬ ከኢቶ ዓሶንሢሞ፡- «ማዒ ዳንዲጋፓ ዮሃንሴም ዒንሢ ዛጌ ባኮና ዋይዜ ባኮዋ ሂዚ ጌይ ኬኤዙዋቲ፡- ዓኣፖ ባይቄ ዓሶ ዛጋኔ፤ ዋሶ ዓሶ ፒኪ ሃንታኔ፤ ዑፀ ኬሰካ ዶርዓሢና ዓኣ ዓሶ ዳቃኔ፤ ዋዮ ባይቄ ዓሶ ዋይዛኔ፤ ሃሃ ሃይቄ ዓሶ ዔቃኔ፤ ማንቆ ዓሶማኣ ኮዮ ሃይሶ ኬኤዚንታኔ። 23 <ነኞ ሉኡዚዳይ?> ጌዒ ታ ዛሎና ዲቁንቱዋሢ ዓንጂንቲያኬ» ጌዔኔ።

24 ዮሃንሴ ኮራፓ ሙኬ ከኢቶ ዓሶንሢ ማዒ ዳንዳሢኮ ጊንፃፓ ዬሱሴ ዮሃንሴ ዛሎ ዳርሞ ሂዚ ጌዒ ኬኤዚሢሢ ዓርቄኔ፡- «ዒንሢ ሃካ ዓሰ ናንጉዋ ዳውሎ ዓይጎ ዛጋኒ ሙኬይ? ዠባራ ዓገሢ ዲሮ ፒሎ ዛጋኒዳ? 25 ሃሃ ዒንሢ ዓይጎ ዛጋኒ ኬሰኬይ? ጉኡፂሲ ሱኪ ዲይሶና ዓፒሎ ማኣዔ ዓሰ ዛጋኒዳ? ዬያጉዳ ዓፒሎ ማኣዔ፤ ፔና ኮሺ ናንጋ ዓሶ ካኣቶ ማኣራ ዓኣኔ! 26 ሂዳቶ ዓይጎ ዒንሢ ዛጋኒ ኬሰኬይ? ያኦሲ ማለሢ ኬኤዛ ዓሰ ዛጋኒዳ? ሂዮ ጎኔኬ፤ ፔቶ ዬያ ያኦሲ ማለዎ ኬኤዛሢዳፓ ባሺሢ ዛጋኒኬ። 27 ዒዚያ <ቤርታ ቤርታ ዳንዲ ጎይያ ኬኤም ጊኢጊሻ ታኣኮ ከኢቶ ናዓሢ ታ ዳካንዳኔ> ጌይንቲ ዒዛ ዛሎ ፀኣፒንቲሢኤ። 28 ሳይዳ ሸይንቲ ዓሶይዳፓ ቢያ ዮሃንሴፓ ባሻይ ያኦኒያ ባኣሴ፤ ያኦሲ ካኣቱዋ ጋራ ዓኣ ዓሶ ባኣካ ዓሰኬ ጌይንቲዋኣሢ ጋዓንቲ ዒዛፓ ባሺኬ» ጌዔኔ።

29 ዬያ ዔይታ ዋይዜ ዋዶና ዳራ ቢያ፤ ኮርሞ ዓሶፓ ሚኢሾ ቡኩሳ ዓሶኣ ዓቱዋዎ ዮሃንሴ ኮራ ቤርታ ዋኣዎ ማሰቲሢሮ ያኦሲ ማዳ ፒዜ ማዔሢ ዔሬኔ። 30 ፔርሴ ዓሶና ሙሴ ዔርዜ ዋጎ ዔርዛ ዓሶ ጋዓንቲ፡- «ዮሃንሴ ኮራ ኑ ማሰታዓ» ጌዒ ያኦሲ ማለዎ ዒፄኔ።

31 ሄለሳዎ ዬሱሴ፡- «ዓካሪ ሃያ ዋዶ ዓሶ ዓይጎና ታ ማለታንዳይ? ዓይጎ ዔይታ ማለይ? ጌዔቶ፡- 32 ዓሶ ቡካ ጰኣካ ዳዒ ዓማላ ናኣቶ ማለኔ፤ ዔይታ ዋሊ ዔኤሊ ዔኤሊ <ዋዛ ዓይኑሞ ኑ ዒንሢ ዋይዚሴኔ፤ ዒንሢ ጋዓንቲ ኮርገባኣሴ፤ ቃዮ ኑ ቃይኔ፤ ዒንሢ ጋዓንቲ ዬኤኪባኣሴ> ጋዓዘንሢኤ። 33 ዬያጉዲ ማሰካ ዮሃንሴ ሙዎ ሃሾ ዳምሶ ካፓዛ ሃሃ ማሃ ዋይና ዑዮዋ ዑሽኩዋዎ ሙካዛ <ፑርታ ዓያና ዒዛይዳ ዓኣኔ> ዒንሢ ጌዔኔ። 34 ዓሰኮ ናዓሢ ሙዒ ሙዒ ሃሃ ዑሽኪ ዑሽኪ ሙካዛ <ሃይ ሃሃ ሙኡዚና ማሃ ዑሽና ናሽካያ፤

7:22 7:22 ዒሲ. 35:5-6፤ 61:1። 7:27 7:27 ሚሊ. 3:1። 7:29 7:29 ማቲ. 21:32፤ ሉቃ. 3:12።

ኮርሞ ዓሶፓ ሚኢሾ ቡኩሳዘንሢና ጎሞ ዓሶናኮ ለገኬ» ዒንሢ ጌዔ። 35 ጋዓንቴ ያኦሲ ዔራቶኮ ፒዙማ ያኦሲም ዓይሢንታ ዓሶ ዛሎና ፔጋዲ ዔርታኔ» ጌዔ።

ዩሱሴኮ ቶኮ ሳውቃ ቲዦና ቲሽኬ ላኣሊሰኬኖ

36 ፔቴ ፔርሴ ዓሲሰኬይ ዩሱሴ ሙኡዚ ሙዓንዳጉዲ ዔኤላዛ ዩሱሴ ዩያ ዓሢ ማኣሪ ጌሊ ሙዓኒ ደዔ። 37 ዩኖ ካታሚሎይዳ ፔቴ ጎሚና ዓኣ፣ ላኣሊሰኬና ዓኣ፤ ዩሱሴ ፔርሴ ዓሢ፣ ሲሞኦኔ ማኣርይዳ ሙዖም ዔኤሊንቴሢ ዒዛ ዋይዛዖ ሳውቃ ቲሺ ሹቺ ቢልቃዲና ኩንሢ ዔኪ ሙኪ፣ 38 ዩሱሴኮ ጊንዖ ዛሎና * ቶኮ ዓጫ ዔቁ፣ ዩኤኪ ዩኤኪ ዒዛኮ ቶኮዋ ፔ ዓቢያና ማሰኪ ፔኤኮ ቶኦኮ ጋሞና ዑጫ፤ ሃሢ ቶኮ ዒዛኮ ሄርቁያ ሄርቁ ሳውቃ ቲዦናኣ ቲሽካ። 39 ሙዖ ዒዚ ሙዖም ዔኤሌ ፔርሴ ዓሢ ዩያ ዛጌ ዋደና፡- «ሃይ ዓሢ ያኦሲ ማሊሢ ኬኤዛ ዓሲ ማዔቴ፣ ሃና ዒዛኮ ዑዖ ፒዖ ላኣሌላ ዖና ማዔቶ ሃሢ ዋዚጉዴ ጎሚና ዓኣያ ማዔቴያ ዔሬያናንዳ።» ጌይ ፔ ዒኖና ማሌ።

40 ዩሱሴያ ፔርሴ ዓሢ ኮይላ፡- «ሲሞኦኔ! ፔቴ ታ ኔኤም ኬኤዛ ባኣዚ ዓኣ።» ጌዔ።

ዒዚ፡- «ዔርዛሢዮ! ሂንዳ ታኣም ኬኤዜ» ጌዔ።

41 ዩሱሴያ ሂዚ ጌዒ ሃይሶ ኬኤዚሢ ዓርቁ።- «ፔቴ ዓሲዳፓ ሚኢሾ ታልዔ ላምዖ ዓሲ ዓኣ፤ ፔቴሢ ደንጎ ያኤታ ኬሊ ማዶ ማዶም ዒንጊንታ ቢራ፤ ባጋሢ ሃሢ ደንጊታሚ ኬሊ ማዶ ማዶም ዒንጊንታንዳ ቢራ ታልዒ ዔኬ። 42 ላምዖንሢ ዔያታ ታልዒ ዔኬ ሚኢሾ ጨጎ ባሺንቴም ታልዒሢ ዔያቶኮ ጋሎ ማሂሱዋዖ ሃሺ፤ ዓካሪ ጋሎ ዓሶ ላምዖንሢዳፓ ዋይ ባሺ ታልዒ ዓሢ ናሽካንዳያ ማላይ?» ጌዔ።

43 ሲሞኦኔያ፡- «ሚርጌ ጋላ ዓቴ ዓሢ ባሺ ዒዛ ናሽካንዳያ ማላ።» ጌይ ማሄ።

ዩሱሴ፡- «ኔ ጌዔሢ ጎኔኬ» ጌዔ።

44 ዩካፓ ዩሱሴ ላኣሌሎ ባንሢ ሺራዖ፡- «ሃኖ ላኣሌሎ ኔ ዛጋ? ታ ኔ ማኣሪ ጌላዛ ኔኤኒ ታ ቶኮም ዋኣሢታዖ ዒንጊባኣሴ፤ ዒዛ ጋዓንቴ ቶኮ ታኣኮ ፔኤኮ ዓቢያና ማሰኪ ፔ ቶኦኮ ጋሞና ዑጫ። 45 ታ ኔ ኮይላ ጌላኣና ኔ ታና ሄርቁባኣሴ፤ ዒዛ ጋዓንቴ ታ ኔ ማኣሪ ጌሊሢዳፓ ዓርቃዖ ታኣኮ ቶኮ ሄርቁያ ሃሺባኣሴ፤ 46 ኔኤኒ ታኣኮ ቶኦኮ ዛይቶ ቲዦናታዖ ቲሽኪባኣሴ፤ ዒዛ ጋዓንቴ ታኣኮ ቶኮ ሳውቃ

* 7:38 7:38 ጊንዖ ዛሎና፡- ጋዓዛ ዩኖ ዋደና ዓይሁዶ ዓሳ ፔቴ ፔቴና ሙዖ ደዒ ሙዓ ጎይዖ ዩሱሴ ዓንደይዳ ኬሪ ጌሢ፣ ዛላዲ ዓኣንቴኬ። 7:38 7:38 ማቴ. 26:7፤ ማር. 14:3፤ ዮሃ. 12:3።

ቲዠና ቲሽኬኔ፤ † 47 ሚርጌ ጎማ ዒዛኮ ዓቶም ጌይንቴሢርኬ ሚርጌና ዒዛ ናሽኬሢ፤ ታ ኔኤም ጋዓኔ። ጎማ ዳካ ዓቶም ጌይንቴሢ ጋዓንቴ ናሽካሢያ ዳካኬ» ጌዔኔ።

48 ዩካፓ ዩሱሴ ለአሌሎ ኮራ፡- «ኔኤኮ ጎማ ዓቶም ጌይንቴኔ» ጌዔኔ።

49 ዒዛና ዋላ ሙዓ ዓሳ፡- «ጎሜ ዓቶም ጋዓሢ ሃይ ዋዚ ዓሲዳይ!» ጌዒ ጌዒ ፔ ዒኖና ማለሢ ዓርቄኔ።

50 ዩሱሴ ጋዓንቴ ለአሌሎ ኮራ፡- «ኔኤኮ ጉሙርቂፃ ኔና ዳቂሽኔ፤ ኮሺ ዓኣዴ!» ጌዔኔ።

8

ዩሱሴኮ ጊንፆ ሃንቲ ዒዛም ማዳ ለአሎንሢ

1 ዩካፓ ዩሱሴ ካታሞና ጉርደናይዳ ፆኦሲ ካኣቱሞ ኮዠ ሃይሶ ኬኤዚ ኬኤዚ ዓኣዳኣና ታጾ ለምፆ ዒዛኮ ጊንፆ ሃንታዞንሢያ ዒዛና ዋላ ዓኣኔ። 2 ዩያጉዲ ሃሣ ፑርቶ ዓያና ኬሰኬም ፖዔዞንሢያና ማሌ ደርዓሢዳፓኣ ፖዔ ለኣላ ዩሱሴ ጊንፆ ዓኣዳኔ፤ ዔያታ፡- ለንካይ ፑርታ ዓያና ኬሰኬ ማይራማ፣ 3 ሄርዲሴ ማኣራ ዓኣ ዓሶ ዓይሢ ዋይሣ ኩዛ ጎምሢ ማቻ ዮሃናንታ ሶሲና ጎምዞንታ ማሌ ሚርጌ ለአሊያ ዓኣኔ፤ ዩንሢ ለአሎንሢ ዩሱሴና ዒዛኮ ጊንፆ ሃንታዞንሢያ ፔኤኮ ማኢሾ ዒንጊ ማኣዳኔ።

ዜርሢ ዜርቃ ዓሲ ኮኣኪንሢ

(ማቲ. 13:1-9፤ ማር. 4:1-9)

4 ሚርጌ ዴሬ ካታማፓ ካታማፓ ሙኪ ዩሱሴ ኮራ ቡኪንታዛ ዩሱሴ ኮኣኪንሢና ሂዚ ጌይ ኬኤዜኔ፤

5 «ፔቲ ጎሺ ጎሽካ ዓሲ ዜርሢ ዜርቃኒ ኬሰኬኔ፤ ዒዚ ዜርቃኣና ፔቲ ፔቲ ዜርፃ ጎይፆ ዓጫ ኬዲ ሄርቂንቴኔ፤ ካፒያ ሙዔኔ። 6 ዛሎ ዜርፃ ሃኣሻ ሳዓይዳ ኬዲ፣ ባቃሌ ዋደና ሳፆኮ ሚርጌ ዋዑሞ ባኣሢር ባቃላ ሃይቄኔ። 7 ዓቲ ዜርፃ ሃሣ ዓንጊሢ ቶሻ ባኣካ ኬዳዛ ዓንጊፆ ቶሻ ዋላ ዑጊ ባይዜኔ። 8 ማሌ ዜርፃ ጋዓንቴ ኮሺ ሳዓይዳ ኬዲ ባቃሌኔ፤ ባቃላኣ ዑጊ ፔቲ ፔቲሢ ሚርጌ ዲቢ ዓኣፒ ዓኣፔኔ።»

ዩካፓ ዩሱሴ፡- «ዋይዛሢ ኮሺ ዋይዞንጎ!» ጌዔኔ።

ዩሱሴ ኮኣኪንሢና ኬኤዚሴ ባኮ

(ማቲ. 13:10-17፤ ማር. 4:1-12)

† 7:46 7:46 ዩይ ማዳ ዓይሁዶ ዓሳ ሾኣቺ ቦንቻፆ ማዳ ማዶኬ። 8:3 8:3 ማቲ. 27:55-56፤ ማር. 15:40-44፤ ሉቃ. 23:49።

9 ዲዛኮ ገንጾ ሃንታዞንህ ዬሱሴ ኮራ፡- «ዬኖ ኮኦኪንህሎኮ ቡሊፃ ዓይገንዳዳይ?» ጌይ ያኦጩኔ። 10 ዬሱሴ ዔያቶም ማሃዮ፡- «ዲንህሚም ያኦሲ ካኦቱሞ ዛሎኮ ዓኣሺንቴ ባኮ ዔሪህሂ ዲንገንቴኔ፤ ማሌዞንህሚም ጋዓንቴ ቢያ ባኣዚ ኮኦኪንህሂና ከኤዚንታኔ፤ ዓይጎሮ ጌዔቶ ዔያታ ዛጋያታዎ ዒና ዔኩዋጉዲ፤ ዋይዛያታዎ ጳቂሁዋጉዲከ» ጌዔኔ።

ዬሱሴ ዜርፃ ኮኦኪንህ ቡሊ ከኤዚህሂ
(ማቴ. 13:18-23፤ ማር. 4:13-20)

11 ኮኦኪንህኮ ቡሊፃ ያዲከ፡- «ዜርፃ ያኦሲ ቃኣሎከ፤ 12 ጎይዎ ዓጩ ከዴ ዜርፃ ዳዋሂ ቃኣሎ ዋይዛ ዓሶከ፤ ጋዓንቴ ዔያታ ጉሙርቂ ጎናሲ ዳቁዋጉዲ ፃላሄ ሙኪ ቃኣሎ ዔያቶኮ ዒናፓ ዔካኔ። 13 ሃኣቾ ዓጩይዳ ከዴ ዜርፃ ዳዋሂ ቃኣሎ ዋይዚ ዎዛና ዔካዘንህከ፤ ጋዓንቴ ዔያታ ጉሙርቂ ጎናሲ ዔካሂ ዳካ ዎዴምከ፤ ፃጲ ዔያቶኮ ባኣሂሮ ሜታ ሄሌ ዎድና ቤዘና ዔያታ ሃሻኔ። 14 ዓንጊዎ ቶሾ ባኣካ ከዴ ዜርፃ ዳዋሂ ቃኣሎ ሃህ ዋይዛ ዓሶንህከ፤ ጋዓንቴ ሃያ ዓጩ ማሊዎና ቆሎና ሃህ ሳዎና ጎጎ ኮሹማ ዒኖ ዓርቂ ዓኣፒ ባኣያ ዬያቶ ማሃኔ። 15 ኮፍ ሳዎይዳ ከዴ ዜርፃ ዳዋሂ ጋዓንቴ ኮሺ ሃህ ፒዜ ዒናና ቃኣሎ ዋይዚ ካፓዘንህከ፤ ዬንሂ ቃኣሎና ዶዲ፤ ዓኣፓ ዓኣፓዘንህከ» ጌዔኔ።

ዓኣሺንቴ ፖዒ
(ማር. 4:21-25)

16 ዬካፓ ሃህ ዬሱሴ፡- «ፖዒ ፖዒሲ ጉኡፒ ዓኣቻያና ሃህ ሻኣላ ዴንካ ጌሃ ዓሲ ባኣሴ። ዬያይዲያፓ ማኣሪ ጌላ ዓሳ ፖዎ ዛጋንዳጉዲ ዴጌ ሻርናይዳ ጌሃኔ።

17 «ዬያጉዲ ፔጋዲዎዎ ሃህ ዔርቱዎዎ ዓኣሺንቴ ዓታንዳ ባኣዚ ባኣሴ።

18 «ዬያሮ ዒንሂ ዎማይዲ ዋይዘንዳቴያ ዒንሂና ዔሩዋቴ፤ ዓይጎሮ ጌዔቶ ዔኤቢ ዓኣ ዓሲም ቃሲ ዒንገንታኔ፤ ባኣሂዳፓ ጋዓንቴ ታኣኮ ዓኣኔ» ጌዒ ዒ ማላ ዳኮማኣ ዓይሱዎዎ ዒዛይዳፓ ዔከንታንዳኔ» ጌዔኔ።

ዬሱሴኮ ዒንደና ጌርሲንሂሂና
(ማቴ. 12:46-50፤ ማር. 3:31-35)

8:10 8:10 ዒሲ. 6:9-10። **8:16** 8:16 ማቴ. 5:15፤ ሉቃ. 11:33። **8:17** 8:17 ማቴ. 10:26፤ ሉቃ. 12:2። **8:18** 8:18 ማቴ. 25:29፤ ሉቃ. 19:26።

19 ዩሱሴኮ ዲንድና ጌርሲንሢና ዲዚ ዓኣ ቤዞ ሙኩኔ፤ ጋዓንቴ ዳር ሚርጉሞፓ ዔቁያና ዔያታ ዲዛ ዳንቃኒ ዳንዳዒባኣሴ።
20 ዩያሮ፡- «ኔኤኮ ዲንድና ጌርሲንሢና ዙላ ዔቁ ኔና ዛጋኒ ኮዓኔ» ጌዒ ዓሳ ዲዛሞ ኬኤዘኔ።

21 ዩሱሴ ማሃዖ፡- «የኣሲ ቃኣሎ ዋይዚ ኩንሣዞንሢ ሲያ፡ ዩንሢ ታኣኮ ዲንድና ጌርሲንሢናኬ» ጌዔኔ።

ዩሱሴ ባዞ ጉዳሢ ዚቲዳሢ
(ማቲ. 8:23-27፤ ማር. 4:35-41)

22 ፔቴ ኬሊና ዩሱሴ ፔኤኮ ጊንዖ ሃንታዞንሢና ዎላ ዎኣዖና ፒንቆ ጎንጎ ቶጋዖ፡- «ባዞኮ ሶ ሱኮ ኑ ፒንቆሞ» ጋዓዛ፡ ዔያታ ዳንዳኒ ዔቁኔ። 23 ዔያታ ባዞ ዑዖይዳ ዓኣዳኣና ዩሱሴ ጊንዔኔ፤ ዩማና ዎላቁና ዓኣ ባዚ ጉዳ ባዘይዳ ዔቁኔ። ዎኣዖ ጎንጎ ጋሮ ኩሚሢ ዓርቁሢሮ ቢያሢ ካራ ባይዚ ሜታዳኔ። 24 ዩያሮ ዲዛኮ ጊንዖ ሃንታዞንሢ ላሚ ላሚ፡- «ዔርዛሢዮ! ኑ ኩዳኔ!» ጌዒ ዩሱሴ ጴቼኔ።

ዲዚ ጴጫዖ ዠባሮና ጉዳሢና ጎራዛ ዠባሮንታ ጉዳሢንታ ቤዞና ዚቲዮ ጌዔሞ ፔቴታዖ ዓጊፃ ባኣዚ ባኣያ ማዔኔ። 25 ዩካፓ ዩሱሴ ዲዛኮ ጊንዖ ሃንታዞንሢ ኮራ፡- «ዲንሢኮ ጉሙርቁፃ ዎኣዳዖ?» ጌዔኔ።

ዔያታ ጋዓንቴ ሚርጌና ዲጊጩሰካፓ ሄርሺ ዲቃታዖ ዎሊ ኮይላ፡- «ዠባሮና ጉዳሢና ዓይሣኔ፤ ዔያታኣ ዲዛሞ ዓዓይሢንታኔ፤ ካኣ! ሃይ ዓይጎ ዓሲዳይ?» ጌዔኔ።

ዩሱሴ ፑርታ ዓያና ዓርቁ ዓሲ ዳቂሼሢ
(ማቲ. 8:28-34፤ ማር. 5:1-20)

26 ዩካፓ ዔያታ ባዞና ፒንቁ ጌሊላ ሱኮይዳ ዓኣ ጌርሴኖኔ ዓጮ ሄሌኔ፤ 27 ዩሱሴ ዎኣዖና ፒንቆ ጎንጋፓ ሳዓ ኬዳዛ ፑርታ ዓያና ዓኣ ፔቴ ዓሲ ካታማፓ ኬሰኪ ዲዛና ካኣሜኔ፤ ዩይ ዓሢ ፔኤኮ ማኣዓሢ ኬኤሪ፡ ጉሪ ሃንታንቴ ሚርጌ ዎዳ ማዔያኩ፤ ዲዚ ናንጋሢ ዱኡፒ ካይዚዳኩ፡ ማኣሪዳቱዎሴ። 28 ዲዚ ዩሱሴ ዳንቁ ዲላቲ ዩሱሴ ቤርታ ሎኣማዖ ዑኡዞ ዳጊዲ፡- «ኔኤኒ ፑኡፖ ዖኣዛሢ ናዓሦ፡ ዩሱሴ! ታኣና ዎላ ኔኤኮ ዓይጎ ዲጊንቶ ዓኣይ? ሃዳራ ታና ሜታሲፕ!» ጌዔኔ። 29 ዩያ ዒ ጌዔሢ ዩሱሴ ፑርቶ ዓያናሢ ዓሢዳፓ ኬሰካንዳጉዲ ዓይሣሢሮኩ። ዩያኮ ቤርታ ፑርቶ ዓያናሢ ዓሢ ዑዖይዳ ሚርጌ ዎዳ ዔቃያኩ፤ ዩያሮ ዲዛኮ ቶኮና ኩጮና ካኒ ቢራታና ዓንጊ ዱፃና ቱኡቲ ቱኡቲ ካፒንታያ ማዔቶዎ ካኖ ቢራቶዎ ዱኡዚ ዓንጎ ዱዖዎ ሜንሢሲ ዓሲ ናንጉዎ ዳውሎ ዲዛ ዔኪ ዔኪ ዳንዳኔ።

30 ዩሱስ:- «ሱንፃ ኔኔኮ ምናዳይ?» ጌዒ ምክርባ፣ ዒዚ ሚርጌ ፑርታ ዓያና ዒዛይዳ ቡኪ ዓኣሚር:- «ሱንፃ ታኣኮ ዳሬኬ» ጌዒ ዒዛም ማህኔ። 31 ፑርቶ ዓያና ዩሱስ ኮራ:- «ሃዳራ ጋፒንፃ ጳዳዎ ዔቶ ዳኤፖ * ኮና ዳኪፖ» ጌዒ ዒዛ ሸኢቁኔ።

32 ዬኖ ቤዘይዳ ዓኣ ዲኮ ጎኑባ ዓሲኮ ቆሎ ሚርጌ ጉዲንህሂ ሄንቃንቲ ፑርቶ ዓያና:- «ሴኬ ጉዲንፃይዳ ኑ ጌላንዳጉዲ ኑና ዓይህ» ጌዒ ዩሱስ ሸኢቁክ፣ ዔያታ ጌላንዳጉዲ ዒ ዓይህኔ።

33 ዬያር ፑርቶ ዓያና ዓሚዳፓ ኬሰኪ ጉዲንፃይዳ ጌላዛ ጉዲንፃ ዋሊ ዑፃ ዲርጊ ማጎ ዓኣዳፃ ባዘይዳ ጌሊ ሙይንቲ።

34 ጉዲንፃ ሄንቃ ናኣታ ዬያ ባኮ ዛጋፃ ጳሽኪ ዳንዲ ካታሞና ዙሎናይዳ ሚርጌና ሃይሶ ኬኤዜኔ። 35 ዓሳ ዬያ ባኮ ዛጋጌ ፔ ማኣራፓ ኬሰኪ ዩሱስ ባንህሂ ሙካንቲ፣ ፑርቶ ዓያና ኬሰኪ ዓህሂ ዒና ዒዛኮ ማዔም ዓፒሎ ፔኤኮ ማኣዒ ዩሱሴኮ ቶኮ ደማ ደዒ ዓኣንቲ ዔያታ ዳንቁ ዒጊጨኔ፤ 36 ዓኣፖና ዛጌ ማርኮ ማዔ ዓሰንህሂ ፑርቶ ዓያና ዓኣ ዓህሂ ዋማይዲ ዳቁቶዎ ዔያቶም ኬኤዜኔ። 37 ዬካፓ ጌርሴኖኔ ዓጮ ዓሳ ቢያ ዩሱስ ዔያቶኮ ዓጮፓ ዳንዳንዳጉዲ ዒዛ ሸኢቁኔ። ዬያ ዔያታ ጌዔህሂ ሚርጌና ዒጊጨኔሚርኬ። ዬያር ዩሱስ ዋኣፃና ፒንቆ ጎንጎ ቶጊ፣ ዋንዴ ሙኬ ቤዛ ባንህሂ ዳንዳኒ ዔቃዛ። 38 ፑርቶ ዓያና ኬሰኪ ዓህሂ ዩሱስ ኮራ:- «ሃዳራ፣ ታ ኔ ጊንፃ ሙኮም» ጌዒ ሸኢቁኔ።

39 ዩሱስ ጋንቲ:- «ኔ ማኣሪ ዓኣዳፓፓ ምኣሲ ኔኤም ማዳ ባኮ ቢያ ኬኤዜ» ጌዒ ዒዛ ዳካዛ፣ ዓህሂ ዩሱስ ዒዛም ማዳ ፑኡፖ ባኮ ካታሞይዳ ቢያ ኬኤዚ ኬኤዚ ዳንዳኔ።

ዒምዒርሴ ጎምኬያ ናይሰኬናና ዩሱሴኮ ዓፒሎ ካኣሜ ላኣሊሰኬኖ ዛላ
(ማቴ. 9:18-26፤ ማር. 5:21-43)

40 ዳራ ዒዛ ቢያ ካፒ ዓኣሚር ዩሱስ ማዒ ሙካኣና ቢያህሂ ዒዛ ዋዛና ዔኬኔ። 41 ዒማና ፔቲ ዓይሁዶ ዓሳ ቡኪንታ ቤዘኮ ሱኡጌ ማዔ፣ ዒምዒርሴ ጌይንታ ዓሲ ሙኪ ዩሱሴኮ ቶኮ ደማ ሎኣሚ:- «ሃዳራ፣ ታ ማኣሪ ሙኬ» ጌዒ ዒዛ ሸኢቁኔ። 42 ዓይጎር ጌዔቶ ዒዛኮ ታጳ ላምፃ ሌዔ ማዔ ናይሰኬና ሃርጊንቲ ሃይቃኒ ዑኪ ዓኣሚርኬ።

ዬያር ዩሱስ ዒዛና ዋላ ዳንዳንቲ፣ ዒዛና ዋላ ዓኣዳ ሚርጌ ዓሳ ቱቺ ዒዛ ሜታሳኔ። 43 ዒማና ታጳ ላምፃ ሌዔ ጉቤ ሱጉህሂ ሸኡቲ

* **8:31** 8:31 ጋፒንፃ ጳዳዎ ዔቶ ዳኤፖ:- ዬይ ዔታ ፑርቶ ዓያና ጋፒንፃ ዋጎ ኬሎ ሄላንዳኣና ሳዎኮ ደማ ቱኣታ ቤሲኬ ጌይንታኔ።

ሜታሳ ፔቲ ላኦሊስከና ዓኣኔ፤ ዒዛ ፔኤኮ ዓኣ ሚኢሾ ጉቤ ዴኤሾ ዔራ ዓሶም ዒንጊ ጋፒሴቶዋ ያኦኒያ ዒዛ ዳቁሻኒ ዳንዳዒባኣሴ።
44 ዩና ላኦሊሳ ዩሱሴ ባንሢ ሙኪ ጊንዖ ዛሎና ዑኪ ዒዛኮ ባፒሎ ዓጮ ሄላዛ ቤዘማና ዒዛኮ ሾኦታ ሱጉግ ዔቄ። 45 ዩሱሴ ዒማና፡- «ያ ታና ካኣሜይ?» ጌዒ ያኦጮኔ።

ቢያሢ፡- «ኑ ኔና ሄሊባኣሴ» ጋዓዛ፣ ጳዒሮሴ ማሃዖ፡- «ዔርዛሢሃዮ! ዴራ ቱቺንቲ ኔ ጊንዖ ዓኣዳሢ ኔ ዛጉዋዓዳ?» ጌዔኔ።

46 ዩሱሴ ጋዓንቲ፡- «ታጊዳፓ ዋልቄ ኬሰኬሢ ታ ዔራሢሮ ጎኔ፤ ፔቲ ዓሲ ታና ካኣሜይ» ጌዔኔ። 47 ላኦሊሳ ዓኣሸጊንታኒ ዳንዳዒባኣሢ ዔራዖ ጎጋይቄ ጎጋይቄ ዒዛኮ ቶኮ ዴማ ሎኣሜኔ፤ ዩካፓ ዒዛ ባይጎሮ ካኣሜቶዋ ሃሃዎ ማይዲ ዒዛ ቤዘና ፖዔቶዋ ዴሮ ቢያ ቤርታ ፔጋሲ ኬኤዜኔ። 48 ዩሱሴያ፡- «ታ ናዔሌ! ኔ ጉሙርቄፃ ኔና ፖዒሴኔ፤ ኮሺ ዴንዳ» ዒዛም ጌዔኔ።

49 ዩሱሴ ዩያ ሃጊ ኬኤዛ ጎይሃ ዓኣንቲ ፔቲ ዓሲ ዓይሁደኮ ቡኪንቶ ቤዘ ሱኡጋሢ፣ ዒያዒሮሴ ማኣራፓ ሙኪ ዒያዒሮሴ ኮራ፡- «ናዔላ ኔኤኮ ሃይቄኔ፤ ማይ ዔርዛሢ ጉሪ ላቢሲፖ» ጌዔኔ።

50 ዩሱሴ ጋዓንቲ ዩያ ዋይዛዖ ዒያዒሮሴ ኮራ፡- «ኔኤሮ ዒጊጠጊ፣ ጉጉሙርቄ፤ ናዔላ ኔኤኮ ዳቃንዳኔ» ጌዔኔ።

51 ዩሱሴ ዩማና ዒያዒሮሴ ማኣሪ ሄላዖ ጳዒሮሴና ዮሃኒሴና ያይቆኑቤና ሃሃ ናዔሎኮ ዓደና ዒንደናፓ ዓታዛ ማሌ ያኦኒያ ዒዛና ዋላ ጋሮ ጌላንደጉዲ ኮዒባኣሴ። 52 ዒኢካ ዓኣ ዓሳ ቢያ ናዔሎ ዛሎ ያዩ ዩኤፒዳ ዓኣንቲ ዩሱሴ ዔያቶም፡- «ዩኤኪፖ፣ ናዔላ ጊጊንዓንዳፓዓቲም ሃሃይቄባኣሴ» ጌዔኔ።

53 ዔያታ ጋዓንቲ ናዔላ ሃይቄሢ ዔራሢሮ ቢያሢ ዒዛ ቦሃ፣ ሚኢጮኔ። 54 ዩሱሴ ናዔሎኮ ኩጮ ዓርቃዖ፡- «ዓንቆ፣ ዔቄ!» ጌዔኔ። 55 ዒዛ ሸምፓሢ ዒዛኮ ማዔሢሮ ቤዘማና ላዓ ጌዒ ዔቃዛ፣ ዩሱሴ፡- «ዒዛ ሙዓንዳ ባኣዚ ዒዛም ዒንጉዋቲ» ጌዒ ዔያቶ ዓይሢኔ። 56 ናዔሎኮ ዓደና ዒንደና ዲቃቲ ሄርሼኔ፤ ዒዚ ጋዓንቲ፡- «ሃያ ባኮ ያኦማኣ ኬኤዚፖቲ» ጌዔኔ።

9

ዩሱሴ ታጳ ላምዖ ዳኪንቲዘንሢ ኮፍ ሃይሶ ማደም ዳኬሢ (ማቲ. 10:5-15፤ ማር. 6:7-13)

1 ዩሱሴ ታጳ ላምዖ ዳኪንቲዘንሢ ዒዛ ባንሢ ዔኤላዖ ፑርቶ ዓያኖ ቢያ ኬሳንደያ ሃሃ ዲማ ዲማ ደርዖዋ ፖዒሳንዳ ዋልቄና ቢታንቶና ዔያቶም ዒንጌኔ። 2 ያኦሲ ካኣቲም ዛሎ ዓሶም ቢያ ኬኤዛንዳጉዲ፣ ሃርጊንቲ ዓሶዋ ፖዒሳንዳጉዲ ዔያቶ ዳካዖ፡-

3 «ዲንሢኮ ጎይዎም ማዓ ባአዚ ዓይጎዎ ዔኪፖቴ፤ ኮኦሎ ማዔቶዎ፣
 ጋላታቶዎ፣ ጋላ ዓርቆ ሉካታቶዎ፣ ሚኢሼታቶዎ፣ ዲንሢ ማአዔ
 ዓፕላፓ ሜሌ ማአዎዎ ዔኪፖቴ። 4 ሾኦቹዎና ዲንሢ ጌላ
 ማአርይዳ ዩኖ ጉርዳሎይዳፓ ኬሰኪ ዓአዳንዳያ ሄላንዳአና ዲኢካ
 ዴዑዎቴ። 5 ዓሳ ዲንሢ ሾኦቹንሢ ዔኩዎያ ማዔቶ ጋዓንቴ ዩኖ
 ጉርዳሎ ሃሺ ኬሰካዎ፣ ቶካፓ ዲንሢኮ ሲላሎ ፒዲ * ዓአዳዎቴ፤
 ዩይ ዔያቶም «ዲንሢና ዔሩዎቴ ጋዓ ማርካቶ ማዓንዳኔ» ጌዔኔ።
 6 ዩያር ዳኪንቴዘንሢ ዩካፓ ኬሰኪ ኮዥ ሃይሶ ዔርዚ ዔርዚ፣
 ሃርጊንቴ ዓሶዎ ፖዒሲ ፖዒሲ ጉርዶ ቢያይዳና ዓአዳኔ።

ሄርዲሴ ዩሱሴ ዘሎ ዋይዜሢ
 (ማቴ. 14:1-12፤ ማር. 6:14-29)

7 ጌላላ ዓጮ ዋይሢ፣ ሄርዲሴ ዩሱሴ ማዳ ባኮ ቢያ ዋይዜሢሢ
 ጎዎንዶ ጎይሢ ባይዜኔ፤ ዓይጎር ጌዔቶ ፔቴ ፔቴ ዓሳ፡- «ማሰካ
 ዮሃንሴ ሃይሶይዳፓ ዔቁኔ» ጌዒ ጌዒ ጌሰታሢርኩ። 8 ዩያጉዲ ሃሃ
 ፔቴ ፔቴ ዓሳ፡- «ፆኦሲ ማሊያ ኬኤዛ ዔኤሊያሴ ማዒ ሙኩኔ»
 ጋዓዛ፣ ዓቴ ዓሳ ሃሃ፡- «ሚና ፆኦሲ ማሊያ ኬኤዛዘንሢዳፓ ፔቴ
 ሃይሶፓ ዔቁኔ» ጋዓኔ። 9 ሄርዲሴ ፔ ዘሎና፡- «ታኦኒ ዮሃንሴኮ
 ቶኦኮ ቲቁሴንቴ፣ ሂዳዎ ሃያ ቢያ ባኮ ማዳኔ ጌይንቴ ኬኤዚንታሢ
 ዒ ዮናዳይ?» ጌዒ ዛጋኒ ኮዓኔ።

ዩሱሴኮ ደንጎ ሺዮ ዓሶ ሙኡዚያ
 (ማቴ. 14:13-21፤ ማር. 6:30-44፤ ዮሃ. 6:1-14)

10 ዳኪንቴዘንሢ ዳኪንቴ ቤዛፓ ማዒ ሙካዎ ማዳ ባኮ ቢያ
 ዩሱሴም ኬኤዜኔ። ዒማና ዒዚ ዔያቶ ዲማሲ ዔኪ ቤቴሳይዳ
 ጌይንታ ካታዎ ዓአዳኔ። 11 ዓሳ ዩሱሴ ዓንካ ዓአቶዎ ዔራዎ ዒዛ
 ጊንያ ሙካዛ፣ ዒዚ ዔያቶ ዔኪ ፆኦሲ ካኦቱዎ ዘሎ ዔርዜኔ።
 ደርዓሢዳፓኦ ፖዒኒ ኮዔ ሃርጊንቴ ዓሶዎ ፖዒሴኔ።

12 ሳዓ ዓማኒ ጋዓአና ታጾ ላምዎንሢ ዩሱሴ ኮራ ሙካዎ፡- «ኦኡኒ
 ዓአ ቤዛ ዓሲናንጉዎ ደውሎይዳኬ፤ ዩያር ዓሳ ሃካ ከይሎይዳ ዓአ
 ካታዎና ካታዎ ዙላ ዓአ ጉርዶ ዴንዲ ሙዎ ባአዚና ዋርቆ ቤሲና
 ኮይ ዴንቃንዳጉዲ ዓሶ ዳኬ» ጌዔኔ።

13 ዩሱሴ ጋዓንቴ፡- «ዲንሢ፣ ዔያታ ሙዓንዳ ባአዚ ዲንጉዎቴ»
 ጋዓዛ፣ ዔያታ ማሃዎ፡- «ኦኡኮ ዓአዘንሢ ደንጎ ካሣና ላምዎ ሞሎና

9:3 9:3 ሉቃ. 10:4-11፤ ዳኪ. ማዶ 13:51። * 9:5 9:5 ቶካፓ ሲላሎ ፒዲ፡- ጋዓዛ
 ዓይሁዶ ዓሶኮ ማአሌ ዳምቤና «ዲንሢ ዴኤዎም» ጎዎሢ ጎይዎ ማዶያኩ። 9:8 9:8
 ማቴ. 16:14፤ ማር. 8:28፤ ሉቃ. 9:19። 9:9 9:9 ማቴ. 14:1-2፤ ማር. 6:14-15፤
 ሉቃ. 9:7-8።

ሌሊኩ፤ ይህም ኑ ዓኣዲ ካህ ሻንቁባኣያታቶ ሃያ ዳርሞ ቢያ ገዳባኩ» ዲዛም ጌዔኔ። 14 ዲማና ዓቲንቆኮ ሚርጉማ ደንጎ ሺያ ማዓያኩ።

ይካፓ ዩሱሴ ጊንፆ ሃንታዞንሚም፡- «ዓሶ ደንጊታሚ ደንጊታሚ ማሂፓቁ ዳይሠቀቱ» ጌዔኔ።

15 ጊንፆ ሃንታ ናኣታ ዲዚ ዔያቶ ዓይህሚጉዲ ዓሶ ዳይህኔ።

16 ዩካፓ ዩሱሴ ደንጎ ካሃንሚና ላምፆ ሞሎንሚና ዔኪ ሌካ ጫሪንጮ ደገ ጌዔ ዛጋፆ ፆኦሲ ጋላቲ፡ ቡንፂሰካፓ ዓሶም ዔያታ ዲንጋንዳጉዲ ዲዛኮ ጊንፆ ሃንታዞንሚም ዲንጌኔ፤ 17 ቢያሚ ሙይ ሚሸካዛ፡ ዲዛኮ ጊንፆ ሃንታዞንሚ ዓቲ ደንቦ ታጶ ላምፆ ዳልገ ሌማቲ ኩሙሚ ዔኬኔ።

ይሱሴ ያናታቲያ ጳዲሮሴ ማርካዴ ማርካቶ
(ማቲ. 16:13-19፤ ማር. 8:27-29)

18 ፔቲ ኩሊ ዩሱሴ ፔኤሮ ሌሊ ሺኢቁቤቃ ዲዛኮ ጊንፆ ሃንታዞንሚ ዲዛኮ ስራ ዓኣሚሮ፡- «ዓሳ ታና ያናኩ ጋዓይ?» ጌይ ዔያቶ ኮራ ፆኦጮኔ።

19 ዔያታ ማሃፆ፡- «ፔቲ ፔቲ ዓሳ፡ «ማሰካ ዮሃንሴኩ» ዛላ ሃሃ «ዔኤሊያሴኩ» ኔና ጋዓኔ፤ ዓቲ ዓሳ ሃሃ «ሚና ቤርታ ፆኦሲ ማሊያ ኬኤዛዞንሚዳፓ ፔቲ ሃይባፓ ዔቁኔ» ጋዓሚያ ዓኣኔ» ጌዔኔ።

20 ዲንሚ፡- «ታና ያናኩ ጋዓይ?» ጌይ ዔያቶ ፆኦጮዛ፡ ጳዲሮሴ ማሃፆ፡- «ኔኤኒ ፆኦሲ ኔና ዳኩ፡ ሚሲሃኩ» ጌዔኔ። 21 ዩሱሴያ ዩያ ዔያታ ፆኦማኣ ኬኤዙዋጉዲ ላቲ ዔያቶም ኬኤዜኔ።

ይሱሴ ጊንሚ ሃንቲሚ ዛላ
(ማቲ. 10:38-39፤ 16:24-28፤ ማር. 8:34-38፤ ሉቃ. 14:26-27)

22 ዩካፓ ሃሃ ዩሱሴ ፔኤኮ ጊንፆ ሃንታ ናኣቶም፡- «ዓሲኮ ናዓሚ ሚርጌ ሜቶ ዔካንዳያ ኮይሳኔ፤ ጨሞና ቁኤሶኮ ሱኡጎና ሃሃ ሙሴ ዔርዜ ዋጎ ዔርዛ ዓሳኣ ዲዛ ቦሂ ሃሻንዳኔ፤ ሃሃ ዋዲያ ዋዳንዳኔ፤ ማዔቶዋ ሃይሃሳ ኬሎና ሃይባፓ ዔቃንዳኔ» ጌዔኔ።

23 ቢያሚም ሃሃ፡- «ታ ጊንፆ ሙካኒ ናሽካያ ዓኣቶ ፔና ሃሻንጎ፤ ቢያ ኬሊ ሃይቢ ሄላንዳኣና ገኢጌያ ማዔ ታ ጊንፆ ሃንቶንጎ፤ 24 ፔ ናንጎ ዓይሳኒ ኮዓሚ ቢያ ፔ ናንጎ ባይዛንዳኔ፤ ታ ጋይቲ ጌዔ ፔ ናንጎ ዓኣሚ ዲንጋሚ ጋዓንቲ ፔ ናንጎ ዓይሳንዳኔ። 25 ዓሲ ዓጮይዳ ዓኣ ቆሎ ቢያ ዳንቃፆ ናንጎ ፔኤኮ ባይዚ ሃሃ ጉሪ ዓታያ ማዔቶ

9:20 9:20 ዮሃ. 6:68-69። 9:23 9:23 ማቲ. 10:38፤ ሉቃ. 14:27። 9:24 9:24 ማቲ. 10:39፤ ሉቃ. 17:33፤ ዮሃ. 12:25።

ዓይን ፓሣንዳይ? 26 ታኣና ታ ቃኣሎና ዛሎ ኬኤዛኒ ቦርሲንታሣዲ ቢያ ዓሲኮ ናዓሢ ፔ ቦንቸና ሃሣ ፔ ዓዶ ቦንቸና ዬያጉዲ ጌኤኮ ከኢታንቸ ቦንቸና ሙካ ዎዶና ዒዛይዳ ቦርሲንታንዳኔ። 27 ጎኔ ታ ዒንሣሞ ጋዓኔ፤ ሃሣ ሃይካ ዒንሣ ባኣካፓ ያኦሲ ካኣቱሞ ዛጋንዳያ ሄላንዳኣና ሃይቁንዲሞ ፔቴ ፔቴ ዓሲ ዓኣኔ» ጌዔኔ።

ዬሱሴኮ ዓውካሮ ለአሚንቶ
(ማቴ. 17:1-8፤ ማር. 9:2-8)

28 ዬሱሴ ዬያ ባኮ ኬኤዜሣኒ ሳሊ ኬሊኮ ጊንፃ ጳዲሮሴና ዮሃንሴና ያይቆኦሴና ዔኪ ሺኢቃኒ ፔቴ ዲካ ኬሰኬኔ። 29 ዒዚ ሺኢቃንቴ ዓውካራ ዒዛኮ ለአሚንቲ ዓፒላኣ ዒዛኮ ቦኦሪ፥ ዓኣፓ ዲካያ ማዔኔ፤ 30 ዬማና ዔርቲባኣንቴ ላምዎ ዓሲ ሙኪ ዒዛና ዎላ ጌሰታኔ። ዬንሣያ ሙሴና ዔኤሊያሴናኬ። 31 ቦንቸና ጳዲ ዒዛና ዔያታ ጌሰታሣ ዬሱሴ ዬሩሳላሜይዳ ሃይቁ ያኦሲ ማሊያ ኩንሣንዳሣ ዛሎኬ። 32 ዬማና ጳዲሮሴና ዒዛኮ ላንሣሣና ጊንዓ ባሽም ላሂ ዓኣኔ። ጋዓንቴ ዔያታ ጳጩ ዬሱሴ ፔ ቦንቸና ፖዒ ዓኣንቴ ዴንቄኔ፤ ሃሣ ዬያጉዲ ዒዛና ዎላ ዓኣ ላምዎ ዓሶንሣያ ዴንቄኔ። 33 ላምዎ ዓሶንሣ ዬሱሴ ኮራፓ ዲማዲ ዓኣዳዛ ጳዲሮሴ ዬሱሴ ኮራ፡- «ዔርዛሣዮ! ኑም ሃይካ ዴዓፃ ኮሺኬ፤ ዬያሮ ፔቴ ኔኤም፥ ፔቴ ሙሴም፥ ፔቴ ሃሣ ዔኤሊያሴም ማዓያ ሃይሣ ዉዲ ኑኡኒ ማኮም» ጌዔኔ። ጳዲሮሴ ዬያ ጋዓኣና ዒ ጋዓ ባኮ ዔሩዎያኬ።

34 ጳዲሮሴ ዬያ ኬኤዜ ጎይሣ ዓኣንቴ ሻኣሬ ሙኪ ዔያቶ ባይዜኔ፤ ዬይ ሻኣራ ዔያቶ ባይዛዛ ዔያታ ዒጊጩኔ። 35 ሻኣሮ ባኣኮይዳፓ፡- «ታኣኒ ዴኦሬ፥ ታ ናዓሢ ሃያኬ፤ ዒዚ ጋዓሢ ዎይዙዎቴ» ጋዓ ዑኡሲ ዎይዚንቴኔ።

36 ዑኡዛ ዎይዚንቴሣኒ ጊንፃ ዬሱሴ ፔኤሮ ሌሊ ዓቲ ጳዳኔ፤ ዬንሣ ዒዛና ዓኣ ጊንፃ ሃንታዞንሣ ዔያታ ዛጌ ባኮ ቢያ ዒማና ያኦማኣ ኬኤዙዎዎ ዚቲዮ ጌዔኔ።

ዬሱሴ ፑርታ ዓያና ዓርቁ ናይሰኬያ ዳቂሽሣ
(ማቴ. 17:14-18፤ ማር. 9:14-27)

37 ዚሮ ጉቴሎ ዬሱሴና ሃይሣ ዒዛኮ ጊንፃ ሃንታዞንሣና ዎላ ዲካፓ ኬዳዛ ሚርጌ ዓሲ ዬሱሴና ካኣሜኔ። 38 ዓሶ ባኣኮይዳፓ ፔቴ ዓሲሰኬይ፡- «ዔርዛሣዮ! ሃይ ናዓሢ ታኣኮ ፔቴ ሌሊኬ፤ ሃዳራ ታኣም ዛጌ፤ 39 ሃኣዛጌ፥ ዒዛ ፑርታ ዓያና ዓርቁ ዔሩዎንቴ ዒላሣኔ፤ ሳይዳኣ ሎንሣ ዳንጎና ዲባሲ ዲባሲ ባርዲሳኔ፤ ዑያዎ ዒዛኮ

9:35 9:35 ዒሲ. 42:1፤ ማቴ. 3:17፤ 12:18፤ ማር. 1:11፤ ሉቃ. 3:22።

ከፃሲ ኮሺ ማታሰብካፕ ሃሻኔ። 40 ዬያ ፑርቶ ዓያናሢ ኬሳንዳጉዲ ኔኤኮ ጊንጾ ሃንታዞንሢ ታ ጾኤጭንቴ ዔያታ ኬሳኒ ዳንዳዒባኣሴ» ጌዔ ዒላቴኔ።

41 ዬሱሴ ማሃዖ፡- «ዒንሢ ጉሙርቁዎ፣ ሃይ ዎቦ ሾይንታ! ታ ዒንሢና ዎላ ዓይዲ ሄለንዳኣና ናንጋንዳይ? ሃሣ ዓይዲ ሄለንዳኣና ታ ዒንሢ ጊቢ ዳንዳዓንዳይ? ሂንዳ ኔኤኮ ናዓሢ ሃኒ ዔኪ ባዔ» ጌዔኔ።

42 ናዓሢ ዬሱሴ ባንሢ ዑኬ ዎዶና ፑርቶ ዓያናሢ ናየ ሳዓ ሎንሢ ባርዲሳኣና ዬሱሴ ፑርቶ ዓያናሢ ጎሪ፣ ናዓሢያ ዳቁሺ ዳዳሢም ዒንገኔ። 43 ዴሪ ቢያ ጾኦሲኮ ዴኤፖ ዎልቆ ዛጌሢር ዲቃቴ ሄርሼኔ፤

**ዬሱሴ ፔኤኮ ሃይሶ ዛሎ ላሚ ኬኤዜሢ
(ማቴ. 17:22-23፤ ማር. 9:30-32)**

ዓሳ ቢያ ማዲንቴ ባኮና ዲቃቴ ሄርሺያይዳ ዓኣንቴ ዬሱሴ ዒዛኮ ጊንጾ ሃንታ ናኣቶም፡- 44 «ሃያ ታ ዒንሢም ኬኤዛ ቃኣሎ ዒና ዔኪ ማሉዎቴ፤ ሃይሾ ዓካሪ ዓሲኮ ናዓሢ ዓሶ ኩጫ ዓኣሢ ዒንጊንታንዳኔ» ጌዔኔ። 45 ዔያታ ጋዓንቴ ዬያ ዒ ጌዔ ባኮ ዔሪባኣሴ፤ ጾኦሲ ዔያቶም ዒ ጌዔ ባካ ዎዚ ጌይሢታቴያ ዓኣቸሢር ዒ ጌዔ ባካ ዔያቶም ጌለባኣሴ፤ ጋዓንቴ ዒዛ ጾኦኤኒ ዔያታ ዒጊጭኔ።

**ቢያፓ ባሺ ማዓ ዓሲ ዛላ ዬሱሴ ኬኤዜሢ
(ማቴ. 18:1-5፤ ማር. 9:33-37)**

46 ዒዛኮ ጊንጾ ሃንታ ናኣታ፡- «ኑጊዳፓ ቢያ ባሺሢ ጾናዳይ?» ጌዒ ዎላ ማርሜኔ። 47 ዬሱሴ ጋዓንቴ ዔያቶኮ ዒኖ ማሊያ ዔራዖ ፔቴ ናይ ዔኪ ሙኪ ፔ ኮይላ ዔቁሰ፡- 48 «ሃያ ናየ ታ ሱንጾና ቦንቺ ዔካሢ ቢያ ታና ዔካኔ፤ ታና ቦንቺ ዔካሢያ ቢያ ታና ዳኬሢያ ዔካኔ። ዒንሢ ባኣካፓ ቢያ ባሺ ሂርኬ ማዓ ዓሢ ዒዚ ቢያይዳፓ ባሺ ማዓንዳኔ» ዔያቶም ጌዔኔ።

**ዬሱሴ ዒፁዎ ዓሲ ዒዛ ዓሶ ዛላ ዓኣያ ማዒያ
(ማር. 9:38-40)**

49 ዬካፓ ዮሃኒሴ ዬሱሴ ኮራ፡- «ዔርዛሢያ! ፔቴ ዓሲ ኔ ሱንጾና ፑርታ ዓያና ኬሳንቴ ኑ ዛጌኔ፤ ጋዓንቴ ዒ ኑኡና ዎላ ኔ ዓሲ ማዒባኣሢር ዒዚ ኬሱዎጉዲ ኑ ላኣጌኔ» ጌዔኔ።

50 ዬሱሴ ማሃዖ፡- «ዒንሢ ማኪ፣ ዒፁዎኣሢ ቢያ ዒንሢና ዎላታሢር ሃሹዎቴ፣ ላኣጊፖቴ» ጌዔኔ።

ሳማሪያ ዓጮ ዓሶኮ ዩሱሴ ዒዲያ

51 ዩሱሴ ለካ ጫሪንጮ ዔውታ ኬላ ዑኩ ዎደና ዩሩሳሌሜ ባንሢ ዓኣዲኒ ማሊ ዔቄኔ። 52 ዒዛኮ ቤርታ ቢሪ ዓኣዲንዳ ኪኢታ ዓሲያ ዳኩኔ፤ ዔያታ ቢያ ባኣዚ ገኢገሻኒ ሳማሪያይዳ ዓኣ ፔቲ ጉርዳ ዓኣዳኔ። 53 ጋዓንቴ ዬኖ ጉርዳሎ ዓሳ ዒዛ ሸኦቹንሢ ዔካኒ ኮዒባኣሴ፤ ዓይጎር ጌዔቶ ዒዚ ዬኖ ዓጮና ጌዒ ዩሩሳሌሜ ዓኣዲንዳሢ ዔያታ ዔሬሢርኩ። 54 ዒዛኮ ጊንያ ሃንታ፥ ያይቆኦቤና ዮሃኒሴና ዬያ ዛጌ ዎደና፡- «ጎዳሢዮ!፥ ጫሪንቹዳፓ ታሚ ኬዲ ሃንሢ ዓሶንሢ ሙዓንዳጉዲ ኑ ዓይሦም?» ጌዔኔ።

55 ዩሱሴ ጋዓንቴ ዔያቶ ባንሢ ሺሪጋፓ፡- «ዒንሢሞ ዎዚጉዳ ዓያና ዒንጊንቴቶ ዒንሢ ዔሩዎሴ፤ ዓሲኮ ናዓሢ ሙኩሢ ዓሲ ዓዓይሳኒ ማዓንዳፓዓቴም ባይዛኒቱዎሴ»] ጌይ ጎሬኔ። 56 ዬካፓ ዔያታ ዔቂ ሜሌ ጉርዳ ዓኣዳኔ።

ዩሱሴ ጊንያ ሃንታዘንሢ ሄለንዳ ሜታሢ (ማቴ. 8:19-22)

57 ዩሱሴና ዒዛኮ ጊንያ ሃንታዘንሢና ጎይያ ዓኣዲያይዳ ዓኣንቴ ፔቲ ዓሲ ዩሱሴ ኮራ፡- «ታኣኒ ኔ ዓኣዳ ቤዘ ቢያ ኔኤና ዎላ ዓኣዲኒ ኮዓኔ» ጌዔኔ።

58 ዩሱሴ ዒዛም ማሃያ፡- «ዉኡካሢኮ ዔቴ ዓኣኔ፤ ካፖኮ ሃሣ ዎርቆ ማኣሪ ዓኣኔ፤ ዓሲ ናዓሢ ጋዓንቴ ላሂ ሃውሻንዳ ቤሲታያ ባኣሴ» ጌዔኔ።

59 ባጋሢም ሃሣ፡- «ታ ጊንያ ሙኩ» ጋዓዛ፥ ዓሢ ጋዓንቴ «ጎዳሢዮ! ቤርታዲ ታ ዳንዲ ዓዶ ዱኡኪ ሙኮም» ጌዔኔ።

60 ዩሱሴ ማሃያ፡- «ሃይቄ ዓሳ ሃይቄ ዓሶ ዱኡካንዳጉዲ ሃሺ፤ ኔኤኒ ጋዓንቴ ዓኣዲጋፓ ያኦሲ ካኣቱም ዛሎ ዔርዘ» ጌዔኔ።

61 ሃሣ ፔቲ ሜሌ ዓሲሰኬይ፡- «ታ ጎዳሢዮ! ታ ኔ ጊንያ ሙካኒ ኮዓኔ፤ ጋዓንቴ ቤርታዲ ታ ማኣር ዓሶ ሳራሢ ታ ዩዓንዳኔ» ጌዔኔ።

62 ዩሱሴ፡- «ጌማይ ጎሽካኣና ዙርጎ ዓርቃያ ጊንሢም ዛጋ ዓሲ ያኦሲ ካኣቱምም ማዓ ዓሲቱዎሴ» ጌይ ዒዛም ማሃኔ።

10

ዩሱሴ ኮዥ ሃይሶ ኬኤዘንዳጉዲ ላንካይታም ላምያንሢ ዳኬሢ

† 9:54 9:54 ፔቲ ፔቲ ሚናኣ ማፃኣፓ «ዔኤሊያሴ ማዳሢጉዲ» ጋዓ ቃኣላ ቃሳኔ።

9:54 9:54 2ካኣቶ. ማ 1:9-16። 9:61 9:61 1ካኣቶ. ማ 19:20።

1 ጎዳ ዩካፓ ሜሌ ለንካይታሚ ላምዖ * ዓሲ ዶኦሪ፡ ዓዚ ዳንዳኒ ማላ ካታሞና ቤዞና ቢያ ዔያታ ቤርታዲ ዓኣዳንዳጉዲ ላምዖ ላምዖ ማሂ ዳኬኔ። 2 ሂዚያ ዔያቶም ጌዔኔ፡- «ቡኩሶንዶ ሃኣካ ሚርጌኬ፡ ሃኣኩ ቡኩሳ ዓሳ ጋዓንቴ ዳካኬ፤ ዩያር ሃኣኩሶ ዓዴ ሃኣኩ ቡኩሶ ማደም ቃሲ ሜሌ ማደ ዓሲ ዳካንዳጉዲ ሸኢቁዋቴ። 3 ዓካሪ ዓኣዲዋቴ፡ ታ ዒንሢ ማራይጉዲ ያኣያሢ ባኣኩ ዳካኔ፤ 4 ዒንሢ ጎይጾኩ ዓይጎ ባኣዚያ ዓርቂፖቴ፤ ሚኢሼ ዓጎ ቡራሻ፡ ጋላ ዓርቆ ሉካ ማዕቶ ሃሃ ዲርሲ ማዕቶዋ ዔኪፖቴ፤ ዓሲና ዋላ ጎይፃ ካኣማዖ ዔኤሊሢና ናጊፖቴ። 5 ዒንሢ ጌላ ማኣራ ቢያ ቤርታዲ <ማኣሪ ዓሲዮ፡ ኩሹሞ ሃኖ ማኣሮም ማዖም> ጎዑዋቴ፤ 6 ኩሹሞ ናሽካ ዓሲ ዩኖ ማኣራ ዓኣቴ ዒንሢ ጌዔ ኩሹማ ዔያቶም ማዓንዳኔ፤ ያዲ ማዒባኣያታቶ ዒንሢ ጌዔ ኩሹማ ጊንሣ ዒንሢም ማዓንዳኔ። 7 ማደ ማደ ዓሲም ማደ ዛሎ ዒንጎ ባኣዚ ኮይሳኔ፤ ዩያር ዒንሢ ጌሌ ማኣሮይዳ ዒንሢም ሸኢሸና ባኩ ሙዒ ሙዒ ሃሃ ዑሽኪ ዑሽኪ ዒኢካ ዳዑዋቴ፤ ዩኖ ማኣራፓ ሜሌ ማኣሪ ሃንቴ ሃንቴ ሸሪፖቴ። 8 ዋኖ ካታሞዋ ዒንሢ ጌላኣና ዓሳ ዒንሢ ሸኣጫሲ ዓካፆ ዒንጋ ባኩ ሙዑዋቴ። 9 ዩኖ ካታሜሎይዳ ዓኣ ሃርጊንቴ ዓሳ ፓሠዋቴ፤ ዳርማኣ ጾኦሲ ካኣቴማ ዒንሢ ባንሢ ዑኩኔ፤ ጌዒ ኬኤዙዋቴ። 10 ጋዓንቴ ዋኖ ካታሞዋ ዒንሢ ጌላኣና ዓሳ ዒንሢ ዔኩዋያ ማዕቶ ካታሜሎኩ ዙሎ ኬሰኪፓ፡- 11 ሃይሾ፡ ኦኡኮ ቶካ ዓኣ ሃኖ ካታሜሎ ሲላሎ ኦ ዒንሢም ፒፃኔ፤ ጋዓንቴ ጾኦሲ ካኣቴማ ዒንሢ ባንሢ ዑኩሢ ዔራዋቴ> ዔያቶም ጎዑዋቴ። 12 ጋፒንፆ ዋዶና ጾኦሲ ዩኖ ካታሜሎም ዒንጋንዳ ዋጋ ቤርታ ሶዶሜ ካታሞ ሄሌሰካፓ ባሽ ማዓንዳኔ ታ ዒንሢም ጋዓኔ» ጌዔኔ።

ጉሙርቂ ጎናሲ ዔኩዋያ ሃሺፆር ዞሪ ጎርና ካታሞንሢ
(ማቴ. 11:20-24)

13 ዩካፓ ዩሱሴ፡- «ኮራዚኔ ጎፆዜ ኔና ባደዔ፤ ቤቴሳይዳ ኔናኣ ባደዔ፤ ዒንሢዳ ማዲንቴ ጾኦሲ ዋልቁና ማዲንታ ዓኩ ባካ ዋንዴ ፃርሲና ሲደናናይዳ ማዲንቴያታቶ ዒኢካ ናንጋ ዓሳ ሄኤዶ ሲዩ ፓቴሌ ማይንቴ፡ ቢዲንሢያ ቶኦካ ዋሂ ዩኖ ዋዶና ጎሞ

* **10:1** 10:1 ለንካይታሚ ላምዖ፡- ጋዓዛ ፔቴ ፔቴ ሚናኣ ማፃኣፓ «ለንካይታሚ» ጋዓኔ።
10:2 10:2 ማቴ. 9:37-38። **10:3** 10:3 ማቴ. 10:16። **10:4** 10:4 ማቴ. 10:7-14፤ ማር. 6:8-11፤ ሉቃ. 9:3-5። **10:7** 10:7 1ቆር. 9:14፤ 1ፂሞ. 5:18።
10:11 10:11 ዳኪ. ማዶ 13:51። **10:12** 10:12 ማኸ. ማፃ 19:24-28፤ ማቴ. 11:24፤ 10:15።

ቡኡጃያ ናንዳኔ። 14 ዬያሮ ጋፒንያ ዋጎ ኬሎና ቤርታ ዲሮሴና ሲደናናም ዲንጎናሰካፓ ዲንሢ ሜታሢ ባሺ ማዓንዳኔ። 15 ሃና ኔኤኒ ቁፒርናሆሜ ካታሜሌ፥ ሌካ ጫሪንጮ ሄላንዳኣና ጰጊ ጋዓኒ ኔ ኮዒያ? ማዕቶዋ ኔ ሊካ ሄሊንቱዋ ጰኤፖ ዔቶ ኬዳንዳኔ» ጌዔኔ።

16 ለሚ ሃሣ ዬሱሴ ዒዛኮ ጊንያ ሃንታዞንሢ ኮራ፡- «ዲንሢም ዋይዛሢ ታኣም ዋይዛኔ፤ ዲንሢ ቦንቺ ዔኩዋኣሢ ታና ዔኩዋሴ፤ ታና ዔኩዋኣሢ ታና ዳኬሢያ ቦንቺ ዔኩዋሴ» ጌዔኔ።

ለንካይታሚ ላምዖ ጊንያ ሃንታዞንሢ ዳኪንቴ ቤዛፓ ማዒ ሙኪያ

17 ለንካይታሚ ላምዖ ጊንያ ሃንታዞንሢ ዳኪንቴ ቤዛፓ ሚርጌ ዋዛና ዬሱሴ ባንሢ ማዒ ሙካያ፡- «ጎዳሢዮ! ኔ ሱንያና ፑርቶ ዓያና ኑም ዓይሢንቲናኣኮቲ» ጌዔኔ።

18 ዬሱሴ ዔያቶም፡- «ፃላሄ ዜኤሊንሢጉዲ ጫሪንጫፓ ኬዳንቴ ታ ዛጌኔ፤ 19 ዬያሮ ዲንሢ ሸኣኸና ኮርናሢና ሄርቃንዳጉዲ፥ ዲንሢ ሞርኮ ዲንሢ ባሻንዳጉዲ ቢታንቶ ዲንሢም ታ ዲንጌኔ፤ ዲንሢ ሄላንዳ ባኣዚ ፔቲታዖ ባኣሴ። 20 ጋዓንቴ ፑርቶ ዓያና ዲንሢም ዓይሢንቲሢረ ዲንሢ ዋዛዳሢፓ ባሺ ሱንፃ ዲንሢኮ ጫሪንጮ ማኣራ ፃኣፒንቴም ያኣሲ ዓሶ ባኣካ ዲንሢ ማዕሢረ ዋዛዱዋቲ» ጌዔኔ።

ዬሱሴኮ ዓደ ጋላቲያ (ማቲ. 11:25-27፤ 13:16-17)

21 ዬማና ዬሱሴ ዓያና ጌኤሺ ዒዛ ዋዛሴም፡- «ጫሪንጮና ሳዖናኮ ጎዳ ማዔ፥ ዓዳሢዮ! ሃያ ባኮ ኔኤኒ ዔርና ጰኤፖ ዓሶናይዳፓ ዓኣቺ ናይጉዲ ማዔ ዓሶም ፔጋሲ ዳዌሢረ ታ ኔና ጋላታኔ፤ ሂዮ! ታ ዓዳሢዮ! ዬያይዳኒ ኔ ማሊሢ ማዔኔ።

22 «ቢያ ባኣዚ ታ ዓደይዳፓ ታኣም ዲንጊንቴኔ፤ ናኣዚ ዖና ማዔቲ ዓደይዳፓ ዓታዛ ሜሌ ዔራይ ባኣሴ፤ ዬያጉዲ ሃሣ ዓደ ዖና ማዔቶ ናኣዚዳፓ ዓታዛ ሃሣ ጊንሣ ናኣዚ ዒዛም ፔጋሲ ኬኤዛኒ ኮዔ ዓሲዳፓ ዓታዛ ሜሌ ዖኣኒያ ዔራይ ባኣሴ» ጌዔኔ።

23 ዬካፓ ሃሣ ዬሱሴ ፔኤኮ ጊንያ ሃንታዞንሢ ባንሢ ሺራዖ ዔያቶም ሌሊ፡- «ዲንሢ ሃያ ዛጋሢ ዛጋዞንሢ ኮሺ ባሊቲና ዓኣያኬ። 24 ጎኔና ሚርጌ ያኣሲ ማሊያ ኬኤዛዞንሢና ካኣቶና ሃሢ ሃያ ዲንሢ

10:13 10:13 ዒ.ሲ. 23:1-8፤ ሂዚ. 26:1—28:26፤ 26:፲ ዒ.ዩ. 3:4-8፤ ዓዋ. 1:9-10፤ ዛካ. 9:2-4። 10:15 10:15 ዒ.ሲ. 14:13-15። 10:16 10:16 ማቲ. 10:40፤ ማር. 9:37፤ ሉቃ. 9:48፤ ዮሃ. 13:20። 10:19 10:19 ዓይኑ. 91:13። 10:22 10:22 ዮሃ. 3:35፤ 10:15።

ዛጋ ባኮ ዛጋኒ ሱኡካዳያታዎ ዔያታ ዛገባኣሴ፤ ዒንሢ ዋይዛ ባኮዎ ዔያታ ዋይዛኒ ሱኡካዳኔ፤ ጋዓንቴ ዔያታ ዋይዚባኣሴ» ጌዔኔ።

ዓሲ ሚጨንታ ፔቴ ሳማሪያ ዓጨ ዓሲሰኬያ ዛላ

25 ፔቴ ኬሊ ሙሴ ዔርዜ ዋጎ ዔርዛ ፔቴ ዓሲሰኬይ ዩሱሴ ኮራ ሙካዎ ዒ ዋዚ ጋዓቴያ ዛጋኒ ኮዒ፡- «ዔርዛሢዮ! ናንገና ናንገ ዴንቃኒ ዓይገንዳ ማዳንዳያ ታና ኮይሳይ?» ጌይ ዒዛ ምጫዛ።
26 ዩሱሴ ማሃዎ፡- «ሙሴ ዔርዜ ዋጎይዳ ዓይጌ ፃኣፒንቴይ? ኔ ናባባዛ ዋዚ ጋዓይ?» ዒዛም ጌዔኔ።

27 ዓሢ ማሃዎ፡- «ዋጋ ጸኣሲ ኔ ጎዳሢ ጉቤ ዒናፓ፣ ጉቤ ሸምፓፓ፣ ጉቤ ዋልቃፓ፣ ጉቤ ማሊፃፓ ናሸኬ» ዩያጉዲ ሃሣ ጳዓ ሳሺኖ ዓዳ ኔና ማሃ ናሸኬ» ጋዓኔ» ጌዔኔ።

28 «ዩሱሴያ ፒዜ ኔ ማሄኔ፤ ዓካሪ ኔኤኒ ዬኖ ጎይዎ ማዳ፤ ናንገና ናንገያ ኔ ዴንቃንዳኔ» ጌዔኔ።

29 ዋጎ ዔርዛሢ ጋዓንቴ ፔና ጌኤሺ ዓሲ ማሃኒ ኮዓዎ፡- «ያዲ ማዔቶ ታኣኮ ዓሺናሢ ዎናዳይ?» ጌይ ምጫኔ።

30 ዩሱሴ ዒዛም ማሃዎ፡- «ፔቴ ዓሲ ዩሩሳላሜፓ ዒያርኮ ኬዳንቴ ጎይዎይዳ ሱላ ዒዛ ዴንቂ ዓፒሎ ዒዛኮ ቡሪ ዔኪ ጳርቁሢኮ ገንፃ ሃይቃኒ ሳዛ ጋሸካንቴ ሃሺ ዓኣዳኔ። 31 ዒዛ ቶኪጉዲ ፔቴ ቁኤሴሰኬይ ዬኖ ጎይዳሎና ዓኣዲቤቃ ጳዲንቴ ላቢ፣ ላሂ ዓኣ ዓሢ ዴንቁያታዎ ዚቲ ጌዒ ዒዛኮ ኮርሳ ዓኣዳኔ። 32 ዩያጉዲ ሃሣ ቁኤሶ ፃጳፓ ማዔ ሌዊ ዜርሢሰኬይ ዬኖ ጎይዎና ዓኣዲቤቃ ዬያ ዓሢ ዴንቁዎ ኮርሳ ዚቲ ጌዒ ዴንዴኔ። 33 ፔቴ ሳማሪያ ዓጨ ዓሲሰኬያ ዬኖ ጎይዎና ዓኣዲቤቃ ጳዲንቴ ዓሢ ዴንቂ ሚጨንታዎ፣ 34 ዓሢ ኮይላ ሙኪ ዛይቴ ቲሺና ዋይኔፓ ኮሾና ዑሺና ኪዎይዳ ዓሢኮ ዋሂ ቱርጫና ማሪ ቱኬሢኮ ገንፃ ፔ ሃር ቶገሲ ፔቴ ሾኦቹ ዋርቃ ማኣሪ ዔኪ ዓኣዳኔ፣ ዒኢካ ዒዛ ዒ ኮሺ ዛገ ማይሢኔ፤

35 ዚር ጉቴሎ ፔቴ ዓሲ ላምዎ ኬሊ ማዶ ማዳም ጨጎንዶ ቢራጉዴያ ኬሲ ዬኖ ሾኦጭ ዋይሃ ማኣርኮ ዓዶም ዒንጋዎ ሃያ ዓሢ ታኣም ኮሺ ዛገ ማይሢ፤ ገዳ ቃሲ ኔ ዒዛ ዛሎ ጨገ ባኣዚ ዓኣቶ ታ ማዒ ሙካዎ ኔኤም ማሃ ጨጋንዳኔ» ጌዔኔ።

36 «ዓካሪ ዩንሢ ሃይሃንሢዳፓ ሱሎና ጳዲንቴ ዓሢም ዓሺኖ ማዔሢ ዋያ ኔኤም ማላይ?» ጌዔኔ።

10:25 10:25 ማቴ. 22:35-40፤ ማር. 12:28-34። **10:27** 10:27 ሌዊ. ዓኬ 19:18፤ ላሚ. ዋም 6:5። **10:28** 10:28 ሌዊ. ዓኬ 18:5። **10:34** 10:34 2ዎኦሲ. ዓሃኬ 28:15።

37 ዋጎ ዓርዘህ «ዬያ ዒዛ ሚጨንቲ ማኣዳሂሾ!» ጌዒ ማሃዛ፥ ዩሱሴ ማሃዮ፡- «ሂዳቶ ኔኔኒያ ዒማ ጎይዖ ማዴ» ጌዔኔ።

ዩሱሴ ማርታና ማይራሞና ማኣራ

38 ዩሱሴ ዒዛኮ ጊንዖ ሃንታዘንሂና ዋላ ጎይሂ ዓኣዲ ፔቴ ጉርዳሰኬና ሄላዛ ዒኢካ ማርታ ፔ ማኣራ ዒዛ ሾኦቹንሂ ዔኬኔ፤

39 ዒዛኮ ማይራሞ ጌይንታ ጌራ ዓኣኔ፤ ዒማና ዩና ማይራማ ዩሱሴኮ ቶኮ ዴማ ዴዒ ዒዛኮ ጌኤዘ ዋይዘኔ። 40 ማርታ ጋዓንቲ ሙዖ ጊኢጊሺዮና ሚርጌ ላባዮ፥ ዩሱሴ ባንሂ ሙኪ፡- «ጎዳሂዮ! ሃና ታ ጌኤዳ ቢያ ማዴ ታኣሞ ሃሼሞ ታኣኒ ታኣር ሌሊ ላባሂ ኔ ዛጋዖ ዘቲ ጋዓ? ሃዳራ ታና ዒዛ ማኣዳንዳጉዲ ዒዘሞ ከኤዜቴራ» ጌዔኔ።

41 ጎዳ ዩሱሴ ጋዓንቲ ማሃዮ፡- «ማርታ! ኔኔኒ ሚርጌ ባኣዘና ማታዲ ጸሸኪ ሺራኔ፤ 42 ጋዓንቲ ኮይሳሂ ፔቴ ባኣዘ ሌሊኪ፤ ማይራማ ኮዥ ባኮማ ዶኦሬኔ፤ ዩማ ዒዞይዳፓ ዔካንዳያ ባኣሴ» ጌዔኔ።

11

ዩሱሴ ዔርዜ ሺኢጲዖ
(ማቲ. 6:9-13፤ 7:7-11)

1 ፔቴ ከሊ ዩሱሴ ፔቴ ቤሲዳ ሺኢቃኔ፤ ዒዚ ሺኢቁ ጋፒሳዛ ዒዛኮ ጊንዖ ሃንታዘንሂዳፓ ፔቴይ፡- «ጎዳሂዮ! ዮሃንሴ ፔኤኮ ጊንዖ ሃንታዘንሂ ሺኢጲዖ ዔርዜሂጉዲ ኔኔኒያ ኑና ሺኢቁሂ ዔርዜቴራ!» ጌዔኔ።

2 ዩሱሴያ፡- «ዒንሂ ሺኢቃዮ፥
[ጫሪንጫ ናንጋ] ኑ ዓዳሂዮ!

ሱንዖ ኔኤኮ ቦንቹንቶም፤
ኔ ካኣቱማ ሙኮም፤

3 ከላ ከላ ኑ ሙዓንዳ ሙኡዚ ዒንጌ፤

4 ኑም ዳቤሂም ኑ ዓቶም ጋዓሂጉዲ
ኑ ዳቢንቶ ኑም ዓቶም ጌዔ፤

ዳቢሻኒ ጌሾያይዳ ኑና ጌልዚፖ» ጎዑዋቴ ጌዔኔ።

5 ዩካፓ ዩሱሴ ፔኤኮ ጊንዖ ሃንታዘንሂ ኮራ፡- «ኮኦኪንሂና ዒንሂዳፓ ፔቴሂኮ ላጌ ዓኣኔ ኑ ጎዖም፤ ዒዚ ሳዓ ጊዲሚሺ ማዓኣና ፔ ላጋሂ ማኣራ ዓኣዲ ሩዔኤዘይ! ሃዳራ ታኣሞ ሃይሂ ካሂ ታልዔ፤

6 ፔቴ ታኣኮ ላጌ ማዔ ዓሲ ሃኬ ጎይሂዳፓ ሙከም ታ ዒዛ ሙኡዘንዳ ካሂ ባይቄኔ» ዒዛ ኮራ ጌዔቶ፤ 7 ዓካሪ ዩይ ላጋሂ

ጋራ ዓለዎ ለሃዳራ ታሚ ዋለህ ለሃም ሃያ ዎዴ ታና ሜታሲፖ፤ *
ዬያሮ ታ ዔቁ ኔ ኮዔ ካሃ ዒንጋኒ ዳንደቡዋሴ» ጋዓንዳ? 8 ጋዓንቴ ለጉሞ ዛሎሮ ጌዒ ዔቁ፥ ዒንጋኒ ኮዒባአቶዎ ዒዛ ሺኢቁ ሜታሳሢሮ ኮይሳሢ ሲያ ዒንጋንዳ፤ ታ ዒንሢም ጋዓን።

9 «ዬያሮ ታ ዒንሢም ሂዚ ጋዓን፡- ሺኢቁዎቴ ዒንሢም ዒንገንታንዳ፤ ኮቡዎቴ ዒንሢም ዴንቃንዳ፤ ካራ ዔቁ ዔኤሉዎቴ ዒንሢም ቡለንታንዳ፤ 10 ሺኢቃሢ ጉቤ ዔካንዳ፤ ኮዒሢም ዴንቃንዳ፤ ካራ ዔቁ ዔኤለንታሢማእ ቡለንታንዳ። 11 ዒንሢም ዳፓ ዓዶ ማዔ ዓሲ ናዓ [ካሢ ሺኢቃዛ ሹቺ ዒንጋይ ያናደይ?] ሞሎ ሺኢቁም ሾኦሺ ዒንጋ? 12 ሃሢ ጳኡላ ሺኢቁም ኮርኖ ዒንጋ? 13 ዒንሢ ፑርታታዎ ዒንሢ ናአቶም ኮሺ ባአዚ ዒንገ ዔራቶ፥ ጫሪንጫ ናንጋ ዒንሢኮ ዓዳሢ ዒንሢፓ ባሺ ዒዛ ሺኢቃዘንሢም ዓያኖ ጌኡኾ ዒንጋኒ ኮዒያኬ!» ዔያቶም ጌዔ።

ዩሱሴና ቢዔልዛቡሌ ጎዖሢና
(ማቴ. 12:22-30፤ ማር. 3:20-27)

14 ፔቴ ኬሊ ዩሱሴ ዳንጋ ባይቁ ዓሲስኬያይዳፓ ፑርታ ዓያና፥ ጌሰቲሱዎያ ኬሳንቴ ፑርቶ ዓያና ኬሰካዛ ዳንጎ ባይቁሢ ጌሰቲሢ ዓርቁም ዴራ ዬያ ባኮና ዲቃቲ ሄርሼ። 15 ፔቴ ፔቴዘንሢ ጋዓንቴ፡- «ፑርቶ ዓያኖ ዒዚ ኬሳሢ ፑርቶ ዓያኖኮ ሱኡጋሢ ቢዔልዛቡሌናኬ» ጌዔ።

16 ዓቴዘንሢ ሃሢ ዩሱሴ ዎዚ ጋዓቴያ ዛጋኒ ኮዓዖ ጫሪንጫይዳፓ ዒዚ ኪሪሰቶሴ ማዒያ ዔርዛ ፔቴ ማለታ ማዓ ባአዚ ዳዎንዳጉዲ ዒዛ ያኦጩ። 17 ዩሱሴ ጋዓንቴ ዔያቶኮ ማለያ ዔራዎ፡- «ፔቴ ካአታ ዎሊፓ ፓቂንታያና ያልታያና ማዔቶ፥ ዬያ ዓጮ ካአቲ ባይቃንዳ፤ ዬያጉዲ ሃሢ ፔቴ ማኦሪ ዓሲ ዎለም ዎይዚ ዒዒ ፓቂንቲቶ ባይቃንዳ። 18 ዓካሪ ያለሄ ካአታ ዎሊፓ ፓቂንታያና ያልታያ ማዔቶ ዎዲ ደዲ ዔቃኒ ዳንደዓይ? ዒንሢ ጋዓንቴ ሲዚ ፑርቶ ዓያኖ ኬሳሢ ቢዔልዛቡሌናኬ» ታና ጋዓን። 19 ታኣኒ ፑርቶ ዓያኖ ቢዔልዛቡሌ ዎልቆና ኬሳያ ማዔቶ ዒንሢኮ ዓሳ ያኦና ፑርቶ ዓያኖ ኬሳይ? ዬያሮ ዒንሢ ዓሳ ዒንሢ ዐ-ፃ ዎጋንዳ። 20 ዓካሪ ታኣኒ ፑርቶ ዓያኖ ያኦሲ ዎልቁና ኬሳያ ማዔቶ ዬይ ያኦሲ ካአቲማ ሙኬሢ ዔርዛ።»

21 «ፔቴ ዎልቁና ዓኣ ዓሲ ያልዚ ዓንጋዎ ዓርቁ ፔ ማኦር ካፓያ ማዔቶ ዒዛኮ ማኦራ ቡሪንታዓኬ፤ 22 ጋዓንቴ ዒዛይዳፓ ባሺ

* 11:7 11:7 ጌሪኮ ሙኡጮ ማፃኣፖይዳ፡- «ካራ ቁልፒንቴ፤ ናአታአታ ዴማ ላሂ ዓኣኔ» ጌይንቴ። 11:15 11:15 ማቴ. 9:34፤ 10:25። 11:16 11:16 ማቴ. 12:38፤ 16:1፤ ማር. 8:11።

ዎልቁና ዓላ ዓሲ ሙኪ፣ ዒዛ ባሾቶ ዒ ጉሙርቃ ዓንገሞ ዒዛይዳፓ ዔኪ ዒዛኮ ዓላ ባኮ ቢያ ቡሪ ማሌ ዓሲማኣ ገሽካንዳ።»

23 «ታኣና ዎላ ማዒባኣሢ ቢያ ታና ዒፃ፤ ታኣና ዎላ ማዒ ቡኩሲባኣሢ ላኣሊ ባይዛኔ» ጌዔ።

ፑርቶ ዓያኖኮ ዓሲዳ ገንሣ ማዒ ጌሊያ
(ማቴ. 12:43-45)

24 «ፑርታ ዓያና ዓሲዳፓ ከሰከ ዎዶና ጌሊ ሃውሾ ቤሲ ኮዒሢና ዎኣሢባኣ ዓሲ ናንጉዎ ዳውሎ ቢያ ሃንቲ፣ ሃውሽ ዴዓ ቤሲ ዴንቁባኣቶ ታ ከሰከ ማእሮ ታኣኮ ታ ማዒ ዓላዶሞ ጋዒ። 25 ዬያሮ ማዒ ሙካኣና ዬና ቤዜላ ጌኤሽኪ ገኢገንቲ ዓኣንቲ ዴንቃ። 26 ዬካፓ ዴንዲ ዒዛይዳፓ ባሾ ፑርታ ማሌ ላንካይ ፑርታ ዓያና ዔኪ ሙኪ፣ ቤርታ ዒ ናንጋ ማእራ ጌሊ ናንጋንዳ። ዓካሪ ዬያ ዓሢኮ ጋፒንፃ ማና ቤርታኣሲዳፓ ባሾ ፑርታ ማዓንዳ።» ጌዔ።

ኅኔ ዎዛ

27 ዬሱሴ ዬያ ጌይ ከኤዛኣና ፔቴ ላኣሊሰከና ዴሮ ባኣካፓ ዑኡዘ ዴጊዲ፡- «ኔና ሾዒ ዳንሢሢ፣ ዒንዴላ ዎዚ ዓንጂንቲያዳይ!» ጌዔ።

28 ዬሱሴ ጋዓንቲ፡- «ዓንጂንቲዞንሢ ያኣሲኮ ቃኣሎ ዎይዚ ማዶይዳ ፔኤሻዞንሢ» ጌዔ።

ዮናሴኮ ማላቶ ማዒያ
(ማቴ. 12:38-42)

29 ሚርጌ ዓሳ ሙኪ ዒዛ ኮይላ ቡካዛ ዬሱሴ፡- «ሃያ ዎዶ ዓሳ ማላታ ዛጋኒ ኮዓ ፑርታ ዓሲከ፤ ጋዓንቲ ያኣሲ ማሊያ ከኤዛ ዮናሴይዳ ማዳንቲ ማላታፓ ዓታዛ ማሌ ማላታ ዔያቶሞ ዒንገንታዓከ። 30 ያኣሲ ማሊያ ከኤዛ ዮናሴ ኔኔዌ ካታሞ ዓሶሞ ማላታ ማዔሢጉዲ፣ ዓሲኮ ናዓሢ ሃያ ዎዶ ዓሶሞ ማላታ ማዓንዳ።

31 ዓባ ከሰኪ ጌላ ካሮኮ ደኣሎ ዛሎ ዓጫፓ ሙኪ ካኣቲላ ጋፒንፃ ዎኅ ከሎና ዔቁ ዔያቶ ዑፃ ዎጋንዳ፤ ዓይጎሮ ጌዔቶ ዒዛ ሴሎሞኔኮ ዔራቶ ዎይዛኒ ዓጮኮ ጋፒንፃዳፓ ሙከኔ፤ ጋዓንቲ ሃይሾ ሴሎሞኔይዳፓ ባሾ ሃይካ ዓኣኔ! 32 ዬያጉዲ ሃሣ ኔኔዌ ዓሳ ጋፒንፃ ዎኅ ከሎና ዔቁ ዔያቶ ዑፃ ዎጋንዳ፤ ዓይጎሮ ጌዔቶ ኔኔዌ ዓሳ ዮናሴ ከኤዜ ባኮ ዎይዜ ዎዶና ፔኤኮ ኅማ ዳቢንቲታሢ ዔሪ ቡኡፃ፤ ጋዓንቲ ሃይሾ ዮናሴይዳፓ ባሻይ ሃይካ ዓኣኔ!» ጌዔ።

ዩሱሴ ፖ ዓሎ ከኤዜሢ
(ማቴ. 5:15፤ 6:22-23)

33 ሄሊሳዎ ዩሱሴ፡- «ፖሊ ፖሊሲ ዓኣሽጎታ ቤስካ ጌሣያና ሃሣ ጉኡፖ ባኣዚና ጉኡፓ ዓሲ ባኣሴ፤ ዩያፓ ዓሳ ጋሮ ጌላኣና ጴዳንዳጉዲ ጳጊዲ ሻርናይዳ ጌሣኔ። 34 ኔኤኮ ዑዎኮ ፖሊ ዓኣፒኬ፤ ኔኤኮ ዓኣፓ ኮሺ ማዕዕቶ ዑፃ ኔኤኮ ቢያ ፖሊ ማዓንዳኔ፤ ዓኣፓ ኔኤኮ ጋዓንቴ ሃርጌያ ማዕዕቶ ዑፃ ኔኤኮ ጉቤ ዲሚያ ማዓንዳኔ። 35 ዩያሮ ኔጊዳ ዓኣ ፖላ ዲሚያ ማዕዕቶ ዲ ኔና ዔሬ። 36 ዓኣሪ ኔኤኮ ዑዎይዳ ዓይጌንዴ ዲሚያ ባኣያ፣ ፖሊ ማዕዕቶ ዎሞፔ ኔ ዑፃ ፖላዎ ሽኤራሢጉዲ ኔኤኒ ፖላያ ማዓንዳኔ» ጌዔኔ።

ፔርሴ ዓሶና ሙሴ ዔርዜ ዎጎ ዔርዛ ዓሶና ዞሪ ጎሮናሢ
(ማቴ. 23:1-36፤ ማር. 12:38-40)

37 ዩሱሴ ዩያ ከኤዚ ጋፔሰካፓ ፔቴ ፔርሴ ዓሲሰኬይ ሙኡዚ ሙዎሞ ዔኤላዛ፣ ዒዚ ዓሢ ማኣሪ ጌሊ ሙዎ ሙዓኒ ደዔኔ።
38 ዩሱሴ ሙዎ ሙዓንዳሢኮ ቤርታ ኩጮ ማሰቲባኣሢሮ ዩይ ዓሢ ዲቃቲ ሃርሼኔ። 39 ዩያሮ ዩሱሴ ዒዛሞ፡- «ዒንሢ ፔርሴ ዓሳ፣ ዒንሢኮ ዑሽኮ ዓንጎና ሙዎ ሙዎ ጋባደናኮ ዙሎ ዙሎ ኮሺ ዒንሢ ጌኤሺ ማሰካኔ፤ ዒንሢኮ ጋራ ጋዓንቴ ቡሪሢና ፑርቱሞና ኩሜያኬ። 40 ዒንሢ ሃይ ዔኤዎ ዓሳ፣ ዙሎ ማገፍ ያኦዛሢ ጋሮ ማገፍባኣዓዳ? 41 ዒንሢኮ ዑሽኮ ዓንጎና ሙዎ ጋባደናይዳ ዓኣ ባኮ ማንቆ ዓሶም ዒንጉዎቴ፤ ዩካፓ ቢያ ባካ ዒንሢሞ ጌኤሺ ማዓንዳኔ። 42 «ዒንሢ ፔርሴ ዓሳ ዒንሢና ባዴዔ! ዓይጎሮ ጌዔቶ ፔቴ ዛሎና ዲዮና ፃልቲናይዳፓ፤ ሃሣ ኮልፖና ዩያጉዴ ባኮይዳፓ ቤርቶ ዒንሢ ያኦሲም ዒንጋያታዎ ፔቴ ዛሎና ጋዓንቴ ፒዜ ዎጌና ያኦሲና ሸኪሢና ዒንሢ ሃሼኔ፤ ዩያ ዒንሢ ማዳንዳያ ኮይሳኔ። ጋዓንቴ ዩያ ዒንጎ ባኮ ዒንሢ ሃሻኒ ኮይሱሞሴ። 43 «ዒንሢ ፔርሴ ዓሳ ዒንሢና ባዴዔቴ! ዓይጎሮ ጌዔቶ ዓይሁደኮ ዓሳ ቡኪንታ ቤዛ ቦንቺንታ ያይቶይዳ ዴዓኒ ዒንሢ ኮዓኔ፤ ዩያጉዲ ቦኦኮ ቤዘይዳኣ ዓሲ ዒንሢ ቦንቺ ዔኤሊሢ ዔኤሊንዳጉዲ ዒንሢ ኮዓኔ። 44 ዓሳ ዔራሞ ጊዴና ዓኣዳ፣ ማላታባኣ ዲኡፒ † ዒንሢ ማላሢሮ ዒንሢና ባዴዔቴ» ጌዔኔ። 45 ሙሴ ዔርዜ ዎጎ ዔርዛዞንሢዳፓ ፔቴ ዩሱሴ ኮራ፡- «ዔርዛሢሮ! ሃይ ኔ ኑና ጫሽካንቴሞ!» ጌዔኔ።

† 11:44 11:44 ማላታባኣ ዲኡፒ፡- ጋዓዛ ዓይሁደ ዓሶ ዳምቦና ፔቴ ዓሲ ዔራሞ ዲኡፒ ካእሜቲ ዒኢታያ ማዕሢሮ ማላታ ማዓንዳጉዲ ዲኡፒዳ ሹቺ ዳኣቢ ቦኦሪ ባኣዚና ቲሽኮኔ።

46 ዩሱስ ማሃድ፦ «ሲንሢ ሙሴ ዔርዜ ዋጎ ዔርዛ ዓሳ! ዓሲ ዑሢ ደጃሢ ኬዲ ሲንሢ ጌሣኔ፤ ሲንሢ ጋዓንቴ ዬኖ ኬዶ ኬኤላናታዎ ካኣሙዋሴ።» 47 ዬያጉዲ ሲንሢኮ ዓደንሢ ዋደ፥ ያኦሲ ማሊዎ ኬኤዛ ዓሶኮ ዲኡጉ ሲንሢ ፓልሚሲ ኮሻሢር ሲንሢና ባዴዔ! 48 ዓካሪ ሲንሢኮ ዓደንሢ ዋደ፥ ያኦሲ ማሊዎ ኬኤዛ ዓሶ ዲኡጉ ኮሺሶና ዔያቶኮ ፑርቶ ማዶ ኮሺ ማሂ ሲንሢ ዳዋኔ። 49 ዬያ ሲንሢኮ ፑርቶ ማዶ ያኦሲ ዔሪሢር ፔ ዔሪቶና ታ ማሊዎ ኬኤዛዘንሢና ዳኪንቴዘንሢና ታ ዔያቶ ባንሢ ዳካንዳኔ፤ ፔቴ ፔቴዘንሢ ዋደንዶ፥ ዓቴዘንሢ ሃሃ ዳውሶንዶ፤ ጌዔኔ። 50 ዬያር ሳዓ ማኲንቴሢዳፓ ዓርቃዎ ላኣሊንቴ ያኦሲ ማሊዎ ኬኤዛ ዓሶ ሱጉዎ ዛሎ ሃያ ዋደ ዓሳ ያኦሲንታንዳኔ። 51 ጎኔ ታ ሲንሢኮ ኬኤዛኔ፤ ዓኣቤኤሌይዳፓ ዓርቃዎ ያኦሲም ሲንጎ ባኮ ሲንጊ ካኣሻኮ ቤዘና ጌኤኩ ማእሮና ባኣኮይዳ ዋደና ዛካሪያሴ ሱጉዎ ዛሎር ሃያ ዋደ ዓሳ ያኦሲንታንዳኔ» ጌዔኔ።

52 «ሲንሢ ዋጎ ዔርዛ ዓሳ ሲንሢና ባዴዔቴ! ጌኤኩ ማያኣጉ ዓሳ ዔሩዋጉዲ ካር ሲንሢ ዋደኔ፤ ሲንሢርዋ ሲንሢ ዔሪባኣሴ፤ ሃሃ ዔራራ ኮዓ ዓሶዋ ሲንሢ ላኣኔ።»

53 ዩሱስ ዬኖ ቤዜሎፓ ዴንዳኒ ዔቃዛ ሙሴ ዔርዜ ዋጎ ዔርዛ ዓሶና ፔርሴ ዓሶና ዒዛ ዒዳ ማኪሢና ሚርጌ ያኦሲሢ ዓርቄኔ፤ 54 ዬያ ዔያታ ማዴሢ ጌኤሲና ዒዛ ቡኡዳኒ ኮዓሢርኬ።

12

ፔርሴ ዓሶኮ ፔና ጌኤሺ ማሊሲዎ ኮይሱዋያ ማዒዎ
(ማቴ. 10:26-27)

1 ዬኖ ዋደና ኮሺ ሚርጌ ዓሲ ቡኪንቴኔ፤ ዔያቶኮ ዲቡማፓ ዔቄያና ዋሊ ዓሳ ሂዒ ሂዒ ሂርቃኔ፤ ዩሱሴ ሲዛኮ ጊንዎ ሃንታ ናኣቶ ኮራ፦ «ፔርሴ ዓሶኮ ሙኑቆ ፃኣዛፓ ካፒንቴዋቴ፤ ዬይ፦ ዔያቶኮ ፔና ጌኤሺ ማሊሲዎፓ ሃኩዋቴ ታኣኮ ጌይዎኮ። 2 ካንቂንቴ ባኣዚ ፔጋዲዎዎ፥ ዓኣሻንቴ ባኣዚ ዔርቱዎዎ ዓታዓኮ። 3 ዬያር ዲዋይዳ ሲንሢ ኬኤዜ ባካ ቢያ ፖዒዳ ዋይዚንታንዳኔ፤ ካራ ዋደንቴ ማኣሪዳ ካሸካሺ፥ ዋይካ ሲንሢ ጌሰቴ ባካ ዴጌ ቤሲዳ ፔጌና ኬኤዚንታንዳኔ» ጌዔኔ።

ዎና ሲጊጫንዳያ ኮይሳቴ ኬኤዚንቴሢ
(ማቴ. 10:28-32)

12:1 12:1 ማቴ. 16:6፤ ማር. 8:15። 12:2 12:2 ማር. 4:22፤ ሉቃ. 8:17።

4 ሃሣ ዒንሢ፡ ታ ዒጊኖንሢሞ፡- «ዓሽኮ ዎዲሢዳፓ ዓታዛ ማሌ ዓይጎ ባኣዚያ ማዲኒ ዳንዳዑዎዘንሢሢ ዒጊጨፖቴ፤ 5 ጋግንቴ ያና ዒጊጨንዳያ ዒንሢ ኮይሳቴ ታ ዒንሢሞ ኬኤዘንዳኔ፤ ዬይያ፡- ዎዲሢኮ ጊንፃ ባይቁዎ ታሞይዳ ዓጋኒ ቢታንቶ ዓኣ፡ ያኣዛሢኬ፤ ሂሩ! ዒዛ ሌሊ ዒጊጨቴዎቴ ታ ጋግኔ።

6 «ዶንጎ ሱኡታ ፔቴ ሳንቴፔሞ ሻንቺንታያቴዎይ? ዔያቶይዳፓ ፔቴታዎ ያኣሲ ቤርቶይዳ ዋለንቴዎሴ። 7 ዬያጉዲ ዒንሢኮ ቶኣኮ ጋፓና ቢያ ፓይዲንቴያኬ፤ ዬያር ዒጊጨፖቴ፡ ዒንሢ ሚርጌ ሱኡቶይዳፓ ባሼታንቴሞ!» ጌዔኔ።

ከሪሰቶሴ ዛሎ ማርካዳንዳያ ኮይሳሢ
(ማቴ. 10:32-33፤ 12:32፤ 10:11-20)

8 ዬካፓ ዬሱሴ፡- «ቦርሲንቴዎዎ ዓሲ ቤርቴዳ ታ ዛሎ ማርካዲ ኬኤዛሢሞ፡ ታኣኒ ሃሣ ያኣሲ ከኢታንቸሞ ዒዛ ዛሎ ማርካዲ ኬኤዛንዳኔ፤ ታ ዒንሢሞ ጋግኣኬ። 9 ዓሲ ቤርቴዳ ታና ዔሩዎሴ ጋግሢ ታኣኒያ ሃሣ ያኣዛሢ ከኢታንቸሞ ዒዛ ዔሩዎሴ ጋግንዳኔ።

10 «ዓሲ ናዓሢ ጨሽካይ ዓኣቶ ዳቢንታ ዒዛሞ ዓቶሞ ጌይንታንዳኔ፤ ዓያኖ ጌኤዡ ጨሽካይ ዓኣቶ ጋግንቴ ዳቢንታ ዒዛሞ ዓቶሞ ጌይንታንዳኔ።

11 «ዓሳ ዓይሁዶ ዓሶኮ ቡኪንቶ ቤዘ ቢያ ዒንሢ ዔኪ ዓኣዳኣና፡ ዎይሣ ዓሶንታ ቢታንታ ዓኣ ዓሶ ቤርታ ቢያ ዒንሢዳ ዎጊሳኒ ሺኢሻ ዎዶና ሳይጎ ኑ ማሃንዳይ? ዎዚ ጌይ ኑ ኬኤዛንዳይ?» ጌዒ ማታዲፖቴ። 12 ዓይጎሮ ጌዔቶ ዒንሢ ኬኤዛኒ ኮይሳ ባኮ ዬማና ዓያኖ ጌኤዡ ዒንሢሞ ኬኤዛንዳኔ» ጌዔኔ።

ዖርጎጮ ዓሢኮ ዔኤያቶ

13 ዴር ባኣኮይዳፓ ፔቴ ዓሲሰኬይ ዬሱሴ ኮራ፡- «ዔርዛሢሞ! ኑ ዓዳሢ ኑሞ ዳካልሴ ቤዘ ታኣና ዎላ ጊሽታንዳጉዲ ታ ጌርሲንሢሞ ኬኤዜ» ጌዔኔ።

14 ዬሱሴ ጋግንቴ ማሃዎ፡- «ዔኤዛይ፡ ዒንሢ ባኣኮይዳ ታ ዎጋያ ማዓንዳጉዲና ዓጨ ታ ዒንሢሞ ጊሽካንዳጉዲ ያ ታና ጌሢይ?» ጌዔኔ። 15 ሂሊሳዎ ሃሣ ቢያሢሞ፡- «ዓሲኮ ሸሞፓ ጴዳሢ ቆሎ ሚርጌሞፓቴዎኣሢሮ ቢያ ባኣዚ ናሽኪሢና ቢያ ባኣዚሞ ጎጋይቁሢዳፓ ዒንሢ ካፑዎቴ፤ ሃሣ ዔሩዎቴ» ጌዔኔ።

16 ዬካፓ ዬሱሴ ኮኣኪንሢና፡- «ጎዡ ዒዛኮ ሚርጌ ሃኣኮ ካፄ፡ ፔቴ ዖርጎቺ ዓሲ ዓኣኔ፤ 17 ዒዚያ ፔ ማሊዎና ሃያ ቢያ ሃኣኮ ታ

12:10 12:10 ማቴ. 12:32፤ ማር. 3:29።

ዓርሃንዳ ቤሲ ታኣኮ ባኣሢሮ ታ ዋዳንዳይ? ጌዒ ማሌኔ። 18 ዩካፓ ሃሢ ታ ዓካሪ ሂዳንዳይ፤ ቤርታ ታኣኮ ዓኣ ኮኖ ቢያ ሻሂጋፓ ማሌ ዴኤፒ ዴኤፒ ኮና ታ ማዠ፤ ዒኢካ ታኣኮ ሃኣኮና ዓኣ ባኮና ቢያ ቡኩሲ ታ ዓርሃንዳይ። 19 ዩካፓ ታኣኒ ታኣሞ፡- ሃይሸ! ዓካሪ ኔኤም ሚርጌ ለዔይዳ ጊዳ ሚርጌ ባኣዚ ኔኤኮ ዓኣኔ፤ ዩያሮ ማታ ባኣያ ማዒ፤ ሃውሺጋፓ ሙዔ፤ ዑሽኬ፤ ዋዛዳ፤ ታ ጋዓንዳይ፤ ጌዔኔ። 20 ያኣሲ ጋዓንቴ ለዔዛይ፤ ኔ ዔኤያሢ! ሃኖ ዒባኒ ኔ ሃይቃንዳይ፤ ዓካሪ ሃይ ኔ ቡኩሴ ባካ ቢያ ያኣም ማዓንዳይ? ጌዔኔ። 21 «ዩያሮ ፔኣም ሳይይዳ ቆሎ ቡኩሳ ዓሲ፤ ያኣሲ ቤርቶይዳ ጋዓንቴ ማንቆ ማዔ ዓሲ ዩያጉዲ ማዓንዳይ» ዔያቶም ጌዔኔ።

ያኣሲዳ ጉሙርቁሢ ጌሥሢ
(ማቴ. 6:25-34)

22 ዩካፓ ዩሱሴ ዒዛኮ ጊንያ ሃንታ ናኣቶም፡- «ዓካሪ ሳይሳ ኑ ሙዒ፤ ዓይሳ ዑሽካንዳይ? ሂዚ ጌይሢና ዒንሢኮ ናንሳ ዛሎ ማታዲፖቴ ታ ዒንሢም ጋዓኔ። 23 ዓይሳሮ ጌዔቶ ሙኡዚዳፓ ሸምፓ፤ ማኣይዳፓ ዑሢ ባሽኬ። 24 ሂንዳ ቁራኮ ዛጉዋቴ፡- ዔያታ ጎሽኪ ሃኣኮ ቡኩሱዋሴ፤ ሃሢ ዔያቶኮ ኮናኣ ባኣሴ፤ ማዔቶዋ ያኣሲ ዔያቶ ሙኡዛኔ፤ ዒንሢ ዓካሪ ካፖይዳፓ ባሽቱዋዓዳ? 25 ጎያንቴ ዒንሢዳፓ ማሊ ማታዲሢና ፔ ናንሳ ለይይዳ ፔቴ ኬሊ ቃሳኒ ዳንዳዓሢ ያናዳይ? 26 ዓካሪ ዩማ ዳኮ ባኮማታ? ማዳኒ ዳንዳዑዋያታ? ዓይሳሮ ማሌ ባኮሮ ዒንሢ ማታዲይ? 27 ካኖ ቡና ዋይቴ ዑጋቴ ሂንዳ ዛጉዋቴ፡- ዔያታ ማዲ ላቡዋሴ፤ ሱኩዋሴ፤ ማዔቶዋ ካኣቴ ሴሎሞኔታ? ፔ ቦንቾ ዋዶና ቢያ ዔያቶይዳፓ ፔቴማጉዲ ሚዛጳ ማኣያ ማይንቲባኣሴ። 28 ዓካሪ ያኣሲ ሃኖ ጴዲ ዚሮ ታሞይዳ ዓጊንታንዳ ካኖ ማኣቶ ዩያይዲ ፓልሚሲ ማይሳያ ማዔቶ፤ ዒንሢ ጉሙርቁፃ ፓጩ ዓሳ፤ ዒንሢ ዒዚ ዋይቴ ዩያይዳፓ ባሽና ማይሲንዳዋይ?

29 «ዩያሮ ሳይሳ ኑ ሙዒ ዑሽካንዳይ? ጌዒ ጌዒ ማሊሢና ማታዲፖቴ። 30 ዩያ ዴንቃኒ ሃያ ዓጩ ዓሳ ማታዲኔ፤ ዒንሢም ጋዓንቴ ዩይ ቢያ ኮይሳሢ ዒንሢኮ ጩሪንጩ ዓዳሢ ዔራኔ። 31 ዩያይዳፓ ባሽ ያኣሲ ካኣቱም ዛሎም ኮይሳ ባኮ ቤርታሱዋቴ፤ ዒንሢም ኮይሳ ባካ ቢያ ቃሲንታንዳይ» ጌዔኔ።

ሳዓይዳ ቆሎ ቡኩሲሢ ኮይሱዋያ ማዒያ
(ማቴ. 6:19-21)

32 ዩሱሴ ሃሣ ከኤዛዎ፡- «ዲንሢ ሚርጌቱዎ፣ ዳኮ ታ ባረጎንሢሣራቴ ዲጊጪፖቴ፤ ዳይጎር ጌዔቶ ዲንሢኮ ጫሪንጮ ዳዳሢ ዲዛ ካአቱሞይዳ ዲንሢ ጌልዛኒ ኮዔኔ። 33 ዲንሢኮ ዳአ ባኮ ቢያ ሻንቸ፣ ሚኢሾ ማንቆ ዳሶም ዲንጉዎቴ፤ ሚኢሾ ዳጎ ጪንቁዎ ቡራሾይዳ፣ ዉዛ ሄሉዎ ቤዘይዳ፣ ቁንቁናሢያ ሙዲ ፑርቲሱዎ ቤዘና ፔቲታዎ ጋፑዎ ቤዘ፣ ጫሪንጮ ማአራ ዲንሢኮ ሚኢሾ ጌሠዎቴ። 34 ዳይጎር ጌዔቶ ሚኢሻ ዲንሢኮ ዳአ ቤዛ ዲናአ ሃሣ ዲንሢኮ ዲኢካ ማዓንዳኔ» ጌዔኔ።

ማደ ማደ ደዲ ዓሲ

35 ሃሣ ዩሱሴ ከኤዛዎ፡- «ጊኢጊንቲ ቱኡቲ፣ ቢያ ዎደና ማደም ጊኢጊንቲዎቴ፤ ፖዓአ ዲንሢኮ ፖዓያ ማዎንጎ። 36 ዩያይዲ ዔያቶ ጎዳሢኮ ዔፖ ቤዘይዳፓ ማዲ ሙኪዎ ካፓ፣ ማደ ዓሶንሢ ማሉዎቴ፤ ዔያታ ፔኤኮ ጎዳሢ ሙኪ ካራ ዔቁ ዔኤላአና ዑኩና ሩኡሪ ቡላኒ ጊኢጊንቲያከ። 37 ዩንሢ ዔያቶኮ ጎዳሢ ዔሩዋንቲ ሙኪ፣ ጴጪ ዔያታ ካፓንቲ ዔያቶ ዴንቆና ማደ ማዳዘንሢ ዎዘጉዲ ጋላቲንቲያዳይ! ጎኔ ታ ዲንሢም ጋዓኔ፡- ዲዚያ ጊኢጊንቲ፣ ቱኡቲ ሙዎ ሙዎ ቤዛ ዔያቶ ዴይሣንዳኔ፤ ሙዎ ሙኡዚ፣ ዔያቶ ሾኦቸንሣንዳኔ። 38 ዔያቶኮ ጎዳሢ፡- ሳዓ ጊዲሚሾ ሃሣ ጊዲሚሾፓ ዑሣ ዳአዴም ሙኪ፣ ጴጪ ጊኢጊንቲ፣ ካፓንቲ ዴንቁ ማዳዘንሢ ጋላቲንቲያከ! 39 ኮሺ ዔሩዋቴ፤ ዉሲ ሙካ ዎደ ዓሲ ዲማሲ ዔራያ ማዔቶ ጊንዑዎዎ ካፒ፣ ዉዘና ማአሮ ቦኦኪሲንዲዎያታዎ፣ ዔሩዋ ዓቲዎና ዉዛ ማአሪ ጌላሢጉዲ፣ 40 ዓሲኮ ናዓሢ ዲንሢ ማሊባኦ ዎደና ዔሩዋንቲ ሙካንዳኔ፤ ዩያሮ ዲንሢ ጊኢጊ ካፑዎቴ» ጌዔኔ።

ማደ ማደ ኮሺ ዓሲና ፑርታ ዓሲ ዛላ (ማቲ. 24:45-51)

41 ዩማና ጴዓሮሴ፡- «ጎዳሢዮ! ሃያ ኮኦኪንሣ ኔ ከኤዛሢ ኑምሞ? ቢያ ዓሲምዳይ?» ጌይ ዩሱሴ ኮራ ያኦጩኔ።

42 ጎዳ፣። ዩሱሴ ማሃዎ፡- «ዓካሪ ፔኤኮ ማአሮ ዳሶ ዎይሣንዳጉዲና ማደ ዓሶማኦ ሙዓ ኮይሳ ዎደና ዲንጋንዳጉዲ፣ ጎዳ ደኦሪ ጌሣ ጉሙርቁንታያና ጪንጫ ማዔሢ ዎናዳይ? 43 ዲዘኮ ጎዳሢ ዳአዴ ቤዛፓ ማዔ ዎደና ዲዛም ዳይሢንቲማጉዴያ ማዲ ጴዳ ማደ ዓሢ ዎዚ ጋላቲንቲያዳይ! 44 ጎኔ ታ ዲንሢም ጋዓኔ፤ ጎዳሢ ዩያ ማደ ዓሢ ፔኤኮ ማአሮይዳ ዳአ ባኮ ቢያኮ ዑዎ ማሂ ደኦሪ ጌሣንዳኔ። 45 ጋዓንቲ ዩይ ማደ ዓሢ ታ ጎዳ ዑኩ ሙካዓከ።

12:35 12:35 ማቲ. 25:1-13። 12:36 12:36 ማር. 13:34-36። 12:39 12:39 ማቲ. 24:43-44።

ኔጋንዳኔ፣ ጌይ ማሊሢና ሙዒ ሙዒ ሃሣ ዑሽኪ ዑሽኪ፣ ማሢንቴ ማደ ማደ ዓተንቆና ላኦና ጳዲ ዓርቁቶ፣ 46 ጎዳሢ ዒዛኮ ዒርቲባኦ ዋዴይዳ ሙኪ፣ ዬያ ማደሢ ኮሺ ጳርቃንዳኔ፤ ሃሣ ዒዛ ጉሙርቁንቱዋ ዓሲ ማሂ ፓይዳንዳኔ።

47 «ዒዛኮ ጎዳሢ ማሊያ ዔራያታዎ ጎዳሢ ማሊያጉዲ ማደባኦሢ ሃሣ ዬያጉዲ ጎዳሢኮ ዓይሢያ ኩንሠቀ ማደ ዓሢ ኮሺ ጳርቁንታንዳኔ። 48 ጋዓንቴ ጎዳኮ ማሊያ ዔሪባኦ ዒዛ ጳርቁሳ ባኦዚ ማዴቶዋ ዒዛ ጳርቆንዶ ጳደ ሼለዔኬ፤ ዓይጎር ጌዔቶ ሚርጌ ዒንጊንቴ ዓሲዳፓ ሚርጌ ኮይንታኔ፤ ሚርጌ ባኦዚዳ ቢታንቶ ዒንጊንቴ ዓሲዳፓ ሚርጌ ባኦዚ ካፒንታኔ» ጌዔኔ።

ዬሱሴ ዔኪ ሙኬ ዲሙሞ
(ማቴ. 10:34-36)

49 ሄለሳዎ ዬሱሴ፡- «ሃኦዛጉዋቴ፤ ታኦኒ ሳዎይዳ ታሚ ዔኪ ሙኬኔ፤ ዬይ ታማ ዑኬና ታኦሞ ዔኤቴቴ ዋዚ ታና ናሻንዳይ! 50 ጋዓንቴ ታኦኒ ፑኡፒ ዔካንዳ ሜታ ዓኦሢር ዬይ ኩማንዳያ ሄላንዳኦና ሃውሺሢ ታኦኮ ባኦሴ። 51 ታኦኒ ሳዎሞ ኮሹሞ ዔኪ ሙኬጉዲ ዒንሢሞ ማላ? ታኦኒ ዔኪ ሙኬሢ ፓቁንቲሢ ማዓንዳኦፓዓቴሞ ኮሹሞቴዋሴ። 52 ሃሢፓ ዓርቃዎ ፔቴ ማኦሪዳ ዓኦ ዶንጎ ዓሲ ዋሊፓ ዲማደንዳኔ፤ ሃይሦንሢ ላምዎንሢዳ ጊንሣ ሃሣ ላምዎንሢ ሃይሦንሢዳ ዔቁ ዋላ ዑራደንዳኔ። 53 ዓዴ ናዎ ዑያይዳ፣ ናዓ ዓደ ዑያይዳ፣ ዒንዳናዎ ዑያይዳ፣ ናኦ ዒንዶ ዑያይዳ፣ ማዔ ናኦዚ ማቾ ዑያይዳ ናኦዚ ማቻ ሃሣ ማዎ ዑያይዳ ፑርቱሞና ዔቁ ዲማደንዳኔ» ጌዔኔ።

ዎዶ ዘሎ ዔሪሢሢ
(ማቴ. 16:2-3)

54 ላሚ ሃሣ ዬሱሴ ዴሮሞ፡- «ዓባ ጌላ ዘሎና ሻኦሬ ዒንሢ ዴንቃዎ ሃይሹ፣ ሃና ዒርዚ ዋርቃንዳኔ!» ዒንሢ ጋዓዛ፣ ዔርዚ ዋዋርቃኔ። 55 ዬያጉዲ ሃሣ ዓባ ኬሰኪ ጌላ ዘሎኮ ዶኦዎ ዘሎና ቱር ዠባርሹቶ ሃና ዓቢኬ» ዒንሢ ጋዓዛ፣ ጎኔ ዒማዲ ማዓኔ። 56 ዒንሢ ሃይ ዒንሢና ጌኤሽ ማሊሳ ዓሳ ጫሪንጮና ሳዎና ዓኦ ጎይዎ ዘጊ ማዓንዳ ባኮ ዒንሢ ዔሪ ዔሪ፤ ዓካሪ ሃሢ ሃያ ዎዶና ማደንታ ባኮ ዓይጎር ዒንሢ ዔራዋይ?» ጌዔኔ።

ሞርከና ዎላ ጊኦጊንቲሢ ዘላ
(ማቴ. 5:25-26)

12:50 12:50 ማር. 10:38። 12:53 12:53 ሚኪ. 7:6።

57 ዩዳይት ዩሱፍ:- «ዓካሪ ዲንሢ ዲንሢ ቶኦኪና ፒዜ ማዔ ባኣዚ ዔሪ ዓይጎሮ ዋጉዋይ? 58 ኔኤኮ ሞርኬ ኔና ዋጌና ዓይሢሲ ዋጎ ዋጎ ማኣሪ ዔኪ ዓኣዳ ዋደና ጎይፃ ዓኣፃ ኔ ሞርካሢና ገኢጋኒ ኮሺ ማሌ፤ ያዲ ማዔባኣያታቶ ዒዚ ኔና ዋጎ ዓሢ ኮይላ ዔኪ ዓኣዳንዳኔ፤ ዋጋሢ ሃሣ ፖኦሊሳሢም ዓኣሢ ዲንጋንዳኔ፤ ጋፒንፃ ፖኦሊሳሢ ኔና ቱኡዞ ማኣራ ቱካንዳኔ። 59 ኔ ዳቤ ባኮ ዛሎ ቢያ ጋፒሲ ጨጉዋፃ ቱኡዞ ማኣራፓ ኬሰካኒ ኔ ዳንዳዑዋኣሢ ታ ኔኤም ኬኤዛኔ» ጌዔኔ።

13

ጎሜ ቡኡዲሢ ኮይሳያ ማዔሢ

1 ዒማና ዓሳ ዩሱፍ ባንሢ ሙኪ:- «ጌሊላ ዓጮ ዓሳ ያኦሲም ሹኪ ዒንገ ካኣሽኮ ባኮ ሺኢሻ ዋደና ጲላፃሴ ዔያቶ ዋዕም፡ ሱጉፃኣ ዔያቶኮ ዔያታ ያኦሲም ዒንገ ካኣሽካ ባኮና ዋላ ሲኢሪንቴኔ» ጌይ ዒዛም ኬኤዜኔ። 2 ዩሱፍ ዔያቶም ማሃፃ:- «ዓካሪ ዩንሢ ጌሊሎ ዓሶንሢ፡ ዩይ ሃይሶ ባይሲንታ ሄሌሢ ማሌ ዓቱ ጌሊላ ዓሶይዳፓ ቢያ ባሺ ጎሜ ዓሲ ዔያታ ማዔሢሮ ዲንሢም ማላ? 3 ያዲቱዋሴ! ዲንሢኮ ጎማ ዳቢንቲ ማዔሢ ዔሪ ጎሞ ቡኡዲባኣቱ ዲንሢያ ዔያቶጉዲ ባይቃንዳኔ ታ ዲንሢም ጋዓኣኬ። 4 ሴሌሆሜ ጎፃ ቤዘይዳ ሹጮና ኬልቂ ማኸና ዲራ ደዔም፡ ሃይቂ ታጸ ሳሎ ዓሶ ዛሎ ዲንሢ ዋዚ ጋዓይ? ዔያታ ዩሩሳላሜይዳ ናንጋ ዓሶይዳፓ ቢያ ዑሣ ዓኣዳ ጎሜ ዓሲ ዲንሢ ኮራ ማላ? 5 ያዲቱዋሴ! ዲንሢኮ ጎማ ዳቢንቲ ማዔሢ ዔሪ ጎሞ ቡኡዲባኣቱ ዲንሢያ ዔያቶጉዲ ባይቃንዳኔ ታ ዲንሢም ጋዓኣኬ» ጌዔኔ።

ዓኣቸዋ ቤሌሴ ጌይንታ ሚጻሎ ኮኣኪንሃ

6 ዩዳይት ዩሱፍ ሃያ ኮኣኪንሃ ዔያቶም ኬኤዜኔ:- «ፔቱ ዓሲ ፔኤኮ ቱኮ ሚፃ ባኣኮይዳ ቱኬ ቤሌሴ ሚሢሰኬና ዓኣኔ፤ ዩኖ ሚጻሎይዳ ዓኣፒ ናንዳኔ ጌዒ ዳንዲ፡ ፔቱታፃ ዳንቂባኣሴ። 7 ዩያሮ ዒዛኮ ዩኖ ቤዜሎይዳ ማዳ ዓሢም ሃኣዛጌ፡ ሃኖ ቤሌሶ ሚጻሎይዳፓ ዓኣፒ ታ ዳንቃኒ ጌዒ ሃይሃ ለዔ ኩሙሢ ታ ሃንቴኔ፤ ጋዓንቴ ፔቱታፃ ዓኣፒ ዒዘይዳፓ ታ ዳንቂባኣሴ፤ ዩያሮ ሃሢ ዒዛ ቲቂ፤ ዓይጎሮ ዒዛ ማሌ ቱኪንቴ ባኮኮ ጉሪ ቤዘ ዓርቂ ሳፃ ፑርቲሳይ?» ጌዔኔ። 8 ዩኖ ቤዜሎ ጎሽካሢ ጋዓንቴ ሳዳሢያ! ሢንዳ ሃኖ ሌፃ ሃሺ፤ ዓጮ ታ ዒዛኮ ቦኣኪ ቡኡራ ዋሢ ዛጋንዳኔ፤ 9 ሙካ ሌፃ ዒዛ ዓኣፔቱ ኮሺኬ፤ ሃንጎታቱ ጋዓንቴ ዒዛ ቲቂንታንዳኔ » ጌይ ዒዛም ማሢኔ።

ዩሱፍ ፔቱ ዋሶ ላኣሊሰኬኖ ዓይሁደኮ ሃውሻ ኬሎና ፓሢሢ

10 ዩሱስ ዓይሁድ ዓሳኮ ሃውሾ ከሎና ዔያታ ቡካ ቤዘይዳ ዔርዛንቴ፥ 11 ዒኢካ ታጾ ሳሊ ሌዔ ጉቤ ፑርታ ዓያና ዋቢሴ ላኣሊሰከና ዓኣኔ፤ ዒዞኮ ገኢራ ዋቤሢሮ ጃግ ጋዓኒ ዒዛ ፔቴታ? ዳንዳዑዋያኩ። 12 ዩሱስ ዒዞ ዳንቃ? ዔኤሊ፡- «ዔና፥ ኔኤኒ ኔኤኮ ደርዓሰካፓ ፖዔኔ» ዒዞም ገዔ፥ 13 ፔ ኩጮና ዒዞ ዒ ፒፃዛ ቤዘማና ጃግ ገይ ዔቁ፥ ያኦሲ ጋላቴኔ።

14 ዩሱስ ዒዞ ዓይሁድኮ ሃውሾ ከሎና ፓሢሢሮ ዓይሁድ ዓሳኮ ቡኪንቶ ቤዘ ሱኡጋሢ ጃጋዳጾ ዳር ኮራ፡- «ቃለሾ ከሎ ጋራ ማዶ ማዶንታንዳ ላሆ ከሊ ዓኣኔ፤ ዩንሢ ከሎንሢዳ ሌሊ ሙኪ ሙኪ ፖዑዋቴ፤ ሃውሾ ከሎና ጋዓንቴ ማዑዋያኩ» ገዔ ከኤዜኔ።

15 ዩማና ጎዳ ዩሱስ ዒዞም፡- «ዒንሢ ሃይ ፔና ገኤሺ ማሊሳ ዓሳ! ዒንሢ ፔቴ ፔቴሢ ሃውሾ ከሎና ዒንሢኮ ገማይ ሃሃ ሃሪ ቱኬ ቤዛፓ ቡሊ ዋኣሢ ዑሻኒ ዔኪ ዓኣዲዋዓዳ? 16 ሃሢ ሃና ዒብራሃማ ፃጳፓ ማዔ፥ ላኣሌላ ታጾ ሳሊ ሌዔ ጉቤ ፃላሄ ቱኬም ሜታዲ ናንገኔ፤ ዓካሪ ዒዞ ቱኡቲ ሜታዲ ደርዓሢዳፓ ሃውሾ ከሎና ቡሊንታኒ ዒዞም ኮይሱዋዓዳ?» ገዔኔ። 17 ያዲ ገዒ ዩሱስ ዒዞ ማካ ዓሳ ቢያ ቦርሲሴኔ፤ ዳራ ጋዓንቴ ዩሱስ ማዶ ዲቃሢ ባኮና ቢያ ዋዛዴኔ።

ሴናፒጩ ገይንታ ዳኮ ዜርፄሎ ኮኣኪንሃ
(ማቲ. 13:31-32፤ ማር. 4:30-32)

18 ዩሱስ፡- «ያኦሲ ካኣቱማ ዓይጎ ኮኣኪንሢና ከኤዚንታንዳይ? ሃሢ ገንሢ ዓይጎና ታ ቤኤዛንዳይ? 19 ፔቴ ዓሲ ፔኤኮ ቱኮና ባኮ ባኣካ ዜርቁ ሴናፒጩ ገይንታ ሚፄሎ ዜርፆ ማላኔ፤ ዒዞ ዑጊ ዴኤፒ ሚሢ ማዓኔ፤ ካፓኣ ዒዞኮ ካኣፖይዳ ማኣሪ ማኣኔ» ገዔኔ።

ሙኑቆ ፃኣዞ ኮኣኪንሃ
(ማቲ. 13:33)

20 ዩሱስ ሃሢ ላሚ፡- «ያኦሲ ካኣቱም ዓይጎና ዋላ ታ ቤኤዛንዳይ? 21 ያኦሲ ካኣቱማ ፔቴ ላኣሊ ሙኑቆ ካፂሳንዳጉዲ ዲቦ ዲኢሎ ዲርካኣና ዋሃ ሙኑቃ ፃኣዞ ማላኔ» ገዔኔ።

ኩንዔ ካራ ዛላ
(ማቲ. 7:13-14፤21-23)

22 ዩካፓ ዩሱስ ዩሩሳላማ ባንሢ ዳንዳጾ ካታዋና ካታዋኮ ዙሎናይዳ ቢያ ዔርዚ ዔርዚ ዓኣዴኔ። 23 ዩማና ፔቴ ዓሲ፡- «ጎዳሢ! ዳቃንዳዞንሢ ዳካ ዓሲዳ?» ገይ ያኦጫዛ፥

13:14 13:14 ከሲ. ማፃ 20:9-10፤ ላሚ. ዋማ 5:13-14።

ዩሱሴ ዔያቶም ማሃም:- 24 «ኩንዎ ካሬሎና ጌላኒ ኮሺ ደዲዎቲ፤ ዩኖ ካሬሎና ጌላኒ ኮዳ ዓሳ ሚርጌኬ፤ ጋዓንቴ ጌላኒ ዔያታ ዳንዳዑዎሴ፤ ታ ዒንሢም ጋዓኣኬ። 25 ማኣሮ ዓዴ ዔቂ ካሬሎ ዎዳንዳኔ፤ ዒንሢ ዙላ ዔቂ ዔኤሊንቲ ሳዳሢዮ! ሃዳራ ካሮ ኑም ቡሌ!። ጋዓዛ፤ ዒዚያ ለዓንካፓ ዒንሢ ሙኬቶዎ ታ ዒንሢ ዔሩዎሴ። ጌይ ዒንሢም ማሃንዳኔ። 26 ዩኖ ዎደና ዒንሢ ሕኤና ዎላ ኑ ሙዒ ዑሽከኔ፤ ኑ ጉርዶይዳ ኔ ዔርዘንቲም!። ጋዓንዳኔ። 27 ዒዚ ላሚ ሃሣ ለዓንካፓ ዒንሢ ሙኬቶዎ ታ ዒንሢ ዔሩዎሴ! ዒንሢ ሃይ ፑርቶ ዓሳ ታ ኮራፓ ሺኢኩዎቲ!። ዒንሢ ጋዓንዳኔ። 28 ዒንሢ ዓብራሃሜንታ ዩሳክቄንታ ያይቆኑቤንታ ሃሣ ያኦሲ ማሊያ ኬኤዛዘንሢ ሲያ ያኦሲ ካኣቲዎይዳ ዛጋንዳኔ፤ ዒንሢ ጋዓንቴ ዙላ ኬኤሪንቲ ዓቲ ዎደና ዩኤፒና ዓቺ ዳይሢና ዒንሢም ማዓንዳኔ። 29 ሚርጌ ዓሳ ዓባ ኬሰካ ካሮና ጌላ ካሮናይዳፓ ሃሣ ሳዎኮ ደኦሎና ኬደናይዳፓ ሙኪ ያኦሲ ካኣቲዎይዳ ሙዎ ሙዎ ቤዛ ዴዓንዳኔ። 30 ዩኖሮ ሚርጌ ላቤያ ሃሣ ጊንፃዴያ ማላ ዓሳ ቤርታ ማዓንዳኔ፤ ጎኦቢ ቤርታዳያ ማላ ዓሳ ጊንሢም ማዓንዳኔ» ጌዔኔ።

ዩሱሴ ዩሩሳሌሜ ዘሪ ጎሪሢ
(ማቲ. 23:37-39)

31 ዒማና ፔቲ ፔቲ ፔርሴ ዓሳ ዩሱሴ ኮራ ሙካዎ:- «ሄሮዲሴ ኔና ዎዳኒ ኮዓሢሮ ሃይፓ ሜሌ ቤሲ ዴንዴ» ዒዛም ጌዔኔ።

32 ዩሱሴ ጋዓንቴ ዔያቶም:- «ዒንሢ ዴንዲጋፓ ዩያ ዉኡካሢም * ሃናና ዚሮና ፑርቶ ዓያኖ ታ ኬሲ፤ ሃርጊንቴ ዓሶዎ ፓሣንዳኔ፤ ሃይሣሳ ኬሎና ማዶ ታኣኮታ ጋፒሳንዳኔ ጋዓኔ ጎዑዎቲ። 33 ዓካሪ ሃኖ ማዔቶዎ ዚሮ፤ ሃሣ ሂንቶታቲያ ዩሩሳሌሜ ታ ዓኣዲያሮ ዔቃንዳኔ፤ ዓይጎሮ ጌዔቶ ያኦሲ ማሊሢ ኬኤዛሢ ዩሩሳሌሜይዳፓ ዓታዛ ሜሌ ቤሰካ ሃይቃንዳያ ኮይሱዎሴ። 34 ዩሩሳሌሜ! ዩሩሳሌሜ! ኔኤኒ ያኦሲ ማሊያ ኬኤዛዘንሢ ዎዳኔ፤ ኔ ባንሢ ዳከንታ ከኢቶ ዓሶዎ ሹቻ ኔ ዴዓኔ፤ ኮይዳ ፔኤኮ ጋኣዛ ዴማ ናኣቶ ቡኩሳሢ ጉዲ ታኣኒያ ሚርጌና ናኣቶ ኔኤኮ ቡኩሳኒ ኮዔኔ፤ ዒንሢ ጋዓንቴ ዒፃኔ። 35 ዩኖሮ ማኣራ ዒንሢኮ ባዔ ማዒ ዓታንዳኔ፤ ዒንሢያ ያኦሲ ሱንያና

13:27 13:27 ዓይኑ. 6:8። **13:28** 13:28 ማቲ. 22:13፤ 25:30። **13:29** 13:29 ማቲ. 8:11-12። **13:30** 13:30 ማቲ. 19:30፤ 20:16፤ ማር. 10:31።
* **13:32** 13:32 ዉኡካሢም:- ዩሱሴ ሄሮዲሴ ዉኡኮ ጌዔሢ ዒዛ ጫጫሽከንቲዎንቴ ዩኖ ዎደና ፔቲ ዓሲ ዉኡኮ ጌይሢ ዩይ ዓሢ ጨንጫ ሃሣ ማልቲ ዓሲ ማዒያ ዔርዘያ ማዓሢሮኬ።

ሙካሢ ዓንጂንቴያኑ» ጋዓንዳ ከሎ ሄለንዳኣና ፔቴታዎ ታና ዒንሢ ዴንቃዓኑ» ጌዔኔ።

14

ዩሱሴ ሃሣ ፔቴ ሃርጌ ዓሲ ሃውሾ ከሎና ፓሣሢ

1 ዩሱሴ ዓይሁዶ ዓሶኮ ሃውሾ ከሎና ፔርሴ ዓሶኮ ሱኡጎይዳፓ ፔቴሰኪያ ማእሪ ሙኡዚ ሙዓኒ ጌላዛ፣ ፔርሴ ዓሳ ዒዚ ማዳ ባኮ ዛጋኒ ኮሺ ዒዛ ሙራኔ። 2 ሃርጌንቴ፣ ዑፃ ጉቤ ኪፃ ፔቴ ዓሲ ዒማና ዩሱሴኮ ቤርታ ዓኣኔ። 3 ዩሱሴ ሙሴ ዔርዜ ዋጎ ዔርዛ ዓሶና ፔርሴ ዓሶና ኮራ፡- «ዓይሁዶ ዓሶኮ ሃውሾ ከሎና ዓሲ ፓሥሢ ዋጋ ዓይሣሞ ዓይሡዋይ?» ጌይ ያኦጩኔ።

4 ዔያታ ጋዓንቴ ዚቲዮ ጌዔኔ፤ ዩሱሴ ዒማና ሃርጌንቴ ዓሢ ፓሣ ዳከኔ። 5 ዩካፓ ሃሣ ዩሱሴ፡- «ዒንሢዳፓ ሃውሾ ከሎና ናዓ ሃሣ ጌማይ ዔቴይዳ ሎኦም ቤዘማና ከሱዋኣሢ ያናዳይ?» ጌዒ ዔያቶ ያኦጩኔ።

6 ዔያታ ጋዓንቴ ማሂ ከኤዛኒ ዳንዳዒባኣሴ።

ኮሹዋና ዓሲ ሾኦቹንሢና ዛላ

7 ዩሱሴ ሙዎም ዔኤሊንቴ ዓሳ ቦንቹንቴ ቤዛ ዴዓኒ ኮዓሢ ዛጋዎ ሂዚ ጋዓ ኮኣኪንሢ ዔያቶም ከኤዜኔ፡- 8 «ፔቴ ዓሲ ዔፔ ቤሲ ሙኡዚም ኔና ዔኤሎቴ፣ ቦንቹ ቤዛ ሩኡሪ ዴዒፓ፤ ጎዎንቴ ኔ ጌዳፓ ባሼ ቦንቹንቴ ዓሲ ዔኤሊንቴያናንዳኔ፤ 9 ዒንሢ ላምዓሢ ዔኤሎ ዓሢ ኔ ኮይላ ሙኪጋፓ ሃኖ ቤዜሎ ሃያ ዓሢም ሃሼ» ኔና ጌዔቴ፣ ዒማና ዴኤፐ ቦርሲንቴና ሂርኬ ቤዛ ከዲ ኔ ዴዓንዳኔ። 10 ጋዓንቴ ሙኡዚ ቤሲ ኔ ዔኤሊንታኣና ዴንዲ ሂርኬ ቤሲዳ ዴዔ፤ ዩካፓ ኔና ዔኤሎ ዓሢ ኔ ኮራ ሙኪ ታ ዒጊናሢዮ! ሃይካ ዴጌ ቤዛ ከሰኪ ዴዔ» ኔና ጋዓዛ፣ ማሌ ኔኤና ዔኤሊንቴዘንሢ ቤርታ ቢያ ቦንቹ ኔኤም ማዓንዳኔ። 11 ዓይጎር ጌዔቶ ፔ ቶኦኮ ዴጊዳሢ ቢያ ሂርኪ ጋዓንዳኔ፤ ፔ ቶኦኮ ሂርኪዳሢ ጋዓንቴ ዴግ ጋዓንዳኔ» ጌዔኔ።

12 ዩሱሴ ሃሣ ሙዎ ሙኡዚን ዔኤሎ ዓሢም፡- «ካሣ ኔ ሙኡዚን ሮኦሪያ ማዎም ዋንታ ዔኤላ ዋዶና ሲያታ ሙዔሢ ዛሎ ማሂ ታና ዔኤሎ ሙኡዚንዳኔ» ጌዒ ማሊሢና ኔኤኮ ላጎ፣ ኔኤኮ ጌርሲንሢ፣ ኔኤኮ ዒጊኖና ሃሣ ያርጎጮ ማዔ ኔኤኮ ዓሺኖ ዔኤሎ። 13 ጋዓንቴ ኔ ካሣ ሙኡዚን ዔኤላ ዋዶና ዔኤሎባኣ ዓሶ፣ ኩቹና ቶኪና ዲጶ ዓሶ፣ ዋሶ ዓሶ፤ ሃሣ ዓኣፓ ባይቄ ዓሶ ዔኤሎ። 14 ያዲ ኔ ማዴቶ ዔያታ

13:35 13:35 ዓይኑ. 118:26፤ ዔር. 22:5። 14:5 14:5 ማቴ. 12:11። 14:11 14:11 ማቴ. 23:12፤ ሉቃ. 18:14።

ኔ ማዳሚ ዛሎ ኔኤም ጨጋኒ ዳንዳዑቀአሢር ኔ ዓንጂንታንዳኔ፤ ጋፒንፃ ጌኤዮ ዓሳ ሃይባፓ ዔቃ ዋዶና ፆኦሲ ኔኤም ጨጋንዳኔ» ጌዔኔ።

ዴኤፖ ሙዖ ገአጊሾና ኮኦኪንሦ
(ማቴ. 22:1-10)

15 ሙዖ ሙዓኒ ዴዔ ዓሶይዳፓ ፔቴሰኬይ ዩሱሴ ኬኤዜሢ ዋይዛዖ፡- «ፆኦሲ ካአቱሞይዳ ሙኡዚር ዴዒሢ ዋዚፒዳ ዓንጂንቱሢዳይ!» ጌዔኔ።

16 ዩሱሴ ጋዓንቴ ማሃዖ፡- «ፔቴ ዓሲ ዴኤፐ ሙኡዚ ገአጊሾ ሚርጌ ዓሲ ዔኤሌኔ፤ 17 ሙዖ ሙዖንዶ ኬላ ሄላዛ ለሃይሾ ዓካሪ ቢያ ባካ ገአጊንቱሢር ታኦኮ ሙዖ ሙዓኒ ሙኡቀቴ!» ጌዒ ዔኤላንዳፒዳ ሙዖ ገአጊሾሢሢ ዒዛኮ ዓይሢንቱ ማዳሢ ዔኤላንቱ ዓሶ ኮራ ዳኬኔ። 18 ጋዓንቴ ፔቴ ፔቴ ዔኤላንቱ ዓሳ ሙዖይዳፓ ዓቶንዶ ጎይሢ ኮዒሢ ዓርቃዖ፡ ፔቴሢ ለቤሲ ታ ሻንቄሢር ዴንዲ ታ ዛጋንዳኔ፤ ዩያር ታ ሙካኒ ዳንዳዒባኦሴ፤ ታና ቆፂፖ። ጌዔኔ። 19 ባጋሢ ሃሢ ለደንጎ ዋኦፃ ጌማይ ታ ሻንቄሢር ዔያቶ ታ ዓኦሢ ዛጋንዳኔ፤ ታና ሄሊሲንዳዋሴ፤ ቆፂፖ። ጌዔኔ። 20 ዓቴሢ ሃሢ ለኦላሊ ታ ዔኪ ዑኡቱሞይዳ ዓኦሢር ሙካኒ ታ ዳንዳዑቀሴ» ጌዔኔ።

21 «ዔኤሊዖ ዳኮና ማዳሢ ማኦሪ ሙካዖ ዩያ ቢያ ባኮ ጎዳሢም ኬኤዜኔ፤ ዩያር ማኦር ዓዳሢ ዳጋዳዖ፡ ዓይሢንቱ ማዳሢም ለቤና ካታሞኮ ዳልጎ ጎይዖና ገይና ቲቄ ዓኦዳ ጎይዖና ዴንዲጋፓ ማንቆ ዓሶ፡ ኩቲና ቶኪና ዴጄ ዓሶ፡ ዓኦፓ ባይቄ ዓሶና ሃሢ ዋሶ ዓሶዋ ዔኤሊ ሃኒ ዔኪ ሙኡኔ» ጌዔኔ። 22 ዓይሢንቱ ማዳሢም ሙካዖ ጎዳሢ ኮራ ታ ጎዳሢዮ! ኔኤኒ ታና ዓይሢ ባኮ ቢያ ታ ማዳንቱ፡ ሃጊ ቤዛ ኩሚባኦሴ» ጌዔኔ። 23 ዩያር ማኦር ዓይ ማዳሢም ለማኦር ታኦኮ ኩማንዳፒዳ ካታሞኮ ዙሎ ዔኪ ዓኦዳ ዳልጎ ጎይዖና ቲቄ ዓኦዳ ጎይዖና ዴንዲ ዓቴያ ሜሌ ዓሲያ ሃሢ ሙካንዳፒዳ ዔኤሌ፤ 24 ዩንሢ ቤርታ ዔኤሊንቱዘንሢፓ ፔቴ ዓሲታዖ ታኦኮ ሙዖ ሙዓዓኬ» ጌዔኔ፤ ታ ዒንሢም ጋዓኔ።»

ዩሱሴ ገንሢ ሃንቲሢ ዔኪሳ ሜቶ
(ማቴ. 10:37-38)

25 ሚርጌ ዓሲ ዩሱሴና ዋላ ዓኦዳንቱ ዒዚ ዔያቶ ባንሢ ሸሪጋፓ፡- 26 «ታ ባንሢ ሙካሢ ቢያ ፔኤኮ ዓዶና ዒንዶና ማቶና ናኦቶና ጌርሲንሢና ጌርንሢና ሃሢ ፔ ሸምፓሢያ ታ ገዳፓ ባሽ ናሽካያ ማዔቶ፡ ታ ዓሲ ማዓኒ ዳንዳዑቀሴ። 27 ሃሢ

14:26 14:26 ማቴ. 10:37።

ሃይቢ ሄላንዳና ጊኢጌያ ማዕባካሢ ታኦኮ ጊንያ ሃንታ ናይ ማዕኒ ዳንዳዑቀሴ።

28 «ዒንሢዳፓ ፔቴ ዓሲ ሹቸና ማዦ ማኦ ማዦ ማዦ ኮዔቶ ማደ ማደ ጋፒሳኒ ዋኣዲ ማኢሼ ኮይሳያታቶዋ ቤርታዲ ዴዒ ማላኔ። 29 ጋዓንቴ ሹጮና ማዦ ማኦ ማዦ ማዦ ዓርቃያ ጋፒሳኒ ዳንዳዒባኣያታቴ ዓይያይዳ ዓቴ ማኦሬሎ ዛጋ ዓሳ ቢያ ዒዛ ቦሃንዳኔ፤ 30 ሃኣዛጉዋቴ፤ ሃይ ዓሢ፤ ማኦሬ ማዦ ኒ ዓርቁያ ጋፒሳኒ ዳንዳዒባኣሴ» ጌዒ ጌዒ ሃሃ ዒዛ ፓሳንዳኔ።

31 «ሃሃ ጊንሃ ታጰ ሺያ ፖኦሊሴ ዓኣ፣ ፔቴ ዓጪኮ ካኣቴ ማሌ ላማታሚ ሺያ ፖኦሊሴ ዔኪ ያላኒ ሙካ ካኣቴና ዋላ ያልታኒ ኮዔቶ ቤርታዲ ፔኤኮ ሞርኮ ባሻኒ ዳንዳዒያ ማዔቶ ዔራኒ ዴዒ ዘርታኔ።

32 ዳንዳዒባኣያ ማዔቶ ጋዓንቴ ዒዛ ያላኒ ሙካ ካኣታሢ ሃጊ ሃኬ ዓኣንቴ፣ ዬይ ካኣታሢ ጨማቶ ዓሲ ዳካኔ። 33 ዬያጉዲ ዒንሢዳፓ ፔኤኮ ዓኣ ባኮ ቢያ ሃሽባኣ፣ ዓይጎ ዓሲታቶዋ ታ ዓሲ ማዕኒ ዳንዳዒንዲቀሴ» ጌዔኔ።

ማኣዲዋ ሶኦጌ
(ማቴ. 5:13፤ ማር. 9:50)

34 ዬካፓ ሃሃ ዬሱሴ፦ «ሶኦጌ ኮሺኬ፤ ሶኦጌ ሶኦጌ ማዕባኣያታቶ ዓይጎና ጊንሃ ሶኦጌ ማሂንታንዳይ? 35 ዬናጉዴ ሶኦጌላ ጎሽኪንታ ዓጮም ማዔቶዋ ሃሃ ጎሺ ማሊሳኒያ ላኣሊንቱዋ ቡኡራጉዲ ማዔሢሢ ጉሪ ኬኬኤሪንታንዳኔ፤ ዓካሪ ዋይዛ ዋይዛ ዓኣሢ ዋይዛንጎ!» ጌዔኔ።

15

ባይቁ ማራይ ኮኦኪንሢ
(ማቴ. 18:12-14)

1 ኮርሞ ዓሳይዳፓ ማኢሽ ቡኩሳ ዓሳና ጎሞ ዓሳና ቢያ ዬሱሴ ዔርዛ ዔርዚያ ዋይዛኒ ቡኪንቲ ዒዛ ኮራ ሙኬኔ። 2 ፔርሴ ዓሳና ሙሴ ዔርዜ ዋጎ ዔርዛ ዓሳና ጋዓንቴ ዬያ ዛጋያ፦ «ሃይ ሃይሾ ጎሞ ዓሳ ናሽኪ ዔኪ፣ ዔያቶና ዋላ ሙዓኔ» ጌዒ ጌዒ ዬሱሴ ደንኪሢ ዓርቁኔ። 3 ዬያሮ ዬሱሴ ሃያ ኮኦኪንሢ ዔያቶም ሂዚ ጌዒ ኬኤዚሢ ዓርቁኔ።

4 «ዒንሢዳፓ ዪኤታ ማራይ ዓኣ ዓሲ ፔቴ ማራይ ባይቁቶ ዋይታንዳያ ዒንሢሞ ማላይ? ታዘጲታሚ ታዘጰ ማራቶ ካያ ሃሺ።

14:27 14:27 ማቴ. 10:38፤ 16:24፤ ማር. 8:34፤ ሉቃ. 9:23። 15:2 15:2 ሉቃ. 5:29-30።

ይያ ባይቁ ማራዓሢ ዳንቃኒ ኮዓኒ ዳንዳዓዳ? 5 ዩካፓ ዒዚ ዳንቃያ ኮሺ ዋዛዲ፣ ጌኤታ ኩዲ ማሂ ዔኪ ሙከ። 6 ማአሪ ሄሌሰካፓ ፔኤኮ ላጎና ዓሺኖና ፔቴይዳ ዔኤሊ፡- ታኣኮ ባይቁ ማራዓሢ ታ ዳንቁሢ፣ ታ ዋዛዲ፤ ታኣና ዋዛዲዋቴ! ዔያቶም ጋዓንዳ። 7 ጎሜ ቡኡዲ ማዓኒ ኮይሱዋ፣ ታዘጲ ታሚ ታዘጰ ጌኤኮ ዓሶይዳፓ ባሺ ጎሞ ቡኡዲ ጌኤሽካ ፔቴ ጎሜ ዓሲ ዛላና ያኦሲ ካኣቱሞይዳ ዋዛ ማዓኔ ታ ዒንሢ፣ ጌዔ።

ባይቁ ሚኢሽ ኮኣኪንሦ

8 ሄሊሳዮ ዩሱሴ፡- «ታጰ ቢራ ዓኣ ላኣሊኮ ፔቴ ቢራ ባይቁቶ ዒዛ ዋዳንዳያ ዒንሢ፣ ማላይ? ፖዒ ፖዒሲ ጋሮዋ ፒዒ ዳንቃንዳያ ሄላንዳኣና ዓኣሺንቴ ቤዘ ቢያ ኮዓዓዳ? 9 ዩካፓ ዒዛ ዳንቃያ ዒዘኮ ላጎና ዓሺኖና ፔቴይዳ ዔኤሊ ታኣኮ ባይቁ ቢሬሎ ዳንቁ ታ ዋዛዲሢ፣ ታኣና ዋላ ዋዛዲዋቴ! ዔያቶም ዒዛ ጋዓንዳ። 10 ጎሜ ቡኡዲ ጌኤሽካ ፔቴ ጎሜ ዓሲ ዛላና ጫሪንጮይዳ ኪኢታንቻ ዩያጉዲ ዋዛዲ፤ ታ ዒንሢ፣ ጌዔ።»

ባይቁ ጰዴ ናዓሢ ኮኣኪንሦ

11 ሃሃ ዩሱሴ፡- «ፔቴ ዓሲኮ ላምዮ ናይ ዓኣ፤ 12 ጌኤዛሢ ዓዳሢ ኮራ ሳዳ! ኔኤኮ ዓኣ ባካፓ ፓቁ፣ ታና ሄላዘንሢ ሃሢ ታኣም ዒንጌ ጌዔሢ፣ ዓዳሢ ዓኣ ባኮ ላምዮ ናኣቶም ጊሽኬ። 13 ዳካ ከሊኮ ጊንፃፓ ጌኤዛሢ ፔኤኮ ፓቁ ዔኬ ባኮ ሻንቺያ ሻንቺ ሃሃ ላኣሚያ ላኣሚ ዔካዮ ሃኬ ዓጪ ዳንዴ፤ ዒኢካ ዒ ዓኣዴ ቤዛ ፔኤኮ ሚኢሽ ቢያ ጉሪ ላኣሊ ባይዘ። 14 ሚኢሽ ዒ ፔኤኮ ቢያ ጋፒሰሰካፓ ዩኖ ዓጪሎይዳ ሚርጌ ናይዚ ኬሰኬሢ ሚቶይዳ ዒ ኬዴ። 15 ዩያ ሚታሢዳፓ ዔቁያና ዩኖ ዓጪይዳ ዓኣ ፔቴ ዓሲሰኬያ ኮይላ ናንጋኒ ጌላዛ፣ ዩይ ዓሢ ፔኤኮ ቆሎ ጉዲንፃ ሂንቁሴ። 16 ናያ ደዳሢ፣ ናዓሢ ጉዲንፃ ሙዓ ሃኣኮ ዲሊሶ ሙዒ ሚሽካኒ ዓፃዴቶም ዩያ ዒዛም ዒንጋ ዓሲ ባይቁ፤ 17 ዒማና ናዓሢ ፔኤኮ ዳቢንቶ ዔሪጋፓ ታ ዓደ ማኣርይዳ ማዶ ማዳኒ ጌላ ዓሳ ካሃ ሙዒ ሚሽኬም ዓዓታንቴ፣ ታኣኒ ሃይካ ናዮና ሃይቃ፤ 18 ዓካሪ ታ ዔቁ ታ ዓደ ኮይላ ዓኣዲጋፓ፡- ሳዳ! ያኦሲና ኔኤናና ቤርታ ታ ዳቤ፤ 19 ሃካፓ ሴካ ኔ ናይ ታ ጌይንታኒ ታኣም ኮይሱዋሴ፤ ጋዓንቴ ኔኤኒ ማዲሻ፣ ዓይሎይዳፓ ፔቴሢ ታና ማሄ ታ ጋዓንዳ፤ ጌዒ ማሌ። 20 ዩያ ጋዓዮ ዔቁ ዓደ ባንሢ ዓኣዴ።

«ዩካፓ ዓዴ ሃጌ ሃኬ ዓኣንቴ ናዓሢ ዳንቃያ፣ ሚጪንቴ ዒዛ ባንሢ ጰሽኪ ኮንቁ ዒዛ ሄርቁ። 21 ናዓሢ፡- ሳዳ! ያኦሲና ኔኤናና ቤርታ ታ ዳቤ፤ ሃይፓ ሴካ ኔኤኮ ናይ ጌይንታኒ ታና

ኮይሱዋሉ» ጌዔ። 22 ዓዴ ጋዓንቴ ማዳ ዓሶ ዔኤላዎ፡- «ዑካዲ ቃራ ማኣዎ ዔኪ ሙኪ ማይሱዋቴ፤ ከኤሎይዳ ዠኢሮ፣ ቶኮይዳኣ ዲርሲ ዓኣሠዋቴ፤ 23 ሃሃ ቃራ ማሊ ቡዋ ዔኪ ሙኪ ሹኩዋቴ፣ ሙዒ ኑ ዋዛደም፤ 24 ዓይጎር ጌዔቶ ሃይ ናዓሢ ታኣኮ ሃይቄኔ ታ ጌዔንቴ፣ ሃይሾ ሃሢ ሸምፖና ዓኣዎ ማዔ፤ ባይቄያታዎ ጴዴኔ» ጋዓዎ፣ ዋዛዲሢ ሳርቄ።»

25 «ዩማና ቶይዳሢ ማደር ቦኦሎ ዓኣዴዎ ማዒ ሙኪ ማኣርኮ ዑኪ ዋደና ኮሢ ኮርጎንቴ ዋይዜ፤ 26 ዩካፓ ዒዚ ዓይሎይዳፓ ፔቴሰኬያ ዔኤላዎ «ሃይ ዓይጎዳይ?» ጌዒ ያኦጩ። 27 ዓይላሢ ማሃዎ «ኔ ጌኤዚ ማዒ ሙኪ፤ ኔ ዓዴ ዒ ኮሺ ዓኣንቴ ዒዛ ዳንቄሢ ማሌ ቡዋሢ ዒዛም ሹኪኔ» ጌዔ።

28 «ዩያር ቶይዳሢ ሚርጌና ዳጋዳዎ፡- «ማኣሪ ታ ጌላዒ» ጋዓዛ፣ ዓዴ ካር ከሰኪ ጌላንዳጉዲ ዒዛ ሸኢቄ። 29 ናዓሢ ጋዓንቴ ዓደም «ሃኣዛጌ፣ ሃያጉዴ ለዔ ታ ኔኤም ማዳ፤ ኔ ዓይሢ ባኣዚያ ዒዳ ታ ቤቁባኣሴ፤ ዓካሪ ታኣኒ ታ ላጎንሢና ዋላ ዋዛዳንዳጉዲ ፔቴ ዋናይታዎ ታኣም ኔ ዒጎጌ ቤቁባኣሴ። 30 ሃይ ኔኤኮ ናዓሢ ጋዓንቴ ኔጌዳፓ ፓቂ ዔኪ ባኮ ዘኣዘ ላኣሎና ዋላ ኩርሲ ማዔ ዋደና ማሌ ቡዋሢ ኔ ዒዛም ሹኪኔ» ጌዒ ማሃ። 31 ዓዳሢ ማሃዎ፡- ታናዓሢዮ! ኔኤኒ ቢያ ከሊ ታኣና ዋላኪ፤ ታኣሲ ጉቤ ኔኤርኪ። 32 ሃይ ኔ ጌኤዚ ሃይቄኔ ታ ጌዔንቴ፣ ሃሢ ሸምፖና ዓኣዎ ማዔ፤ ባይቄያታዎ ሃሢ ጴዴ፤ ዩያር ሚርጌ ኑ ዋዛዳንዳዎ ኑና ኮይሴ። » ጌዔ።

16

ዔሪ ሙኡዛ ዓሲ

1 ሃሃ ዩሱሴ ፔኤኮ ጊንዖ ሃንታዘንሢም፡- «ፔቴ ዖርጎቺ ዓሲሰኪያኮ ማኣርይዳ ዒናና ማሊ ዔሪ ሙኡዚ ዋይሢ ፔቴ ዓሲ ዓኣ፤ ዓሳ ሃይ ኔኤኮ ዓሶ ዋይሢ ዓሢ ኔኤኮ ዓኣ ባኮ ላኣሊ ባይዛኔ» ጌዒ ዖርጎጫሢም ከኤዜ። 2 ዩካፓ ዖርጎጫሢ ዩያ ፔኤኮ ማዳ ዓሢ ዔኤሊሳዎ ሃይ ታ ኔኤኮ ዋይዛ ባካ ዓይጌንዳይ? ዓካሪ ሃይፓ ሴካ ታኣኮ ኔ ማኣር ዓሶ ሙኡዛ ዓሲ ማዒኒ ዳንዳዑዋሴ፤ ኔ ዋንዴ ዩኖ ማዳ ማዳኣና ዓኣ ሚኢሾና ዓኣ ባኮና ቢያ ታኣም ሸኢሾ» ጌዔ። 3 ዩይ ማዳ ዓሢ ፔ ዒኖና «ማይ ሃይፓ ሴካ፣ ታ ጎዳሢ ታኣኮ ዋንዴ ዓሶ ሙኡዚያ ማዳይዳፓ ታና ከሳኒኪ፤ ዓካሪ ታ ዋዴቶ ኮሽካንዳይ? ጎሽካኒ ታ ዳንዳዑዋሴ፣ ሸኢቃኒያ ታና ቦርሳ፤ 4 ጫክ፣ ታ ማዳንዳ ባኣዚ ዔራ፤ ታ ዒዛኮ ማኣራ ዓሶ ሙኡዚያ ማዳፓ ከሰኪ ዋደና

ዲዛኮ ማኣሮይዳ ታና ናሽካ፣ ታኣኮ ላጌ ማዔ ዓሲ ጴዳንዳጉዲ ታ ማዳንዳኔ፤ ሂዚ ጌዒ ማሌኔ።

5 «ዩካፓ ዒዛ ጎዳኮ ጋሌና ዓኣ ዓሶ ቢያ ፔቲ ፔቲ ዔኤላዎ፣ ቤርታኣሲ ኮራ ታ ጎዳሢም ኔ ጨጋንዳ ጋሌ ዓኣፒኒ ኔ ዑፃ ዓኣይ? ጌይ ዒዛ ያኣጩኔ፤ 6 ዒዚ ማሃዎ «ጸኤታ ያቲ ኩሙሢ፣ ዛይቲ ታ ጨጋንዳያ ዓኣኔ» ጋዓዛ፣ ሙኡዛሢያ «ሃሶ ፃኣፒ ዓርቆ ባኮ፣ ዑኩና ዴዒጋፓ ደንገታሚ ያቲ ዛይቲ ጌዒ ፃኣፔ ጌዔኔ። 7 ለምዓሳሢያ ዔኤላዎ «ኔ ዑፃ ዓኣፒኒ ጋሌ ዓኣይ?» ጋዓዛ፣ ዒዚ ማሃዎ «ጸኤታ ሃሪ ጫኣና ማዓ ዛርጌ ጋሌ ዓኣኔ» ጌዔኔ፤ ሙኡዛሢያ «ሃኣዛጌ ፃኣፒ ዓርቆ ባኮ፣ ሳሊታሚ ሃሪ ጫኣና ጌዒ ፃኣፔ ጌዔኔ። 8 ዩይ ያርጎጮ ዓሢ ጉሙርቁንቲ ባኣ፣ ፔ ማኣራ ሙኡዛ ዓሢ ጨንጨሞና ዒ ማዳ ማዳ ሄርሼኔ፤ ዩይ ያኣሲ ዓሶይዳፓ ባሼ፣ ሃያ ዓጮ ዓሳ ሳይይዳ ዔያታ ናንጋ ናንጎኮ ጨንጨ ማዔሢ ዔርዛኔ» ጌዔኔ።

ሚኢሽና ኮይሳ ባኣዚ ማዳንዳያ ኮይሳሢ

9 ሃሃ ሄሊሳዎ ዩሱሴ፡- «ዩያሮ ሃያ ዓጮ ሚኢሽና ዒንሢኮ ላጌ ዓርቁዋቲ፣ ታ ዒንሢም ጋዓኔ፤ ዩያ ዒንሢ ማዳያታቶ ዒንሢኮ ሚኢሽ ጋፔም ኩቺ ጉሪ ዒንሢ ማዔ ዎደና ዒንሢኮ ላጎንሢ፣ ናንገና ናንጎ ማኣሮይዳ ሸኦቺንሢ ዒንሢ ዔካንዳኔ።

10 ዳካ ባኣዚና ጉሙርቁንታ ዓሲ ዴኤፒ ባኣዚና ጉሙርቁንታያ ማዓንዳኔ፤ ዳካ ባኣዚና ጉሙርቁንቲዎ ዓሲ ጋዓንቲ ዴኤፒ ባኣዚናኣ ጉሙርቁንታዓኩ። 11 ዩያሮ ሃያ ዓጮ ቆሎ ዎይሢያና ዒንሢ ጉሙርቁንቲዎያ ማዔቶ ጎኔ ቆሎ ያኣኒ ዒንሢ ጉሙርቁ ዒንጋንዳይ?

12 ሃሃ ማሌ ዓሲ ባኣዚና ጉሙርቁንቲዎያ ዒንሢ ማዔቶ፣ ዒንሢም ማዓ ባኣዚ ያኣኒ ዒንሢም ዒንጋንዳይ?

13 «ፔቲ ዓሲ ፔቲና ለምዎ ዎይሢ ዓሲም ዎርቃኒ ዳንዳዑዎሴ፤ ያዲ ማዔያታቶ ፔቲሢ ዒዳ ባጋሢ ናሽካንዳኔ፤ ሃሃ ፔቲሢ ቦንቺ ባጋሢ ቦሃንዳኔ፤ ዩያጉዲ ሚኢሽም ዎርቃ ዓሲ ያኣሲም ማዳያ ማዓኒ ፔቲታዎ ዳንዳዑዎሴ» ጌዔኔ።

14 ፔርሴ ዓሳ ሚኢሽ ናሽካያ ማዔሢሮ ዩሱሴ ዩያ ጌዔ ባኮ ቢያ ዎይዚ ዒዛኮ ጌኤዞ ቦሃኔ። 15 «ዒዚ ጋዓንቲ ዒንሢ ዒንሢ ቶኦኮ ዓሲ ቤርቲዳ ጌኤሽ ማሊሳኔ፤ ያኣሲ ጋዓንቲ ዒንሢኮ ዒና ዔራኔ፤ ዓይጎሮ ጌዔቶ ዓሲ ቤርቲዳ ቦንቺንታያ ማሊ ጴዳሢ ቢያ፣ ያኣሲ ቤርቲዳ ቦሃንቲያኩ» ጌዔኔ።

ሙሴ ዔርዜ ዎጎና ዔፒና ዛላ
(ማቲ. 11:12-13፤ 5:31-32፤ ማር. 10:11-12)

16 ዩሱስ ቃሲ ከኤዛየ፡- «ሙሴ ዔርዜ ዋጎና ያኦሲ ማሊያ ከኤዛ ዓሶኮ ማፃኣፓ ሙኪ ማሰካ ዮሃንሴ ዋዶ ሄለንዳኣና ከኤዚ ከኤዚ ዳዔኔ፤ ሃሢ ዩካፓ ሃንጋ ከኤዛሢ ያኦሲ ካኣቱሞ ኮፍ ሃይሶከ፤ ፔቲ ፔቲ ዓሳ ዬኖ ካኣቱሜሎይዳ ጌላኒ ኮሺ ሜታዳኔ።

17 ማዔቶዋ ዋጎይዳፓ ፔቲ ባኣዚ ባይቃሰካፓ ጫሪንጮና ሳያና ዓኣዳኒ ሸሌዔ ማዓገዳኔ።

18 «ማቾ ፔኤኮ ዓንጂ ሜሌ ላኣሊ ዔካሢ ሲያ ዘኣሰካ ኮኣማያ ማዓኔ፤ ዬያጉዲ ሃሃ ፔ ዓኒፓ ዓንጂንጉቲ ላኣሌሎ ዔካሢያ ፔና ዒኢሳኔ» ጌዔኔ።

ዖርጎጮ ዓሢና ማንቆ ዓላዓዜሬና

19 ሃሃ ዩሱሴ፡- «ዲንኪ ዘቁ ማኣያና ሃሃ ሻኣዣ፡ ሚዛጲ ዓፒላ ማይንታ ፔቲ ዖርጎቹ ዓሲ ዓኣኔ፤ ዒዚ ሲያ ከሌና ሚርጌ ዋዛና፡ ሜታ ባኣያ ናንጋኔ። 20 ዒማና ዒዛ ካራ ዑፃ ሲያ ከሢ ሌሊ ማዔ ዓላዓዜሬ ጌይንታ ፔቲ ማንቆ ዓሲ ላሂ ናንጋኔ፤ 21 ዬይ ማንቆ ዓሢ ዖርጎጮሢ ሙዖይዳፓ ዲኢናሢ ሙይ ሚሸካኒ ኮዓኔ፤ ዬያ ዖርጎጮሢኮ ካናታኣ ሙኪ ሙኪ ማንቃሢኮ ኪያ ላዓኔ።

22 «ዩካፓ ዬይ ማንቆ ዓሢ ሃይቁም፡ ያኦሲ ኪኢታንቻ ሎ ዓብራሃሜ ኮራ ዒዛ ዔከ ዓኣዳኔ፤ ዬያጉዲ ሃሃ ዖርጎጮ ዓሢያ ሃይቁ ዱኡቲኔ። 23 ዬኖና ጋፒንፃ ጴዳዋ ዔቶ ሜታሢ ሴዘይዳ ዒ ሜታዲሴቃ ጳጊ ጌራ ዓብራሃሜና ኮይሎይዳ ዓኣ ዓላዓዜሬያ ሃኬና ዴንቁኔ። 24 ዩካፓ ዒዚ ዑኡዞ ጳጊዲ ታ ዓዳሢዮ ዓብራሃሜ! ሃዳራ ታኣም ማሌቲራ፤ ሃይካ ታኣኒ ታሚዳ ሚርጌና ሜታዳሢር ፔኤኮ ከኤሎ ሴርቶ ዋኣሢዳ ዳኪ ታኣኮ ዒንዲርዘ ሸሚሳንዳጉዲ ዓላዓዜሬ ታኣም ዳከ» ጌዔኔ።

25 «ዓብራሃሜ ጋዓንጉ ታ ናዓሢዮ! ኔኤኒ ኔኤኮ ሳዖ ናንጎ ዋዶይዳ ሚርጌ ኮሺ ባኣዚ ዴንቁ ዋዛዳሢ ማሊ ጳቂሁዋይ? ዓላዓዜሬ ጋዓንጉ ዬኖ ዋዶና ሜቶይዳ ዓኣኔ፤ ዬያር ሃሢ ዒዚ ሃይካ ዋዛዳኔ፤ ኔኤኒ ጋዓንጉ ሜታዳኔ። 26 ዬይያ ዓኣንጉ ኦኡና ዒንሢና ባኣኮይዳ ፑኡፒ ማጊ ዓኣኔ፤ ዬያር ኦ ኮይላፓ ዒንሢ ባንሢ፤ ዒንሢ ኮይላፓ ኦ ባንሢ ፒንቃኒ ዴንዳዒንቱዋሴ» ጌዔኔ። 27 ዩካፓ ዖርጎጮ ዓሢ ታ ዓዳሢዮ! ያዲ ማዔቶ ሃዳራ ዓላዓዜሬ ለካ ታ ዓዶ ማኣሬ ዳከ፤ 28 ዒኢካ ሉ ታኣኮ ደንጎ ጌርሲንሢ ዓኣሢር ዔያታ ሃሃ ሃያ ፑርቶ ሜታሢ ሴዘ ሙኩዋጉዲ ዒዚ ዔያቶም ላቲ ከኤዘንጎ ጌዔኔ።

16:16 16:16 ማቲ. 11:12-13። 16:17 16:17 ማቲ. 5:18። 16:18 16:18 ማቲ. 5:32፤ 1ቆሮ. 7:10-11።

29 «ዓብራሃም ጋዓንቴ ለሙሴና ያኦሲ ማሊያ ከኤዛ ዓሶናኮ ማፃኣፓ ዔያቶ ኮራ ዓኣኔ፤ ዩያቶይዳፓ ዔያታ ዋይዘንጎ» ጋዓዛ።
 30 ዖርጎጮ ዓሢ ታ ዓዳሢዮ። ዓብራሃም! ዩይ ጊዳያቱዋሴ፤ ጋዓንቴ ፔቲ ዓሲ ሃይቢዳፓ ዔቂ ዴንዲ ዔያቶም ከኤዜቶ። ደቢንቶ ፔኤኮ ዔሪ ጎማፓ ማዓንዳኔ» ጌዔኔ።
 31 ዓብራሃም ማሃዖ ለሙሴሲና ያኦሲ ማሊያ ከኤዛ ዓሶ ማፃኣፓ ዔያቶም ጋዓሢ ዔያታ ዋይዘባኣያታቶ። ፔቲ ዓሲ ሃይቢዳፓ ዔቂ ዔያቶም ከኤዜቶዋ ዒዛሲ ጉሙርቂ ጎናሲ ዔያታ ዔካዓኔ» ጌዔኔ።

17

ዓሲ ደቢሳ ባኣዚና ጎሜ ቡኡዲሢና ሃሃ ጉሙርቂሢ ዛላ (ማቴ. 18:6-7፤21-22፤ ማር. 9:42)

1 ዩሱሴ ፔኤኮ ጊንዖ ሃንታ ናኣቶም፡- «ዓሲ ደቢሲ ጎሜይዳ ጌልዛ ባኣዚ ሙኩዋዖ ፔቲታዖ ዓታዓኔ፤ ጋዓንቴ ጎሜ ማዒ ደቢሳ ባኣዚ ዔኪ ሙካ ዓሢም ባዴዔ! 2 ዖናታቲያ ሃንሢ ደኮ ናኣቶንሢዳፓ ፔቲ ደቢሲ ጎሜ ማዲሳያይዳፓ ዋንሢ ሹቺ ባቃና ቱኪ ዋኣዖ ባዘይዳ ጌሌቲ ኮሺኔ። 3 ዩያሮ ዒንሢ ዒንሢና ዔራዋቲ።
 «ኔ ዒሻሢ ኔኤም ፑርቲሲ ደቤቶ ዘሪ ጎሬ፤ ዒዚ ፔ ደቢንቶ ዔሪ ታ ደቤኔ» ጌዔቶ ዓቶም ጌዔ፤ 4 ሃናኣ ዓቢዳ ሌሊ ላንካይ ማይንቲ ኔኤም ፑርቲሲ። ደቢ፤ ሃሃ ላንካይ ማይንቲ ሙኪ ሙኪ ታ ደቢንቶ ታ ዔሬኔ» ጌዔቶ ዓቶንጎ ዒዛም ጌዔ» ጌዔኔ።

5 ዳኪንቴዘንሢያ ዩሱሴ ኮራ፡- «ሃዳራ ኑም ጉሙርቂሢ ቃሴ» ጌዔኔ።
 6 ጎዳ ዩሱሴ ማሃዖ፡- «ሴናፒጮ ጎዖ ባኤሎኮ ዓኣፓ ደኮማ ጉዴያ ማዓ። ጉሙርቂሢ ዒንሢኮ ዓኣቶ ሃያ ሻኣሶ ሃይካፓ ቱጊንቲ ባዛ ከዴ» ዒንሢ ጌዔቶ ዒንሢም ዓይሢንታንዳኔ» ጌዔኔ።

ማዳ ዓሲ ማዳኒ ኮይሳ ባኣዚ

7 ዩካፓ ሃሃ ዩሱሴ፡- «ዒንሢኮ ፔቲ ጎሺ ጎሽካይ ሃሃ ጊንሣ ማሪይ ሄንቃ ዓሲ ዓኣቶ ዩይ ማዳ ዓሢ ማዳፓ ማዔ ዋደና ቤዘና ሃኒ ሙኪ ካዋ ሙዔ» ዒዛም ጋዓ? 8 ዩያፓ ለካሪ ታኣም ካዋ ጊኢጊሼ። ታ ሙዒ ዑሽካንዳኣና ታና ሙኡዘያ ማዔ፤ ዩካፓ ኔኤኒ ሙዓንዳኔ» ጋዓያቱዋዓዳ? 9 ያዲ ማዔቶዋ ዩይ ማዳሢ ዩያ ዓሢ ባኮ ኩንሣሢሮ ዒዛኮ ጎዳሢ ዒዛ ጋለታያ ዒንሢም ማላ? 10 ዒንሢያ ዩያጉዲ ዒንሢ ዓይሢና ባኮ ቢያ ኩንሣሢኮ ጊንዖ ሉኤኒ ፓሡዋ ማዳ ዓሶንሢኔ፤ ኑ ኩንሣሢያ ኑኤኒ ማዳንዳጉዲ ኑም ኮይሳ ባኮንሢ ሌሊኔ» ጎዑዋቲ» ጌዔኔ።

17:3 17:3 ማቴ. 18:15።

ዩሱሴ ዑያይዳ ኬስካ ደርዳሚና ዓኣ ታጰ ዓሰንሢ ፓሢሢ

11 ዩሱሴ ዩሩሳላሚ ባንሢ ዳንዳዖ ሳማሪያና ጌሊላ ዓጮናኮ ሳዘና ዓኣጳይ፤ 12 ፔቴ ጉርዳሰኬኖ ዒ ጌላዛ ዑፃ ኬስካ ደርዳሚና ዓዲንቴ ታጰ ዓሰ ዒዛ ኮይላ ሙኪ ሃኬ ዔቃዖ፡ 13 ዑኡዞ ፔኤሲ ደገዲ፡- «ዩሱሴ! ዔርዛሢዮ! ሃዳራ ኑሞ ማሌቴራ» ጌራ ጌዒ ዒላቴ።

14 ዩሱሴ ዔያቶ ዛጋዖ፡- «ዳንዳዎቴ! ዒንሢኮ ዑያዎ ቁኤሶም ዳውዎቴ» ዔያቶም ጋዓዛ፣ ዔያታ ዓኣዳ ጎይሢ ዓኣንቴ ዔያቶኮ ዑፃ ኬስካ ደርዳሚ ባይቁም ዔያታ ጌኤሽኬ። 15 ዔያቶይዳፓ ፔቴሢ ዩያ ደርዳሚዳፓ ጌኤሽኬሢ ዛጌ ዎደና ደገ ጌዔ ዑኡሲና ያኣሲ ጋላቴ ጋላቴ ገንሢ ማዔ። 16 ዩይ ዓሢ ዩሱሴያ ጋላቴ ጋላቴ ዒዛኮ ቶኮ ዴማ ባሊቴና ሎኦሜ፤ ዒዚ ዩይ ዓሢ ሳማራ ዓጪ ዓሲኬ። 17 ዩሱሴ፡- «ዑፃ ኬስኬ ደርዳሚዳፓ ዳቁ፣ ጌኤሽኬ ዓሳ ታጰቱዎዳዳ? ሂዳዖ ታዘጸንሢ ዓንኮ ጌሌይ? 18 ያኣዛሢ ጋላታኒ ማዒ ሙኬሢ ሃያ ማሌ ዜርፃሢዳፓ ዓታዛ ማሌ ባኣዳዳ?» ጌዔ። 19 ዩካፓ ዩሱሴ ዩያ ዓሢ ኮራ፡- «ዔቁ፣ ዳንዳ፤ ኔ ጉሙርቁፃ ኔና ዳቁሼ።» ጌዔ።

ያኣሲ ካኣቱሞኮ ሙኪፃ

(ማቴ. 24:23-28፤37-41)

20 ፔርሴ ዓሳ ዩሱሴ ኮራ፡- «ያኣሲ ካኣቱማ ዓይዴ ሙካንዳይ?» ጌራ ያኣጫዛ፣ ዒዚ ዔያቶም፡- «ያኣሲ ካኣቱማ ሙካንዳሢ ዓሳ ዛገ ካፓ ጎይያናቱዋሴ፤ 21 ዩያጉዲ ሃሢ ሃይሾ ሃካኬ ሃሢ ሴኬያኬ» ጌይንታያቱዋሴ፤ ዓይጎር ጌዔቶ ያኣሲ ካኣቱማ ሃሢ ዒንሢኮ ባኣካ ማዔሢርኬ» ጌዒ ማሄ።

22 ሄሊሳዖ ዩሱሴ ፔኤኮ ገንፆ ሃንታ ናኣቶም፡- «ዓሲ ናዓሢኮ ኬሎይዳፓ ፔቴማታዖ ሕና ዓይጌ ዛገሳንዳይ?» ዒንሢ ጋዓንዳ ኬሊ ሙካንዳኔ፤ ጋዓንቴ ዒንሢ ዛጋዓኬ። 23 ዓሳ ሃይሾ ኪሪሰቶሴ ሃካኬ! ሃሢ ሴኬያኬ!» ዒንሢም ጋዓንዳኣኬ፤ ጋዓንቴ ዔያታ ዒንሢም ጋዓ ባኮ ጉሙርቁ ዔያቶ ገንፆ ዓኣዲፖቴ። 24 ዜኤሊንሢ ጫሪንቸዳ ዜኤሊንሢዎ፣ ካራፓ ካር ሄላንዳኣና ፖዓሢጉዲ ዓሲ ናዓሢ ሙካ ኬሎናኣ ያዲ ማዓንዳኔ፤ 25 ጋዓንቴ ዓሲ ናዓሢ ቤርታዲ ሚርጌ ሜቶ ዔካንዳሢና ሃኖ ዎደ ዓሰና ቦሃንታንዳሢ ዓቱዋያኬ። 26 ኖሄ ዎደና ማዔሢጉዲ፣ ዓሲ ናዓሢ ሙኮ ዎደናኣ ያዲ ማዓንዳኔ። 27 ኖሄ ዋኣፆ ካኣሚሎይዳ ጌላንዳያ ሄላንዳኣና ዓሳ ሙዒያ ሙዒ ዑሽኪያ ዑሽኪ ዔፒያ ዔካንቴ፣ ዩኖ ዎደና

17:14 17:14 ለዊ. ዓክ 14:1-32። 17:26 17:26 ማክ. ማፃ 6:5-8።

ባይሲንቶ ዋኔ፣ ሙኪ ቢያህ ዔኤዲ ባይዘኔ። 28 ይያጉዲ ሎኦፄ ወደና ማዕህጉዲያ ማዕንዳኔ፤ ዬኖ ወደና ዓሳ ሙዒ ዑሽካንቲ፣ ሻንቲያ ሻንቲ ሃሃ ሻንቂያ ሻንቃንቲ፣ ሙያ ሚህያ ቱኪ ቱኪ ማኣሪያ ማኣንቲኬ። 29 ጋዓንቲ ሎኦፄ ሶዶሚያዲ፣ ኬሰኬ ኬሎና ታሚና ታሚኮ ዲኢሊና ጨሪንጮይዲ፣ ዋርቂ ቢያህ ሙዒ ባይዘኔ።

30 ዓሲኮ ናዓህ ሙካ ወደናኣ ያዲ ማዕንዳኔ።»

31 «ዬኖ ኬሎና ማኣር ቶኦኮይዲ ዓኣ ዓህ፣ ማኣርይዲ ዓኣ ማሆ ዔካኒ ኬደ፣ ጎዠይዲ ዓኣ ዓህ ሃንጋ ማኣር ባንህ ማዖ፣።

32 ሎኦፄ ማኞ ጳቂህ ማሉዋቲ! 33 ፔ ሸምፓህ ዲቂሻኒ ኮዓህ ቢያ ባይዘንዳኔ፤ ሸምፓህ ፔኤኮ ዓኣህ ዒንጋህ ቢያ ዲቂሻንዳኔ።

34 ዬኖ ዋንቲሎ ላምዖ ዓሲ ፔቲ ሻኣላይዲ ላሃንዳኔ፤ ዔያቶይዲ፣ ፔቲማ ዔኪንታዛ፣ ባጋህ ዓታንዳኔ፤ ታ ዒንህም ጋዓኣኬ። 35 ላምዖ ላኣሊ ሃሃ ፔቲ ቤሲዲ ዋላ ዋንህ ወደንዳኔ፤ ፔቲዛ ዔውታንዳኔ፣ ባጌላ ዓታንዳኔ። 36 ላምዖ ዓሲ ፔቲ ጎሺዲ ዋላ ማደንዳኔ፤ ፔቲህ ዔውታንዳኔ፣ ባጋህ ዓታንዳኔ» ጌዔ። *

37 ዒዘኮ ጊንፖ ሃንታ ናኣታ ዬሱሴ ኮራ፡- «ጎደሂኖ! ዔያታ ዓንኮ ዔኪ ዓኣዲንታይ?» ጌይ ዒዘ ዖኣጩኔ።

ዒዚ ማሃ፡- «ሃይቂ ባኣዚ ዓኣ ቤሰካ ሃምፑራ ቡካኔ» ጌዔ።

18

ቤልፃዲዋ፣ ሺኢቂ ፔ ሱኡጋህ ሜታሴ ላኣሊሰኮኖ

1 ዩካ፣ ቤልፃዲዋ፣ ቢያ ኬሊ ሺኢቃንዳያ ኮይሳህ ዔርዘኒ ዬሱሴ ኮኣኪንህ ሂዚ ጌዒ ዔያቶም ኬኤዘኔ፡- 2 «ፔቲ ካታማይዲ ዖኣሲ ዒጊጩዋያ ሃሃ ታና ዓሲ ዋዚ ጋዓንዳይ» ጎዑ ፔቲ ዋጌ ዋጋሰኬይ ዓኣኔ። 3 ዒማና ፔቲ ዓኒ ሃይቂ ላኣሊሰኮና ዬኖ ካታሚሎይዲ ናንጋኔ፤ ዒዛ ዬያ ዋጎ ዋጋህ ኮይሎይዲ ሙኪ ሙኪ ታኣና ዋላ ሞኦቶ ሞኦቲንታ ዓሲ ዓኣህረ ታኣም ዋጌ» ዒዛ ኮራ ጋዓኔ። 4 ዒዚ ዒዘም ዋጉዋ፣ ሚርጌ ኬሊ ዴዔሰካ፣ ጋዓንቲ፡- ዋዚ ታ ዖኣሲ ዒጊጩዋቲያ ሃሃ «ዓሲ ታና ዋዚ ጋዓንዳይ ጎዑዋቲያ፣ 5 ሃና ባኒ ሃይቂ ላኣሊላ ታና ሜታሳህረ ሌሊ ታ ዒዘም ዋጋንዳኔ፤ ሃንጎ ቢያ ወዴ ዒዘኮ ሙኪ፣ ታኣኮ ጎጳ ዖይዳኔ» ጌዒ ማላኔ።

17:27 17:27 ማኸ. ማፃ 7:6-24። 17:29 17:29 ማኸ. ማፃ 18:20—19:25።
17:31 17:31 ማቲ. 24:17-18፤ ማር. 13:15-16። 17:32 17:32 ማኸ. ማፃ 19:26። 17:33 17:33 ማቲ. 10:39፤ 16:25፤ ማር. 8:35፤ ሉቃ. 9:24፤ ዮሃ. 12:25። * 17:36 17:36 ፔቲ ፔቲ ሚናኣ ማፃኣ፣ ፓይ 36 ጌዲ ቃሳኔ፤ ዬና ቃኣላ ማቲ. 24:40 ጌዲ ዓኣዘ ማላኔ።

6 ሄሊሳየ ጎዳ ዩሱሴ፦ «ሚጠነቱዋ፣ ፑርቶ ዋጋህ ጌዔ ባኮ ሂንዳ ማሉዋቱ፤ 7 ያኑሲ ዓካሪ ርኑሪና ዋንቴና ዒላቲ ዒላቲ ሺኢቃ ፔ ዴሮም ዋጋዓዳ? ቻዓ፣ ጌይ ዔያቶም ዒንጎንደ ባኮ ቃዚ ኔጊሳንዳ? 8 ኔጉዋየ ሩኡሪና ዔያቶም ዋጋንዳኔ፤ ታ ዒንሢም ጋዓኔ። ጋዓንቴ ዓሲኮ ናዓሢ ሙካ ዋደና ሳያይዳ ጉሙርቂሢ ዴንቃንዳ ናንዳዮ?» ጌዔኔ።

ፔርሴ ዓሲስኬያና ሚኢሾ ቡኩሳ ዓሲስኬያና ዛላ

9 ዩካፓ ሃሣ ዩሱሴ ኑኡኒ ጌኤሺኬ ጌዒ ጌዒ ሄርሺንቲ፣ ሃንጎ ዓሶ ቦሃ ዓሶም ሃያ ኮኣኪንሣ ኬኤዜኔ። 10 «ላምዖ ዓሲ ሺኢቃኒ ጌኤዦ ማኣሪ ዴንዴኔ፤ ዔያቶይዳፓ ፔቲሢ ፔርሴ ዓሲ ማዓዛ፣ ባጋሢ ኮርሞ ዓሶፓ ሚኢሾ ቡኩሳ ዓሲኬ።

11 «ፔርሴ ዓሢ ሺኢቆሮ ዔቂጋፓ ዒኖና ቶኦሲዮ! ታኣኒ ሃንጎ ዓሶጉዲ ቡሩዋያ፣ ፑርታ ዓይሢንቱዋያ ሃሣ ማቾ ማዒባኣ ላኣሊና ላሃያ ማዒባኣሢሮ ታኔና ጋላታኔ፤ ሃሣ ባሺ ሃያ ሚኢሾ ቡኩሳሢጉዲ ታ ማዒባኣሢሮዋ ኔና ጋላታኔ። 12 ታኣኒ ቃልሾ ኬሎ ጋርይዳ ላምዖ ኬሊ ሙኡዚ ሃሺ ሺኢቆ ሺኢዲያ ሺኢቃኔ፤ ታ ዴንቃ ባኮይዳፓ ቢያ ታጳሢዳፓ ፔቲማ ኬሲ ኬሲ ኔኤም ዒንጋኔ። ጌዒ ሺኢቁኔ።

13 «ዩይ ሚኢሾ ቡኩሳሢ ጋዓንቴ ሃኬ ዔቃዖ፣ ጴግ ጌዒ ሌካ ጫሪንጮ ዛጋኒታዖ ጫርቂባኣሴ፤ ጋዓንቴ ኩጮና ፔኤኮ ዳዶ ባዒ ባዒ ታ ያኦዛሢዮ! ታና ጎሞሲ ማኣሬ!» ጌዔኔ። 14 ጌኤሹዋ ዴንቁ ማኣሪ ማዔሢ ዩያ፣ ዓሶፓ ሚኢሾ ቡኩሳሢ ማዓንዳኣፓዓቲም ፔርሴ ዓሢቱዋሴ። ፔ ቶኦኮ ጴጊዳሢ ቢያ ሄርኪ ጋዓንዳኔ፤ ፔ ቶኦኮ ሄርኪዳሢ ጋዓንቴ ጴግ ጋዓንዳኔ» ታ ዒንሢም ጋዓኣኬ።

ዩሱሴኮ ዳኮ ናኣቶ ዓንጂያ

(ማቲ. 19:13-15፤ ማር. 10:13-16)

15 ዩሱሴ ዔያቶ ፔ ኩጮና ካኣሚ ፒፃንዳጉዲ ዓሳ ናኣቶ ዒዛ ኮይላ ዔኪ ሙካዛ ዒዛኮ ጊንያ ሃንታ ናኣታ ጋዓንቴ ዩያ ዛጌ ዋደና ዓሶ ኮራ ጎሪንቴኔ። 16 ዩሱሴ ጋዓንቴ ናኣቶ ሃንጋ ፔ ባንሢ ዔኤላዖ፦ «ያኦሲ ካኣቲማ ሃንሢጉዴዘንሢም ማዔሢሮ ናኣታ ሃንጋ ታ ባንሢ ሙኩንጎ፤ ዔያቶ ላኣጊፖቲ። 17 ጎኔ ታ ዒንሢም ጋዓኔ፤ ያኦሲ ካኣቲም ናይጉዲ ሺሌዑሞና ዔኪባኣ ዓሲ ፔቲታዖ ጌላዓኬ» ጌዔኔ።

ዖርጎጮ ዓሢኮ ያኦጪያ

(ማቲ. 19:16-30፤ ማር. 10:17-31)

18:14 18:14 ማቲ. 23:12፤ ሉቃ. 14:11።

18 ዓይሁዶ ዓሶኮ ሱኡጎይዳፓ ፔቴሰኬይ ዩሱሴ ኮራ፡- «ኮዦ ዔርዛሢዮ! ናንገና ናንገ ዴንቃኒ ዓይጎ ማዳንዳያ ታና ኮይሳይ!» ጌዒ ያኦጩኔ።

19 ዩሱሴ ማሃዮ፡- «ዓይጎር ኔ ታና ኮሺ ጋዓይ? ፔቴ ያኦሲዳፓ ዓታዛ ኮሺ ባኣሴ። 20 ዓይሢያንሢ ኔ ዔራኔ፤ ዩንሢያ፡- «ማቸ ሃሣ ዓኒ ማዒባኣያና ላሂፖ፣ ዓሲ ዎዲፖ፣ ወኡቂፖ፣ ሉኡዙሞና ማርካዲፖ፣ ኔ ዓዶና ኔ ዒንዶና ቦንቼ፣ ጌይንቴዘንሢ» ጌዔኔ።

21 ዓሢ ማሃዮ፡- «ዩንሢ ዓይሢያንሢ ናኣቶፓ ዓርቂ ታ ካፓኔ» ጌዔኔ።

22 ዩሱሴ ዩያ ዎይዘዎ ዓሢ ኮራ፡- «ዓካሪ ፔቴ ባኣዚ ኔ ማዳንዳያ ዓቴኔ፤ ዩይያ ኔኡኮ ዓኣ ባኮ ቢያ ሻንቺ ሚኢሾ ማንቆ ዓሶም ዒንጌ፤ ጩሪንጩ ካኣቱሞይዳ ያኣፒ ጌሃ ቤዘይዳፓ ኔ ዔካንዳኔ፤ ዩካፓ ሙኪ ታ ጊንዎ ሃንቴ» ጌዔኔ። 23 ዓሢ ጋዓንቴ ኮሺ ዎርጎቹ ማዔሢር ዩያ ዎይዘዎ ሚርጌና ዎይኔ። 24 ዩሱሴያ ዓሢ ዎይሢ ዛጋዮ፡- «ዎርጎጩ ዓሶም ያኦሲ ካኣቱሞይዳ ጌላሢ ዎማጉዲ ሜታንዳይ! 25 ዎርጎቹ ዓሲ ያኦሲ ካኣቱሞይዳ ጌላንዳያይዳፓ ጋኣላ ናርፔ ዓኣናና ጌላኒ ሼሼሌዓንዳኔ» ጌዔኔ።

26 ዩያ ዎይዜ ዓሳ፡- «ዓካሪ ዩይ ያዲ ማዔቶ ያኦኒ ዳቃኒ ዳንዳዓንዳይ?» ጌዔኔ። 27 ዩሱሴ ጋዓንቴ፡- «ዓሲም ዳንዳዒንቱዎ ባኣዚ ያኦሲም ዳዳንዳዒንታኔ» ጌዔኔ።

28 ጳዒርሴ፡- «ሃይሾ ኑኡኒ ኑኡኮ ዓኣ ባኮ ቢያ ሃሺ ኔ ጊንዎ ሃንታኔ» ጌዔኔ።

29 ዩሱሴ፡- «ጎኔ ታ ዒንሢም ጋዓኔ፡- ያኦሲ ካኣቱሞር ጌዒ ፔኡኮ ማኣር፣ ማቸ፣ ጌርሲንሢ፣ ሾዔ ዓሶ፣ ሃሣ ናኣቶዎ ሃሻ ዓሲ ባሺና ዳንቃንዳኔ። 30 ዩይ ሃሢ ሃያ ዓጮይዳኣ ሚርጌ ጳንጩና ዔካንዳኔ፤ ሃገ ሙካ ዓጮይዳኣ ናንገና ናንገ ዴንቃንዳኔ ጌይሢኦ» ጌዔኔ።

ዩሱሴ ፔኡኮ ሃይሶ ዛሎ ኬኤዜሢ
(ማቲ. 20:17-19፤ ማር. 10:32-34)

31 ዩሱሴ ታጾ ላምዎንሢ ዲማሲ ዒዛ ባንሢ ሺኢሻዮ፡- «ሃይሾ ኑ ሃሢ ዩሩሳሌሜ ዳንዳኔ፤ ዓሲ ናዓሢ ዛሎ ያኦሲ ማሊያ ኬኤዛ ዓሶና ያኣፒንቴሢ ቢያ ዒኢካ ኩማንዳኔ። 32 ዒዚ ዓይሁዴ ማዒባኣ ዓሶም ዓኣሢንቴ ዒንጊንታንዳኔ፤ ዔያታኣ ዒዛ ዓማሊ ቦሃንዳኔ፤ ጩሽኪ፣ ዒዘይዳ ጩቲያ ጩታንዳኔ። 33 ዒዛ ዠራፓና ጳርቄሢኮ ጊንዎ ዔያታ ዎዳንዳኔ፤ ጋዓንቴ ሃይሣሳ ኬሎና ሃይባፓ ዒ ዔቃንዳኔ» ጌዔኔ።

18:20 18:20 ኬሲ. ማፃ 20:12-16፤ ላሚ. ዎማ 5:16-20።

34 ዲዛኮ ጊንጾ ሃንታዞንሂ ዬያ ቢያ ባኮይዳፓ ፔቲታጾ ማሊ ዲና ዔኪባኣሴ፤ ዲዛ ጌኤዞኮ ዓኣሺንቴ ቡሊፃ ዔያቶም ዔርቲባኣሂር ዬይ ዲዛኮ ዎዚ ጌይጾታቲያ ዔያታ ዔሪባኣሴ።

ዬሱሴ ዲያርኮይዳ ዓኣፓ ባይቄሂኮ ዓኣፓ ፖዲሴሂ
(ማቴ. 20:29-34፤ ማር. 10:46-52)

35 ዬሱሴ ዲያርኮኮ ሙኪ ዑካዛ ፔቲ ዓኣፒ ባይቄ ዓሲሰኬይ ዲንጎ ሚኢሹ ሺኢቄ ሺኢቄ ጎይጾ ዓጫ ዳዒ ዓኣጾ፣ 36 ዲዛኮ ኮይሌና ዓኣዳ ሚርጌ ዓሶ ዑኡዞ ዎይዚ፡- «ሃይ ዓይጎዳይ?» ጌዒ ጾኦጭኔ።

37 ዓሳ ማሃጾ፡- «ሃይሾ ናዚሬቶ ዬሱሴ ሃይና ዳንዳኔ» ጌዒ ዲዛም ኬኤዘኔ።

38 ዬማና ዓኣፓ ባይቄሂ፡- «ዳውቴ ናዓሂዮ ዬሱሴ! ሃዳራ ታኣም ማሌ» ጌዒ ጌዒ ዒላቴኔ።

39 ዬሱሴኮ ቤርታ ቤርታ ዓኣዳ ዓሳ፡- «ዚቲ ጌዔ!» ጌይ ዲዛ ጎራዛ፣ ዲዚ ጋዓንቴ ዑኡዞ ኮሺ ዳጊዳ፡- «ዳውቴ ናዓሂዮ! ሃዳራ ታኣም ማሌ!» ጌዔኔ።

40 ዬያር ዬሱሴ ዔቃጾ፡- «ሃኒ ዲዛ ታ ባንሂ ዔኪ ባውዎቲ» ጌዒ ዓይሃዛ፣ ዓኣፓ ባይቄሂ ዲዛ ኮይላ ሙኬም፣ ዬሱሴ ሂዚ ጌዒ ዲዛ ጾኦጭኔ፡- 41 «ዓይጎ ታ ኔኤም ማዳንዳጉዳ ኔ ኮዓይ?» ጌዔኔ።

ዓኣፓ ባይቄሂ ማሃጾ፡- «ጎዳሂዮ! ዛጋኒ ታ ኮዓኔ» ጌዔኔ።

42 ዬሱሴ ዲዛም፡- «ዛጌ! ኔኤኮ ጉሙርቄፃ ኔና ዳቂሹኔ» ጌዔኔ።

43 ዬማና ዓኣፓ ባይቄሂ ቤዘና ዛጋኒ ዳንዳዓጾ፣ ጾኦሲ ጋላቲ ጋላቲ ዬሱሴ ጊንጾ ሃንቲሂ ዓርቄኔ፤ ዳራ ቢያ ዬያ ዛጋጾ ጾኦሲ ጋላቲኔ።

19

ዬሱሴና ዜኪዮሴ ጎጾሂና

1 ዬሱሴ ጎይጾ ሃንቲ ጎይሃ ዲያርኮ ካታም ጌላጾ፣ ካታሞኮ ሳዘና ቲቄ ዳንዳኔ። 2 ዲኢካ ዜኪዮሴ ጎጾ ዓሲ ዓኣኔ፤ ዲዚ ኮርሞ ዓሶፓ ሚኢሾ ቡኩሳ ዓሶኮ ሱኡጌ ሃሃ ጾርጎቺ ዓሲኬ። 3 ዲዚ ዬሱሴ ዎጾታቲያ ዛጋኒ ኮዓጾታንቴ፣ ዔጳ ዲዛኮ ቃሚሂ ማዔሂር ዳር ሚርጉሞፓ ዔቄያና ዲዚ ዬሱሴ ዛጋኒ ዳንዳዒባኣሴ። 4 ዬሱሴ ዲ ዓኣ ቤዘና ዓኣዳሂር ዜኪዮሴ ዬሱሴ ዛጋኒ ጌዒ ዳርኮ ቤርታ ዓኣዳጾ ፔቲ ቦኣቢ ጊዔኔ። 5 ዬሱሴ ዬኖ ቦኣቢ ዳም ሃላጾ ለካ ዳግ ጌዒ ዛጌሰካፓ ዜኪዮሴ ኮራ፡- «ዜኪዮሴ! ሃኖ ታ ኔ ማኣራ ፔኤቃንዳያ ኮይሳሂር፣ ዑኩና ሚፃፓ ኬዳ» ጌዔኔ።

6 ዜኪየሱስ ዑኩና ከዳዖ ዎዛና ዩሱሴ ፔ ማአራ ሾኑቸንህህ ዌኬኔ። 7 ዩያ ዛጌ ዓሳ ቢያ፡- «ሃይ ዓህ ጎሞ ዓሶ ማአራ ሾኑቸንቃኒ ጌሌኔ!» ጌራ ዩሱሴ ደንኬኔ።

8 ዜኪየሱስ ጋዓንቴ ዌቃዖ ጎዳ ዩሱሴ ኮራ፡- «ጎዳሂዮ! ሃሂ ታኣኮ ዓኣ ባኮይዳፓ ቢያ ሄካሂ ማንቆ ዓሶም ታ ዒንጋንዳኔ፤ ጌሺ ዓሲዳፓ ታ ዌኬ ሚኢሹ ዓኣቴያ፡ ዌኬሂፓ ዖይዶ ጸንጨፍ ማሂ ታ ማሃንዳኔ» ጌራ።

9 ዩሱሴ ማሃዖ፡- «ሃይ ዓህ ሃሃ ዓብራሃሚ ዜርፃፓኬ፤ ሃኖ ዳቂንታ ሃያ ማአሮም ማዌኔ፤ 10 ዓይጎር ጌዌቶ ዓሲኮ ናዓሂ ባይቄሂ ኮዓኒና ዳቂሻኒ ሙኬኔ» ጌራ።

ማዳ ማዳ ታጾ ዓሲሰከንሂ ኮኣከንሂ
(ማቴ. 25:14-30)

11 ዓሳ ዩያ ዎይዘፃይዳ ዓኣንቴ ዩሱሴ ሃሃ ፔቴ ኮኣከንሂ ዌያቶም ከኤዜኔ፤ ዓይጎር ጌዌቶ ዒዚ ዩሩሳላሚ ባንሂ ዑኩሂረር ዓሶም ያኣሲኮ ካኣቴማ ሃሂ ዒማ ዎዶና ፔጋዲ ጴዳያ ማሌኔ።

12 ዩያር ዩሱሴ፡- «ካኣቴሞ ቢታንቶ ዌኪ ማዓኒ ሃኬ ዓጨ ዳንዴ ፔቴ ዳኤፒ ዓሲሰከይ ዓኣኔ፤ 13 ዒዚ ዳንዳንዳሂኮ ቤርታ ዒዛኮ ማዳ ዓሶይዳፓ ታጾ ዓሲ ዌኤሊ ፔቴ ፔቴሂም ታጾ ታጾ ሹቺ ቢራ ዒንጋዖ ታ ማዒ ሙካንዳኣና ሃያ ቢሮና ኮርሙዎቴ» ዌያቶም ጌራ።

14 ዒዛኮ ዓጮ ዓሳ ጋዓንቴ ዩያ ዓሂ ዒፃያታሂር፡- «ዩይ ዓሂ ኑ ዑፃ ካኣታዳንዳጉዲ ኑ ኮዑዎሴ» ጌራ ዒዚ ዳንዳሂኮ ጊንፃ ኪኢታ ዓሲ ጊንፃ ዳኬኔ።

15 «ዩይ ዓሂ ካኣቴ ማዒ ሙኬ ዎዶና ዌያቶም ዒንጊንቴ ሚኢሹና ዎዚጉዲ ኮርሚ ጊዳ ጌልዜቶዎ ዌራኒ ፔኤኮ ማዳ ዓሶንሂ ዌኤሊሴኔ። 16 ቤርታ ሙኬ ማዳ ዓሂ ሙካዖ፡- ጎዳሂዮ! ኔ ታኣም ዒንጌ ሚኢሹ ኮርሚ፡ ሃይሾ ታ ታጾ ሹቺ ቢራ ጊዳ ጌልዜኔ» ጋዓዛ፡ 17 ዒዛኮ ጎዳሂያ ሩኤኒ ጉሙርቂንታ፡ ማዳሂዮ! ቃራ ኔ ማዳኔ! ዳካ ባኣዚና ኔ ጉሙርቂንቴሂረር ታ ሃሂ ኔና ታጾ ካታማ ኔ ዎይሃንዳጉዲ ቢታንቶ ዒንጌ» ጌራ። 18 ለምዓሳሂ ሙካዖ ጎዳሂዮ! ኔ ታኣም ዒንጌ ሚኢሹና ታ ኮርሚ ደንጎ ሹቺ ቢራ ጊዳ ጌልዜኔ» ጋዓዛ፡ 19 ጎዳሂያ ዩያም ሩኤኔ ማኣ ሃሃ ታኣኒ ደንጎ ካታማ ኔ ዎይሃንዳጉዲ ቢታንቶ ዒንጌ» ጌራ።

20 «ዓቴ ማዳ ዓሂ ሙካዖ ታ ጎዳሂዮ! ኔ ታኣም ዒንጌ ሚኢሹ ሃኣዛጌ፤ ቱርጫና ታ ቱኪ ጌሄኔ። 21 ዓይጎር ጌዌቶ ኔኤኒ ጌሂ ባኣያና ኔኤር ማዒ ባኣያታንቴ ዌካያ፡ ኔ ጎሽኪ ባኣያ ሃኣኮ ቡኩሳያ፡

ሚርጌ ፑርታ ዓሲ ኔ ማዔሢ ዔሪ ታ ኔና ዒጊጨሚርኬ» ጋዓዛ፤
 22 ጎዳሢ ማሃዎ ሃይ ኔ ፓሠቀኣሢ ሃይ! ኔ ጌዔ ባኮና ታ ኔ ዑፃ
 ዋጋኔ፤ ታኣኒ ታኣም ማዒባኣሢ ዔካያና ጎሽኪባኣዎ ቡኩሳያ ሃሃ
 ፑርታ ዓሲታሢ ታ ኔና ዔራኔ ኔ ጌዒባይ? 23 ያዲ ማዔቲ ሚኢሾ
 ታኣኮ ጌዳ ቃሲንታንዳጉዲ ኮርሚንታ ቤሰካ ኔ ዓይጎር ጊሽኪባኣይ?
 ታኣኒ ማዒ ሙካዎ ጌዳ ቃሲንቲያና ዋላ ዔካንዳያታንቲኬ» ጌዔኔ።

24 «ዬካፓ ዒዛኮ ጎዳሢ ዒኢካ ዔቂ ዓኣዘንሢ ኮራ ሃያ ዓሢኮ
 ሚኢሾ ዔኪፓፓ ታጾ ጌዳ ቃሴ፣ ማዳ ዓሢም ዒንጉዋቲ» ጌዔኔ።

25 ዔያታ ማሃዎ ሳዳሢዮ! ዒዛኮ ዒ ጌዳ ጌልዜ ታጾ ሹቺ
 ቢራ ዓኣንቲዋ» ጌዔኔ። 26 ጎዳሢ ጋዓንቲ ሳኣሢም ቢያ ዑሣ
 ዓኣሢ ዒንጊንታኔ፤ ባኣሢዳፓ ጋዓንቲ ዬማ ዓኣማታዎ ዔዔኪንታኔ
 ታ ዒንሢም ጋዓኣኔ። 27 ታ ካኣታዳንዳጉዲ ኮሲባኣ ዬንሢ ታኣኮ
 ሞርኩንሢ ጋዓንቲ ሃይካ ዔኪ ሙኪ ታ ቤርታ ዎዲዋቲ» ጌዔኔ።

28 ዬሱሴ ዬያ ኮኣኪንሃ ኬኤዜሰካፓ ዬሩሳሌሜ ባንሢ ዒዛኮ ጊንዎ
 ሃንታዘንሢኮ ቤርታ ቤርታ ዴንዳኔ።

ዬሱሴኮ ዴኤፖ ቦንቾና ዬሩሳሌሜ ጌሊዎ
 (ማቲ. 21:1-11፤ ማር. 11:1-11፤ ዮሃ. 12:12-19)

29 ዬሱሴ ዛይቶ ሪሚቶ ዲኮ ኮይሎይዳ ዓኣ ቤቲፓጌና ቢታኒያ
 ጌይንታ ካታሞንሢ ሙካዎ ዒዛኮ ጊንዎ ሃንታዘንሢዳፓ ለምዖንሢ
 ሂዚ ጌዒ ዳኬኔ። 30 «ሃኖ ሴኮ ቤርታ ዓኣ ጉርዴሎ ዴንዲዋቲ፤
 ዒኢካ ዒንሢ ሄላዎ ዓይጎ ዓሲያ ቶጊ ቤቁባኣ ሃሪ ናይ ቲኡቲ ዓኣንቲ
 ዒንሢ ዴንቃንዳኔ፤ ዒማ ቡሊ ዔኪ ታኣም ባውዋቲ። 31 ዖኣኒያ
 ሳይጎር ዒንሢ ቡላይ?» ጌይ ዒንሢ ዖኣጨቶ ሳዳም ኮይሳሢርኬ»
 ጌይ ዒዛም ማሁዋቲ።»

32 ኪኢቶና ዳኪንቲዘንሢያ ዴንዳዎ ቢያ ባካ ዬሱሴ ዔያቶም
 ጌዔሢጉዲ ማዔንቲ ዛጌኔ። 33 ዒማ ሃር ናዎም ዔያታ ቡላኣና ሃር
 ናዎኮ ዓድንሢ፡- «ዓይጎር ዒንሢ ቡላይ» ጌዔኔ።

34 ዔያታ ማሃዎ፡- «ጎዳም ኮይሳሢርኬ» ጌዔኔ። 35 ሃር ናዎ
 ዬሱሴ ኮራ ዔኪ ሙካዎ ዔያታ ፔኤኮ ዓፒሎ ሃር ናዎ ዙላ ጌሢ
 ዬሱሴ ቶጊሴኔ። 36 ዬሱሴ ዓኣዳ ጎይሣ ዓኣንቲ ዓሳ ፔኤኮ ዓፒሎ
 ጎይዎ ዒዛ ቤርታ ሂኢሃኔ።

37 ዬሱሴ ዬሩሳሌሜ ሄላኒ ዑካዎ ዛይቶ ሪሚቶ ዲኮና ሊካ
 ኬዳንቲ ዒዛኮ ጊንዎ ሙካ ዓሳ ቢያ ዔያታ ዛጌ፣ ዖኣሲ ዎልቁና
 ማዲንቲ ዓኮ ባኮ ዛሎና ሚርጌ ዎዛዴሢር ዑኡዞ ፔኤኮ
 ዴጊዲ ዖኣሲ ጋላቲሢ ዓርቄኔ። 38 «ዖኣሲ ሱንሢና ሙካ ካኣቲ

19:26 19:26 ማቲ. 13:12፤ ማር. 4:25፤ ሉቃ. 8:18።

ዓንጂንቴያኬ! ኮሹሞ ጫሪንቸዳ፣ ቦንቾ ያኑሲም ጴጌ ቤዘይዳ ማዖንጎ!» ዔያታ ጋዓኔ።

39 ዴሮኮ ባአኮይዳ ዓአ፣ ፔርሴ ዓሳ ጋዓንቴ ዩሱሴ ኮራ፡- «ዔርዘሢዮ! ኔኤኮ ጊንጾ ሃንታ ናአቶ ጎሪ ዚቲዴ» ጌዔኔ።

40 ዩሱሴ ማሃዖ፡- «ዔያታ ዚቲ ጌዔቴያ ሹጫ ሃይ ዒላታንዳኔ፣ ታ ዒንሢም ጋዓኔ» ጌዔኔ።

ዩሱሴ ዩሩሳላሜ ካታሞ ዘሎሮ ዩኤኬሢሢ

41 ዩሱሴ ዩሩሳላሜ ካታሞኮ ዑኪ ካታሚሎ ዘጋዖ፡- 42 «ኔኤም ኮሹሞ ማዓንዳ ባኮ ሃኖ ኔ ዔሬያታቶ ዓይጎ ጎዖንዳይ! ሃሢ ጋዓንቴ ዩይ ባካ ኔ ዓአፓፓ ዓአሸንቴኔ፤ 43 ኔኤኮ ሞርካ ኔኤኮ ዙላ ቲላሢ ዲርቁ ሃሢ ኔና ማንጊ፣ ሃንጌና ሶንጌና ማታሳንዳ ዎዴ ሙካንዳኔ። 44 ኔናንታ ኔ ጊዳ ዓአ ኔኤኮ ናአቶንታ ዔያታ ባይዘንዳኔ፤ ዔያታ ደይሱዎዖ፣ ፔቴ ሹቸታዖ ኔኤም ሃሻዓኬ፤ ዓይጎሮ ጌዔቶ ያኑሲ ኔና ዘጋንና ዳቁሻኒ ሙካ ዎዶ ኔ ዔሪባአሢሮኬ» ጌዒ ዩኤኬኔ።

ዩሱሴ ጌኤዢ ማአሮይዳ ኮርማ ዓሶ ኬሴሢ

(ማቲ. 21:12-17፤ ማር. 11:15-19፤ ዮሃ. 2:13-22)

45 ዩሱሴ ጌኤዢ ማአሪ ጌሊ ዒኢካ ኮርሞ ኮርማ ዓሶ፡- 46 « ማአሪ ታአኮ ሸኢጲሢ ማአሪ ማዓንዳኔ» ጌይንቲ ያአፒንቴኔ፤ ዒንሢ ጋዓንቴ ሙሲ ፑና ቤሲ ማሃኔ» ጌዒ ዳውሲሢ ሳርቄኔ።

47 ዩካፓ ዩሱሴ ቢያ ኬለና ጌኤዢ ማአሪ ዔርዘኔ፤ ዩኖ ዎዶና ቄኤሶኮ ሱኡጎና ሙሴ ዔርዘኔ ዎጎ ዔርዘካ ዓሶና ሃሢ ማሌ ዴሮኮዎ ሱኡጎ ማዔዘንሢ ዩሱሴ ዎዳኒ ኮዔኔ። 48 ጋዓንቴ ዓሳ ቢያ ዩሱሴ ጋዓ ባኮ ዎይዘኒ ሚርጌና ናሽካሢሮ፣ ዔያቶም ዎኦቶንዶ ጎይፃ ባይቄኔ።

20

ዩሱሴኮ ቢታንቶ ዘሎ ያኦጪንቴ ያኦጪሢ

(ማቲ. 21:23-27፤ ማር. 11:27-33)

1 ፔቴ ኬሊ ዩሱሴ ጌኤዢ ማአሪ ጴዲ ዴሮ ዔርዘኒ ዔርዘኒ ሃሢ ኮዢ ሃይሶዎ ኬኤዘንቴ ቄኤሶኮ ሱኡጎና ሙሴ ዔርዘኔ ዎጎ ዔርዘካ ዓሶና ሃሢ ጪሞና ዒዛ ኮይላ ሙካዖ፡- 2 «ሂንዳ ኑሞ ኬኤዢ! ሃያ ባኮ ኔ ማዳሢ ዓይጎ ቢታንቶናዳይ? ሃሢ ጊንሢ ሃያ ኔ ማዳንዳጉዲ ቢታንቶ ኔኤም ዒንጌሢ ያናዳይ?» ጌዒ ዒዛ ያኦጪኔ።

19:38 19:38 ዓይኑ. 118:26። 19:46 19:46 ዒ.ሲ. 56:7፤ ዔር. 7:11።
19:47 19:47 ሉቃ. 21:37።

3 ዬሱሴ ማሃድ፡- «ታ ዲንሢ ፔቴ ባኣዚ ያኦጫንዳኔ፤ ሂንዳ ዲንሢ ታኣም ማሁዋቴ፤ 4 ዮሃንሴኮ ዋኣዖና ማሰኪፃ ያኦሲዳፓሞ ዓሲዳፓዳይ?» ጌዔ።

5 ዔያታ ዋሊ ኮይላ፡- «*«ያኦሲዳፓኬ»* ኑ ጌዔቶ፥ ሂዳዖ ዲንሢ ዓይጎር ጉሙርቂ ጎናሲ ዔኪባኣይ?» ዒ ጋዓንዳ። 6 *«ዓሲዳፓኬ»* ኑ ጌዔቶ ሃሃ ዓሳ ኑና ሹቻ ደዓንዳ፤ ዓይጎር ጌዔቶ ቢያሢ ዮሃንሴ ያኦሲ ማሊሢ ኬኤዛያ ማዔሢ ጉሙርቃሢ» ጌዔ። 7 ዬያር፡- «ዓንካፓ ማዔቴያ ኑ ዔሩዋሴ» ጌይ ዒዛም ዔያታ ማሄ።

8 ዬሱሴያ፡- «ሂዳቶ ታኣኒያ ዓይጎ ቢታንቶና ሃያ ባኮ ማዳቶ ዲንሢም ኬኤዛዓኬ» ጌዔ።

ዋይ ነፃ ባኬሎ ቱካ ዓሶንሢ ኮኣኪንሃ
(ማቴ. 21:33-46፤ ማር. 12:1-12)

9 ዬካፓ ዬሱሴ ሃያ ኮኣኪንሃ ዳርሞ ኬኤዜ፡- «ፔቴ ዓሲ ዋይኔ ጌይንታ ባኣዚ ቱካዖ ጎሽካ ዓሲም ጎሽኪ ጎሽኪ ካፓንዳጉዲ ዲንጊ፥ ሜሌ ሃኬ ዓጪ ዳንዲ ማዑዋዖ ሚርጌ ዋዴ ዳዔ። 10 ዬና ካፃዛ ዋይኔሎኮ ዓዳሢ ዓኣፖይዳፓ ዒዛ ሄላዞንሢ ዔካንዳጉዲ ፔቴ ማዳሰኬያ ጎዡ ጎሽካዞንሢ ኮይላ ዳኬ፤ ጎዡ ጎሽካዞንሢ ጋዓንቴ ማዳ ዓሢ ጳርቂ ኩቲ ጉሪ ማሂ ዳኬ። 11 ዬያጉዲ ሜሌ ማዳሰኬያ ዳካዛ ዬያኣ ሃሃ ዔያታ ጳርቂ፥ ቦርሲሲ ኩቲ ጉሪ ማሂ ዳኬ፤ 12 ሃሃ ሃይሣሳ ማዳ ዓሲ ዳካዛ ዬያ ሃሃ ጳርቂ ዑያ ኪፃሴሰካፓ ጎዡኮ ቲኢያ ዙላ ኬኤሬ። 13 ዬካፓ ዋይኔሎኮ ዓዳሢ ሳካሪ ታ ዋዳንዳይ? ታኣኮ ታ ናሽካ ናዓሢ ዳካንዳ፤! ዒዛ ጎዖንቴ ዔያታ ቦንቻንዳያ ናንዳ። ጌዔ። 14 ጋዓንቴ ጎሽካዞንሢ ዒዛኮ ናዓሢ ዛጌ ዋዶና ዋሊ ኮይላ ሃይ ዒዛ ዳካላንዳሢ፤ ሃኒ ሙኩዋቴ ኑ ዒዛ ዋዶም፤ ቤዛኣ ኑም ማዓንዳ። ጌዔ። 15 ዬያር ናዓሢ ዔያታ ዋይና ቱኮና ቤዘኮ ቲኢያ ዙላ ኬሲ ዋዶ።

«ዓካሪ ያዲ ማዔቶ ዋይኔሎኮ ዓዳሢ ዬንሢ ጎሽካዞንሢ ዋዳንዳያ ዲንሢም ማላይ? 16 ዬና ዋይኔሎኮ ዓዳሢ ፔኤር ዬዓንዳ፤ ጎሽካዞንሢ ዋዳንዳ፤ ዬና ዋይና ሜሌ ጎሽካ ዓሲም ዲንጋንዳ።» ጌዔ።

ዓሳ ዬያ ዋይዛዖ፡- «ዬያጉዴ ባኣዚ ማሊ ማፖፓ!» ጌዔ።

17 ዬሱሴ ጋዓንቴ ዔያቶ ባንሢ ዛጋዖ፡- «ዓካሪ ማኣር ማዡ ዓሳ ቦሂ ሃሼ ሹጫሢ ማኣርኮ ሄላሢ ማዔ።»

ጌይንቲ ፃአፒንቴህህ ዓይኅ ዔርዛይ? 18 ዬያ ሹጫህዳ ሎአማህህ ቢያ ማቃንዳኔ፤ ሃሃ ዒዚ ዑፃ ኬዳህያ ቢያ ዳአዲንታንዳኔ» ጌዔኔ።

ጊኢራ ጨገህ ዛላ ያኦጨንቲ ያኦጨህ
(ማቴ. 22:15-22፤ ማር. 12:13-17)

19 ሙሴ ዔርዜ ምኅ ዔርዛ ዓሶና ቄኤሶኮ ሱኡጎና ዬያ ኮኦኪንሃ ዔያቶይዳ ዒ ኬኤዜህህ ዔራጾ ዬማና ዒዛ ዓርቃኒ ማሌኔ፤ ጋዓንቲ ዳር ዔያታ ዒጊጨኔ። 20 ዬያር ዬሱሴ ዔያታ ዓርቃኒ ዔያቶም ጊኢጋ ኬሊ ካፔኔ። ዓጮ ዎይሃህህ ቢታንቶና ዒዛይዳ ዎጋንዳጉዲ ዓአህህ ዒዛ ዒንጊሳኒ ዳንዳዓ ፑርታ ባአዚ ዒዛይዳፒ ዳንቃኒ ኮዓፆ ፒዜ ዓሲ ማሊ ዒ ጌሰታ ጌኤዞና ዒዛ ቡኡዲ ዓርቃንዳ፣ ሙሪ ዓሲ ዒዛ ኮይላ ዳኬኔ። 21 ዩንህህ ዓሶንህህ ዬሱሴ ኮራ ሙከ፡- «ዔርዛህየ! ኔኤኒ ኬኤዛህና ዔርዛህ ጎኑም ማዓህ ኦ ዔራሪኔ፤ ያኦሲ ጎይህ ጎኔና ኔ ዔርዛፓዓቲም ያኦማኦ ኔ ሉኡዙሞና ዳማሲ ማአዲ ጌሰቱዋሴ። 22 ሂንዳ ኦም ኬኤዜ! ኦኡኮ ምኅ ጎይፆና ሮሜ ዓጮ ካኣቲም ጊኢራ ጨጋኒ ዓይህንቲም ዓይህንቲባአይ?» ጌዒ ዒዛ ያኦጨኔ።

23 ዬሱሴ ጋዓንቲ ዔያቶኮ ጌኖ ማሊፆ ዔራጾ፡- 24 «ሂንዳ ታና ማኢሾ ዳውዋቲ፤ ሃኖ ማኢሾይዳ ዓአ ዓውካሮና ፃአፒንቲ ሱንፆና ያኦርዳይ?» ጋዓዛ፣ ዔያታ፡- «ሮሜ ካኣቲሲኬ» ጌዔኔ።

25 ዬሱሴ ማሃፆ፡- «ያዲ ማዔቶ ካኣቲሲ ካኣቲም፣ ያኦሲሲ ያኦሲም ዒንጉዋቲ» ጌዔኔ።

26 ዔያታ ዳር ቤርቶይዳ ጌኤዞና ዒዛ ፒሪ ዓርቃኒ ዳንዳዒባአሴ፤ ዬያር ዒ ማሄ ማሂፆና ዲቃቲ ሄርሻፆ ዚቲኖ ጌዔኔ።

ሃይቄ ዓሲ ዔቃ ዛላ ያኦጨንቲ ያኦጨህ
(ማቴ. 22:23-33፤ ማር. 12:18-27)

27 «ሃይቄ ዓሲ ዔቁንዳዋሴ» ጋዓ ሳዶቄ ዓሳ ዬሱሴ ኮራ ሙካፆ፡-

28 «ዔርዛህየ! ሙሴ ረፔቲ ዓሲ ናይ ሾውዋፆ ማቕይዳፓ ሃይቢና ዳማዳቶ ጌኤዛህህ ላኣሌሎ ዔኪ፣ ናይ ሾይ ሃይቄህም ዜርህህ ጌሦንጎ» ጌዒ ፃአፔኔ። 29 ዓካሪ ላንካይ ዎሊኮ ጌርሲንህህ ማዓይ ዓአንቲ፣ ቢያህኮ ቶይዳህህ ላኣሊ ዔኪ ናይ ሾውዋፆ ሃይቄኔ። 30 ዒዛ ሄሊሴ ጌኤዛህህ ዬኖ ላኣሌሎ ዔኬኔ፤ 31 ሃሃ ሃይሃሳህህ ዔኬኔ፤ ዬያይዳ ጎይህ ላንኮንህህ ቢያ ዒዞ ዔካፆ ናይ ሾውዋፆ ሃይቄኔ። 32 ቢያህኮ ጊንፃ ዬና ላኣሌላ ሃይቄኔ። 33 ዓካሪ ላንካፆንህህ ቢያ ፔ ዎዶና ዎዶና ቢያ ዒዞ ዔኬያታህህሮ፣ ሃይቄ ዓሳ ዔቃ ዎዶና ዎፆኮ ዒዛ ማቕ ማዓንዳይ?» ጌዒ ዒዛ ያኦጨኔ።

20:17 20:17 ዓይኡ. 118:22። 20:27 20:27 ዳኪ. ማዶ 23:8። 20:28 20:28 ላሚ. ዎማ 25:5።

34 ዩሱሴ፦ «ሃያ ዓጮ ዓሳ ዔካኔ፣ ሎዓኔ፤ 35 ሃይቢዳፓ ዔቁ፣ ሙካ ዓጮይዳ ናንጋኒ ኮይሳ ዓሳ ጋዓንቴ ዔኩቀሴ፣ ሎዑቀሴ። 36 ዓይጎሮ ጌዔቶ ያኦሲ ከኢታንቸጉዲ ማዓንዳሢሮ ሃይቁቀሴ፤ ሃይቢዳፓ ዔያታ ዔቁሢሮ ያኦሲ ናይኬ። 37 ሃይቢዳፓ ዔቃንዳ ዓሶ ዛሎ ጋዓንቴ ሙሴ ካዮ ባኣኮይዳ ዔኤቴ ታሞ ዛሎ ኬኤዜ ሃይሶይዳ ፔጋሲ ዩያ ኬኤዜኔ፤ ዩኖ ሃይሶይዳ ሙሴ ያኦሲ፦ «ዓብራሃሜ ያኦሲ፣ ዪሳኣቁ ያኦሲ፣ ያይቆኦቤ ያኦሲኬ» ጌዒ ኬኤዜኔ። 38 ያኦሲ ሸምፖና ናንጊና ናንጋ ዓሶ ያኦሲ፣ ሃይቁቶሞ ናንጊና ናንጋ ዓሶ ያኦሲኬ፤ ዩያሮ ቢያሢ ዒዛሞ ሸምፔና ናንጋኔ» ጌዒ ዔያቶሞ ማሄኔ።

39 ሙሴ ዔርዜ ሞጎ ዔርዛዘንሢዳፓ ፔቴ ፔቴዘንሢ፦ «ዔርዛሢሢ! ኮሺ ባኣዚ ኔ ኬኤዜኔ!» ጌዔኔ። 40 ዩካፓ ማይ ዩሱሴ ጫርቁ ያኦጩ ዓሲያ ባኣሴ።

ዩሱሴ ፔ ዛሎ ያኦጩ ያኦጪሢ
(ማቴ. 22:41-46፤ ማር. 12:35-37)

41 ዩካፓ ዩሱሴ፦ «ዋይቲ ሜሲሄ ዳውቴ ናይኬ ዔያታ ጋዓይ? 42-43 ዳውቴ ፔ ቶኦኪና ዓይኑሞ ማፃኣፖይዳ፦

«ያኦሲ ታ ጎዳሢሞ (ሜሲሄሞ)
ኔኤኮ ሞርኮ ኔ ቢታንቶ ዳማ ታ ማሃንዳያ ሄላንዳኣና
ታኣኮ ሚዛቆ ዛላ ዳዔ ዒዛሞ ጌዔኔ» ጋዓኔ።

44 ዓካሪ ዳውቴ ፔ ቶኦኪና ጎዳ ጌዒ ዒዛ ዔኤሌቶ
ሜሲሄ ዳውቴኮ ዋይቲ ናይ ማዓኒ ዳንዳዓይ?»
ዔያቶሞ ጌዔኔ።

ዩሱሴ ሙሴ ዔርዜ ሞጎ ዔርዛ ዓሶ ዛሎ ኬኤዜሢ
(ማቴ. 23:1-36፤ ማር. 12:38-40)

45 ዳራ ቢያ ዒዛሲ ሞይዛ ጎይሢ ዓኣንቴ ዩሱሴ ገንጾ ሃንታዘንሢ ኮራ፦ 46 «የዶሲ ማኣዶ ማኣዒ ሴካ ሃንጋ ጌዒ ሃንታኒ፣ ቦኣካ ቤሲዳ ቦንቸ ዔኤሊሢ ዔኤሊንታኒ፣ ዓይሁዶ ዓሶኮ ቡከንቶ ቤዛ ቦንቸንታ ያይታ፤ ሙኡዚ ሙዶ ቤሰካ ቦንቸንታ ቤሲዳ ዳዓኒ ኮዓ ሙሴ ዔርዜ ሞጎ ዔርዛዘንሢዳፓ ዒንሢና ካፑሞቴ። 47 ዔያታ ዓሲ ቤርቲዳ ጴዳኒ የዶሲ ሸኢቆ ሸኢጲሢና ጌሺ ጌሺ ዓኒንሢ ሃይቁ ላኣሎኮ ማኣሮ ማንቁሳኔ፤ ዩያሮ ዔያቶይዳ ዑሣ ዓኣጴ ፑርታ ሞጌ ሞገንታንዳኔ» ጌዔኔ።

20:37 20:37 ኬሲ. ማፃ 3:6። 20:42-43 20:42-43 ዓይኑ. 110:1።

21

ዜኤሪንደሰኬና ያኦሲም ዒንገ ዒንገሢ
(ማር. 12:41-44)

1 ዩሱስ ደግ ጌራ ዛጋንቴ ያርጎጮ ዓሳ ያኦሲም ዒንጎ ባኮ፡ ሳኦሪ ጋራ ዓጋንቴ ዴንቄ። 2 ዩያጉዲ ሃሣ ፔቴ ዜኤሪንደሰኬና ዩሮ ዎደ ሚኢሾና ላምዎ ሲኪና ማዓያ ሳኦሪ ጋራ ዓጋንቴ ዒ ዴንቄ። 3 ዒማና ዩሱስ፡- «ጎኔ ታ ዒንሢም ጋዓ፤ ሃና፡ ዜኤሪይንደ ማንቄላ ቢያፓ ዑሣ ዓኣዴ ባሽ ዒንገ። 4 ዓይጎር ጌዔቶ ዔያታ ዒንገሢ ዔያቶኮ ዓኣ ባካፓ ዲቢ ዑሣ ዓኣዴሢኬ፤ ዒዛ ጋዓንቴ ማንቆታዎ ፔቴታዎ ዒዞም ዓይሱዎዎ ዒዞኮ ዓኣ ባኮማ ጋፒ ዒንገ።» ጌዔ።

ጌኤዦ ማኣርኮ ሻሂንቶ ዛሎ ዩሱስ ሎንሢሢ
(ማቴ. 24:1-2፤ ማር. 13:1-2)

5 ፔቴ ፔቴ ዓሳ፡- «ሃይ ጌኤዦ ማኣራ ሚዛጲ ሹቸና ሃሣ ያኦሲም ዒንገንቴ ዒንገይና ሚዛጲሲ ኮሾናያኬ» ጌራ ጌራ ዎላ ጌሰታንቴ፡ 6 ዩሱስ፡- «ሃይ ዒንሢ ዛጋሢ ቢያ፡ ሹጮ ሹጮይዳ ኬልቁንቴ ዓቲንዱዎ ዎዴ ሙካንዳ፤ ሃይ ሹጮ ቢያ ፔቴ ዓቢና ደዓንዳ።» ጌዔ። 7 ዔያታኣ፡- «ዔርዛሢሮ! ዩይ ማዓንዳሢ ዓይዲዳይ? ዩይ ያዲ ማዓንዳ ዎዳ ዑኬሢ ኦ ዔራንዳ ማላታ ዓይገንዳዳይ?» ጌይ ዒዛ ያኦሪ።

ዩሱስ ሜቶና ዳውሲሢና ሙካንዳሢ ኬኤዜሢ
(ማቴ. 24:3-14፤ ማር. 13:3-13)

8 ዩሱስ፡- «ዒንሢ ዳቢንቱዎጉዲ ዒንሢና ዔሩዎቴ፤ ሚርጌሢ ታኣኒ ኪሪሰቶሴኬ! ሃይሾ ዎዳ ዑኬኔ!» ጌራ ጌራ ታ ሱንያና ሙካንዳ፤ ዔያቶ ገንዎ ዓኣዲፖቴ። 9 ያልዚና ዳሬኮ ዎይዚ ዒዲሢና ዛላ ዒንሢ ዎይዜ ዎደና ዲቃቲፖቴ፤ ቤርታዲ ዩይ ቢያ ያዲ ማዓንዳያ ኮይሳኔ፤ ማዔቶዎ ጋፒንፃ ዑኬ ማዓንዳ» ጌራ ዔያቶም ማሄ።

10 ዩካፓ ሃሣ ዩሱስ፡- «ዴራ ዴሮ፡ ካኣታ ካኣቶ ያላንዳ። 11 ዲማ ዲማ ቤሲዳ ደዲ፡ ዒጊቻ ሳዓ ዓገዲሢና ሉማና ሃሣ ደርዓኣ ኬሰካንዳ። ሃሣ ዒጊቻ ባኣዚና ዴኤፒ ዴኤፒ ማላታ ጮሪንጮይዳ ጴዳንዳ። 12 ጋዓንቴ ዩይ ቢያ ማዓንዳሢኮ ቤርታ ዓሳ ዒንሢ ዓርቃንዳ፤ ዒዲ ሃሣ ዒንሢ ዳውሶንዳ፤ ዓይሁደ ዓሰኮ ቡኪንቶ ቤዘና ቱኤዘ ማኣርናም ዓኣሢ ዒንሢ ዒንጎንዳ፤ ታ ሱንያሮ ጌራ ካኣቶ ቤርቶ ሃሣ ዎይሣ ዓሶ ቤርቶ ዔኪ ዒንሢ

ዓኣድንዶኔ። 13 ዬይያ ታ ሱንፆ ዛሎ ዒንሢ ማርካታኒ ዒንሢሞ ኮሺ ዎዴ ማዓንዳኔ። 14 ዬያሮ ዒንሢ ፑርቲሴ ዓሲጉዲ ያኦጪንታ ባኮኮ ዒንሢ ማሃንዳ ባኮሮ ሜታዳንዳያ ኮይሱዋእሢ ቤርታዲ ዔሩዋቱ። 15 ዓይጎሮ ጌዔቶ ዒንሢኮ ሞርኮይዳፓ ያኦኒያ ዒንሢ ባሻኒና ማካኒ ዳንዳዑዋ ጌሰቶንዶ ጌኤሲና ዔሩቶና ታ ዒንሢሞ ዒንጋንዳኔ። 16 ዒንሢኮ ሾዔ ዓሶና ጌርሲንሢና ዒንሢኮ ዒጊኖና ላጎና ዓቱዎዎ ዓእሢ ዒንሢ ዬያ ባኮሞ ዒንጋንዳኔ፤ ዒንሢዳፓ ፔቴ ፔቴሢ ሃይቂያ ሃይቃንዳኔ። 17 ታ ሱንፆሮ ጌዒ ዓሲ ቢያና ዒዲንቴያ ዒንሢ ማዓንዳኔ። 18 ጋዓንቴ ዒንሢኮ ቶኦኮ ጋፓናፓ ፔቴታዎ ባይቃዓኩ። 19 ዒንሢ ጊቢ ዳንዳዒ ሸምፓሢ ዒንሢኮ ዒንሢ ዓውሳንዳኔ» ጌዔኔ።

ዩሱሴ ዬሩሳላሜኮ ባይቂያ ዛሎ ኬኤዜሢ
(ማቴ. 24:15-21፤ ማር. 13:14-19)

20 ዩካፓ ሃሃ ዩሱሴ፡- «ዒዞ ሞርኮኮ ያላ ዓሶና ዬሩሳላሜ ማንገንቲ ዓእንቴ ዒንሢ ዛጌ ዎዶና ባይቃኒ ዒዞ ዑኬሢ ዔሩዋቱ፤ 21 ዒማና ዩሁዳ ዓጮይዳ ዓእዞንሢ ሌካ ዲኮ ባንሢ ዓኣሺንቶንጎ፤ ካታማ ዓእዞንሢ ዩካፓ ኬሰኮንጎ፤ ካታሞኮ ዙላ ዓእዞንሢያ ሃንጋ ካታሞ ጌሎፓ። 22 ዓይጎሮ ጌዔቶ ዬኖ ባይሲንቴሎ ዛሎ ፃእፒንቴ ሎንሢ ኩማንዳጉዲ፡ ዬና ኮሜ ዔከሢና ሜቶ ዒንገሢ ዎዴ ማዓንዳኔ። 23 ዬኖ ዎዶና ጎጾይንዶና ናኦቶ ዓእሎ ዳንሢሢሃዞንሢሞ ባዴዔ! ዓይጎሮ ጌዔቶ ዬኖ ዓጮሎይዳ ዴኤፒ ሜቶ ዎዴ ማዓንዳኔ፡ ዴሮ ዑፆይዳኦ ያኦሲ ጎሪንቲ ሙካንዳኔ። 24 ዔያቶይዳፓ ሚርጌሢ ያልዚና ሃይቃንዳኔ፤ ዓቱ ዓሳ ዲዒንቲ ዲማ ዲማ ዓጪ ዔኪ ዓኣዲንታንዳኔ፤ ሜሌ ዴራ ዑፆ ማዒ ዎይሃ ዎዶ ጋፓንዳያ ሄላንዳኦና ዬሩሳላሜ ካታሞ ዔያታ ሄርቂ ዎይሢያ ማዓንዳኔ» ጌዔኔ።

ኪሪሰቶሴኮ ላሚ ሙኪያ ዛሎ
(ማቴ. 24:29-31፤ ማር. 13:24-27)

25 ሄሊሳዎ ዩሱሴ፡- «ዓቦና ዓጊኖናይዳ ሃሃ ዡኦጋሢዳ ዲቃሢ ማላታ ጴዳንዳኔ፤ ሳዎይዳ ዓእ ዴራ ቢያ ባዞና ባዞይዳ ዔቃ ዲቃሢ ጉዳሢ ዡባሮ ዑኡዞፓ ዔቂያና ዒጊጪ ሜታዳንዳኔ። 26 ሳዎይዳ ሙካ ባኮ ካፒሢና ዓሳ ዒጊቕሞና ሂርጊ ሜታዳንዳኔ፤ ዓይጎሮ ጌዔቶ ዬኖ ዎዶና ጫሪንጫ ዎልቂና ዓእ ባካ ዓጊፃንዳኔ፤ 27 ዩካፓ ዓሲኮ ናዓሢ ዴኤፒ ዎልቂና ሃሃ ቦንቕንቲ ሻኦር ዑፆ ማዒ ሙኪ

21:14 21:14 ሉቃ. 12:11-12። 21:22 21:22 ሆሴ. 9:7። 21:25 21:25 ዒሲ. 13:10፤ ሂዚ. 32:7፤ ዒዩ. 2:31፤ ዮሃ. ያፔዳ 6:12-13።

ጴዳንዳኔ። 28 ዬይ ቢያ ማዲያ ዓርቄ ዋደና ዲንሢኮ ጳቂንታ ዑኩሢሮ ጳግ ጌራ ለካ ዛጉዋቲ» ጌዔኔ።

ቤሌሴ ጌይንታ ሚሢ ኮኦኪንሢ
(ማቴ. 24:32-35፤ ማር. 13:28-31)

29 ዬካፓ ዬሱሴ ሂዚ ጌራ ኮኦኪንሢ ዔያቶም ኬኤዜኔ፡- «ቤሌሶ ሚያንታ ሃንጎ ሚያዋ ኮሺ ዲና ዔኪ ዛጉዋቲ፤ 30 ዔያቶኮ ዲላዣ ጸላንቲ ዲንሢ ዛጌ ዋደና ምሳሢ ዑኩሢ ዲንሢ ዔራኔ። 31 ዬያ ጎይያ ዬይ ቢያ ባካ ማዲያ ዓርቃሢ ዲንሢ ዛጌ ዋደና ምኦሲ ካኦቲማ ሙካኒ ዑኩሢ ዔራቀቲ።

32 «ጎኔ ታ ዲንሢሞ ጋዓኔ፤ ዬይ ቢያ ኩማንዲያ ሄላንዳኣና ሃይ ሾይንታ ዓኣዳዓኬ። 33 ጫሪንጮና ሳያና ዓኣዳንዳኔ፤ ታኣኮ ቃኣላ ጋዓንቲ ናንገና ዶዲ ናንጋንዳኔ» ጌዔኔ።

ዶዲ ጴጪ ካፒሢ ዛላ

34 ሄሊሳያ ዬሱሴ፡- «ሚርጌ ሙኡዚና ዑሺና ዛላ ማሊ ማሊ ዋደ ዲንሢኮ ጉሪ ኩርሲፖቲ፤ ሃሃ ሃያ ሳያ ናንጎ ባኮ ዛሎ ሜታዲሢና ዲና ዲንሢኮ ዶጪሲፖቲ፤ ያዲ ዲንሢ ማዔቲ ዬና ኬሌላ ፐርጉዲ ዔራቀንቲ ዲንሢ ዓርቃንዳሢ ዔራቀቲ። 35 ዬና ኬላ ሳያይዳ ዓኣ ዓሶ ቢያ ዔራቀንቲ ዓርቃንዳኔ። 36 ዬያሮ ሙካ ፑርቶ ባኮይዳፓ ቢያ ቶላኒ፣ ዋልቄያ ዴንቃኒና ዓሲ ናዓሢኮ ቤርታ ዲንሢ ዔቃኒ ዳንዳዓንዳጉዲ ሺኦቂ ሺኦቂ ቢያ ዋደና ዶዲዋቲ» ጌዔኔ።

37 ዲማና ዬሱሴ ቢያ ኬሊ ጌኤዣ ማኣሮይዳ ዔርዛኔ፤ ሳዓ ዓማኣና ጋዓንቲ ዛይቲ ሪሚቲ ዲካ ጌይንታ ዲኮ ኬሰኪ ኬሰኪ ዋርቃኔ። 38 ዓሳ ቢያ ዬሱሴ ኮራፓ ዋይዛኒ ጉቲ ዓማ ጌኤዣ ማኣሪ ዲዛ ባንሢ ዓኣዳኔ።

22

ኪሪሰቶሴ ዋዳኒ ዓሶኮ ዋላ ዘርቲያ
(ማቴ. 26:1-5፤ ማር. 14:1-2፤ ዮሃ. 11:45-53)

1 ዑሣ ዓኣዲያ ቦንቾ ኬሎ ጌይንታ ላኣዶ ሙዲ ቦንቾ ኬላ ዑካዛ፣ 2 ቁኤሶኮ ሱኡጎና ሙሴ ዔርዜ ዋጎ ዔርዛ ዓሳ ዴር ዲጊጩሢሮ ዬሱሴ ዓርቄ ዋደንዶ ጎይሢ ዴሚና ኮዓኔ።

ዪሁዳኮ ዬሱሴ ዓኣሢ ዲንጎሮ ዓሶና ዋላ ጊኢጊያ
(ማቴ. 26:14-16፤ ማር. 14:10-11)

21:27 21:27 ዳኣኔ. 7:13፤ ዮሃ. ምጥጳ 1:7። 21:37 21:37 ሉቃ. 19:47።
22:1 22:1 ኬሲ. ማፃ 12:1-27።

31 ሄሊሳዎ ዩሱሱ:- «ሲሞኑኔ! ሃአዛጌ፤ ጎሽካ ዓሢ ዛርጋሢ ዓአፖ ዲልባፓ ሶኦ፡ ጌኤሽ ዲማሳሢ፡ ያላሃ ዒንሢ ሶኦ ዛጋኒ ዒናፓ ሱኩካዲ ማሌኔ። 32 ጋዓንቴ ኔኤኮ ጉሙርቂፃ ባይቁጉዲ ታ ዓዶ ታ ሸኢቁኔ፤ ኔኤኒያ ኔ ዳቢንቶ ዔሪ ታ ባንሢ ማዔ ዎዶና ኔ ዒሸንሢ ደዲሼ» ጌዔኔ።

33 ጳጳርሴ ማሃዎ:- «ጎዳሢዎ! ቱኡሲሞ ማዔቶዎ ሃሃ ሃይቢሞ ታአኒ ኔኤና ዎላ ዓአዳኒ ገኢገንቴያኬ!» ጌዔኔ።

34 ዩሱሱ ጋዓንቴ ዒዛሞ:- «ጳጳርሴ፡ ሃሩ ኮይዳ ቂኢቁዎንቴ ሃይሢ ማይንቴ ታ ዒዛ ዔሩዎሴ» ኔ ጋዓንዳኔ፤ ታ ኔኤሞ ጋዓአኬ» ጌዔኔ።

35 ዩካፓ ዩሱሱ ፔኤኮ ገንፆ ሃንታ ናአቶ ኮራ:- «ሚኢሼ ዓርቆ ቡራሻ፡ ጋላ ዔኮ ሉካ፡ ዲርሲያ ዒንሢ ዔኩዎንቴ ታ ዒንሢ ዳኬ ዎዶና ዒንሢሞ ፓጩ ባአዚ ዓአ?» ጌዔኔ።

ዔያታአ ማሃዎ:- «ዓይጌያ ፓጩ ባአዚ ኑሞ ባአሴ» ጌዔኔ።

36 ዩሱሱ ዔያቶሞ:- «ሃሢ ዓካሪ ሚኢሼ ዓርቆ ቡራሻ ማዔቴያ፡ ጋላ ዓርቆ ሉካ ዓአሢ ዩያ ፔኤኮ ዔኮንጎ፤ ጩንቻ ዓፓር ባአሢያ ማአዓሢ ፔኤኮ ሻንቺ ጩንቻ ዓፓር ሻንቆንጎ። 37 <ፑርቶ ዓሶና ዎላ ፓይዲንቴኔ!> ጋዓ ማፃአፖ ቃአላ ታ ገዳ ኩማንዳያ ኮይሳኔ፤ ታ ዒንሢሞ ጋዓአኬ፤ ዓይጎር ጌዔቶ ታ ዛሎ ቤርታዲ ፃአፒንቴሢ ቢያ ኩማኒ ኮይሳሢርኬ» ጌዔኔ።

38 ዒዛኮ ገንፆ ሃንታ ናአታ:- «ጎዳሢዎ! ሃይሽ ሃይካ ላምፆ ጩንቻ ዓፓር ዓአኔ!» ዒዛሞ ጋዓዛ፡ ዒዚ «ገዳንዳኔ» ዔያቶም ጌዔኔ።

ዩሱሴኮ ዛይቶ ሪሚቶ ዲኮይዳ ሸኢጲዎ
(ማቴ. 26:36-46፤ ማር. 14:32-42)

39 ዩሱሱ ካታሞይዳፓ ኬሰኪ ቤርታ ማዳሢ፡ ዛይቶ ሪሚቶ ዲኮ ዴንዴኔ፤ ዒዛኮ ገንፆ ሃንታ ናአታአ ዒዛና ዎላ ዓአዴኔ።

40 ዒኢካ ዔያታ ሄላዛ ዩሱሱ:- «ዳቢሻ ጌሽሢዳ ዒንሢ ጌሉዎጉዲ ሸኢቁዎቴ» ጌዔኔ።

41 ዩካፓ ሹቺ ዲዔም ሄላንዳጉዴ ቤሲዳ ዔያቶይዳፓ ሃኪ ዴንዳዎ ጉሞዓቴ:- 42 «ጎዳሢዎ! ኔ ማሊሢ ማዔቶ ሃያ ሜታሢ ታ ገዳፓ ሃኪሴ፤ ጋዓንቴ ታ ማሊያጉዲቱዎንቴ ኔ ማሊያ ኩሞንጎ» ጌዒ ሸኢቁኔ። 43 ዒማና ዒዛ ደዲሻ ከኢታንቻሢ ጫሪንጩይዳፓ ሙኪ ዒዛሞ ጴዴኔ። 44 ዒና ዒዛኮ ሚርጌና ማታዴም፡ ኮሺ ደዲ

22:35 22:35 ማቴ. 10:9-10፤ ማር. 6:8-9፤ ሉቃ. 9:3፤ 10:4። 22:37 22:37 ዒሲ. 53:12።

ሺኢጲሢ ዲ ሺኢቃኔ፤ ዬማና ጮጋጫ ዲዛኮ ሱጉሢ ማሊ ሳዓ ያዳኔ።

45 ሺኢጲጆይዳፓ ዲ ዔቂ ጊንያ ሃንታዞንሢ ሳንሢ ሙካንቴ ዔያታ ሚርጌና ያዩያይዳፓ ዔቂያና ላቢ ጊንዒ ዓኣንቴ ዛጋያ፡-

46 «ዓይጎር ዲንሢ ጊንዓይ? ዬያይዳፓ ዳቢሻ ጌሺሢዳ ዲንሢ ጌሉዋጉዲ ዔቂ ሺሺኢቁዋቴ» ዔያቶም ጌዔኔ።

ዬሱሴኮ ሞርኮ ኩጫ ዓዲንቴያ
(ማቴ. 26:47-56፤ ማር. 14:43-50፤ ዮሃ. 18:3-11)

47 ዬሱሴ ዬያ ከኤዛ ጎይሢ ዓኣንቴ ዲማና ሚርጌ ዓሲ ሙኩኔ፤ ዬያ ዓሶ ዔኪ ሙኩሢ ታጾ ላምዖንሢዳፓ ፔቴሢ ማዔ፥ ዪሁዳኪ፤ ዲዚያ ዬሱሴ ሄርቃኒ ዬሱሴ ሳንሢ ደጩኔ። 48 ዬሱሴ ጋዓንቴ፡- «ዔዞ፥ ዪሁዳ! ዓሲኮ ናዓሢ ሄርቁሢና ዓኣሢ ኔ ዓንጋ?» ጌዔኔ።

49 ዬሱሴና ዋላ ዓኣ ጊንያ ሃንታዞንሢ ዬያ ዛጋያ፡- «ጎዳ! ዓፓሮና ኑ ዔያቶ ቆያጎዳ?» ጌዔኔ። 50 ዔያቶይዳፓ ፔቴሰኬይ ቄኤሶ ቢያኮ ሱኡጋሢም ዓይሢንቴ ማዳሢኮ ሚዛቆ ዋዮ ዓፓሮና ቆጻ ቴቄኔ።

51 ዬሱሴ ጋዓንቴ፡- «ማይ ጊዴኔ! ሃሺ!» ጋዓዖ፥ ዓሢኮ ዋዮ ኩቻ ዓርቂ ካንሢ ፓሢኔ።

52 ዬካፓ ዬሱሴ ዲዛ ዓርቃኒ ሙኩዞንሢና ቄኤሶኮ ሱኡጎና ሃሢ ጌኤዢ ማኣሮኮ ዓይሢዞንሢና ዴሮኮ ጨሞና ኮራ፡- «ታና ዓንሢ ሱላጉዲ ዓርቃኒ ጩንቻ ዓፓሮና ኮኣሎና ዔኪ ሙኪያ?»

53 ቢያ ከሊ ጌኤዢ ማኣሮይዳ ዲንሢና ዋላ ታ ዓኣንቴ ዲንሢ ታና ዓርቂባኣ፤ ሃሢ ጋዓንቴ ዲንሢና ዲማሢናኮ ቢታንቶ ዋደኬ» ጌዔኔ።

ጳዕረሴኮ ዬሱሴ ዔሩዋሴ ጌይያ
(ማቴ. 26:57-58፤69-75፤ ማር. 14:53-54፤66-72፤ ዮሃ. 18:12-18፤25-27)

54 ዬካፓ ዓሳ ዬሱሴ ዔኪ ቄኤሶ ቢያኮ ሱኡጋሢ ማኣሪ ዴንዴኔ፤ ዲማና ጳዕረሴ ዳካ ዲዛይዳፓ ሃኬ ሃኬ ጊንያ ዓኣዳኔ። 55 ዓሳ ዬያ ዓሢኮ ዲሮ ጋራ ታሚ ዔኤሢ ፔቴይዳ ዴዒ ካሽታንቴ ጳዕረሴ ሙኪ ዔያቶና ዋላ ዴዔኔ። 56 ጳዕረሴ ታሞ ዓጫ ዴዒ ዓኣንቴ ፔቴ ወዲሮ ናይሰኬና ዲዛ ዴንቂ ኮሺ ዲዛ ዛጋያ፡- «ሃይያ ዬሱሴና ዋላ ዓኣያኪ!» ጌዔኔ።

57 ጳዕረሴ ጋዓንቴ፡- «ሃና ዓሴላ! ታኣኒ ዲዛ ዔሩዋሴ» ጌዔኔ።

58 ዳካ ናጌሰካፓ ፔቴ ዓሲ ሃሃ ጳጳርሴ ዛጋ።- «ኔኤኒያ ዒያቶይዳፓ ፔቴሂኤ!» ጋዓዛ፣ ጳጳርሴ ጋዓንቴ።- «ሃይ ዓሂ ኔ! ታ ዒያቶና ዋላ ዓኣያቱዋሴ!» ጌዔኔ።

59 ፔቴ ሳኣቴጉዳያ ሃሃ ኔጋፓ ፔቴ ሜሌ ዓሲ።- «ሃይ ዓሂ ጌሊላ ዓሲኬ፤ ጎኔ ዒዛና ዋላ ዓኣያኬ» ጌዒ ኮሺ ደዲሺ ኬኤዜኔ።

60 ጳጳርሴ ጋዓንቴ።- «ሃይ ዓሂ ኔ! ኔ ጋዓ ዓሂ ታ ዒሩዋሴ!» ጌዔኔ።

ዬኖ ዒ ጋዓ ጎይሃ ዓኣንቴ ኮይዳ ቁእቄኔ። 61 ዬማና ጎዳ ዬሱሴ ሺሪ ጳጳርሴ ዛጋዛ፣ ጳጳርሴም።- «ሃኖ ኮይዳ ቁእቁዋንቴ ሃይሂ ማይንቴ ታ ዒዛ ዒሩዋሴ» ኔ ታና ጋዓንዳኔ» ጌይ ጎዳ ዬሱሴ ቤርታ ዒዛም ኬኤዜሂ ጳቃዛ፣ 62 ካሮ ኬሰካፖ ኮሺ ዒናፓ ፆዬ ዒዚ ዬኤዜኔ።

63 ዒማና ዬሱሴ ዓርቁ ዓሳ ዒዛ ቦሂ ቦሂ ጳርቁያ ጳርቃኔ። 64 ዓኣፖ ካሮዋ ዒዛኮ ካንቁ ካንቁ።- «ፆናዳይ ኔና ባዔሂ? ሂንዳ ኔ ፆኦሲ ማለሂ ኬኤዛያታቴ ዔሬ» ጋዓኔ። 65 ዬያጉዲ ሃሃ ሚርጌ ባኣዚ ጌዒ ጌዒ ዒዛ ጫሽካኔ።

ዬሱሴኮ ዋጎ ዓሶ ቤርቶ ሺኢኪያ
(ማቴ. 26:59-66፤ ማር. 14:55-64፤ ዮሃ. 18:19-24)

66 ሳዓ ካራዛ ዴሮኮ ጨሞና ቄኤሶኮ ሱኡጎና ሙሴ ዔርዜ ዋጎ ዔርዛ ዓሶና ፔቴይዳ ቡኪንቴኔ፤ ዬሱሴያ ዔያታ ቡኪንቶ ቤዞ ዔኪ ሙካፖ፣ 67 ዒዛ ኮራ።- «ሂንዳ ኑም ኬኤዜ! ኔኤኒ ሚሲሃዳ?» ጋዓዛ፣ ዒዚ ጋዓንቴ ዔያቶም።- «ታ ዒንሂም ኬኤዛዛ ዒንሂ ጎኔኬ ጎውዋሴ፤ 68 ሃሃ ታ ዒንሂ ፆኦጫዛ ታኣም ዒንሂ ማሂ ኬኤዙዋሴ፤ 69 ጋዓንቴ ሃይማፓ ዓርቃፖ ዓሲኮ ናዓሂ ዴኤፖ ፆኦዛሂኮ ሚዛቆ ዛላ ቦንቲንቴ ዴዓንዳኔ» ጌዔኔ።

70 ዬካፓ ቢያሂ ፔቱሞና።- «ሂዴቶ ኔ ፆኦሲ ናይኬ ጌይሂዳ?» ጌይ ዒዛ ፆኦጫዛ፣ ዒዚ።- «ሂኖ፤ ዒንሂ ታና ጋዓሂጉዴያኬ» ዔያቶም ጌዔኔ።

71 ዔያታ ማሃፖ።- «ዓካሪ ማይ ዓይጎ ማርካ ኑም ኮይሳይ? ሃይሾ ዒ ጌዔ ባኮ ኑ ኑ ቶኦኪና ዋይዜኔ!» ጌዔኔ።

23

ዬሱሴኮ ጳላያሴ ቤርቶ ሺኢኪያ
(ማቴ. 27:1-2፤ 11-14፤ ማር. 15:1-5፤ ዮሃ. 18:28-38)

1 ዋጎሮ ቡኪንቴ ዓሳ ቢያ ዔቁ ዬሱሴ ጳላያሴ ቤርቶ ዔኪ ዓኣዴኔ፤ 2 ሂዚ ጌዒያ ዒዛ ዔያታ ዋጎና ዓይሂሳኒ ኬኤዚሂ ዓርቄኔ።- «ሃይ ዓሂ፣ ኑኡኮ ዴሮ ዳቢሻንቴ ኑ ዴንቄኔ፤ ሮሜ ካኣቴም

ገሊራ ገሊራንቱዋጉዳያ ላኣጋኔ፤ ሃሣ ታኣኒ ካኣቲ ማዔ፥ ማሲሄኩ፥ ጌራ ጌራ ከኤዛኔ።።»

3 ጲላዎሴያ፡- «ኔኤኒ ዓይሁዳ ካኣቲዳ?» ጌይ ዬሱሴ ያኦጫዛ፥ ዬሱሴ ማሃዎ፡- «ሂዮ፥ ኔ ታና ጌዔሢጉዳያኩ» ዒዛም ጌዔኔ።

4 ዬማና ጲላዎሴ ቄኤሶኮ ሱኡጎና ዳሮናም፡- «ሃያ ዓሢ ዑፃ ዓይጎ ዳቢንቲያ ታ ዳንቁባኣሴ!» ጌዔኔ።

5 ዓሳ ጋዓንቲ፡- «ሃይ ዓሢ ጌሊላይዳፓ ዓርቃዎ ሃይካ ሂላንዳኣና ዬሁዳ ዓጫ ቢያ ዔርዚ ዔርዚ ዳሮ ፑርቲዋም ዔቁሳኔ» ጌራ ጌራ ኮሺ ዶዲሺ ከኤዛኔ።።

ዬሱሴ ሄሮዲሴ ቤርታ

6 ጲላዎሴ ጌሊላ ጌይንቲ ዑኡዘ ዋይዛዎ፡- «ሃይ ጌሊላ ዓጪ ዓሲዳ?» ጌራ ያኦጫኔ። 7 ዬሱሴ ሙከሢ ሄሮዲሴ ዋይሣ ዓጫፓ ማዔሢ ጲላዎሴ ዔሪ ማሂ ገንሣ ሄሮዲሴ ባንሢ ዳኬኔ፤ ሄሮዲሴ ዬማና ዬሩሳላሜይዳኬ። 8 ሄሮዲሴ ዬሱሴ ዛጋዎ ሚርጌ ዋዛዳኔ፤ ዓይጎሮ ጌዔቶ ዬሱሴ ዛሎ ቤርታ ዒ ዋይዘሢሮ ዛጋኒ ሚርጌ ዋዳ ዒዛ ኮዓኔ፤ ዬያጉዲ ሃሣ ዬሱሴ ያኦሲ ዋልቄና ዓኪ ባኣዚ ማዳም ዛጋኒ ማሊሢያ ጌሣኔ። 9 ዬያሮ ሄሮዲሴ ዬሱሴ ሚርጌ ያኦጪሢ ያኦጫኔ፤ ዬሱሴ ጋዓንቲ ዓይጎዋ ዒዛም ማሂባኣሴ። 10 ቄኤሶኮ ሱኡጎና ሙሴ ዔርዜ ዋጎ ዔርዛ ዓሳ ዒኣካ ዔቁ ሚርጌና ዒ ፑርቲሴያ ማሊሲ ከኤዛኔ። 11 ሄሮዲሴ ፖኦሊሶና ዋላ ማዒ ዒዛ ቦሂ ዓማላዎ፥ ሚዛጲ ዓፒላ ማይሲ ገንሣ ጲላዎሴ ባንሢ ማሂ ዳኬኔ። 12 ዬዮ ከሎና ሄሮዲሴና ጲላዎሴና ዋላ ዒገንቲኔ፤ ዬያኮ ቤርታ ጋዓንቲ ዔያታ ዋላ ዲጲሢከ።።

ዬሱሴ ሃይቃንዳጉዲ ዋገንቲሢ

(ማቲ. 27:15-26፤ ማር. 15:6-15፤ ዮሃ. 18:39-40፤ 19:1-16)

13 ዬዛፓ ጲላዎሴ ቄኤሶኮ ሱኡጎና ሃሣ ዳሮይዳፓ ዔርቲ ዓሶና ዳሮና ቢያ ዔኤላዎ፡- 14 «ዳሮ ዒ ፑርቲዋም ዔቁሳኔ!» ጌራ ዒንሢ ሃያ ዓሢ ታ ኮይላ ዔኪ ሙከኔ፤ ታኣኒ ጋዓንቲ ዒንሢኮ ቤርታ ዒዛ ያኦጪ፥ ዒንሢ ጌራ ከኤዛ ባኮይዳፓ ቢያ ሃያ ዓሢ ዑፃ ዓይጎዋ ዳቢንቲ ታ ዳንቁባኣሴ። 15 ዬያጉዲ ሃሣ ሄሮዲሴያ ዒዛይዳ ዓይጎ ዳቢንቲ ዳንቁባኣሢሮ ሃንጋ ኑ ባንሢ ማሂ ዳኬኔ፤ ዓካሪ ሃይ ዓሢ ዒዛ ሃይቢም ሄሊሳ ባኣዚ ዓይጎዋ ማዲባኣሴ። 16 ዬያሮ ታ ጳዲና

ኩንህ ሃሻንዳኔ» ጌዔኔ። [17 ሌዓ ሌዓ ዑሣ ዓኣዲያ ቦንቾ ኬሎና ጲላያሴ ፔቴ ቱኡሲ ዓሲ ዴሮሞ ቡላያኬ።]*

18 ዬያሮ ዴራ ቢያ፡- «ሃያ ዓህሂ ባይዜ! ባርባኔ ጋዓንቴ ኑም ቡሌ!» ጌዒ ጌዒ ዒላቴኔ። 19 ባርባኔ ጎምህ ካታሞይዳ ዑራ ዔቁሲ ዓሲ ዎዴ ዛላና ቱኡቲ ዓኣ ዓሲኬ።

20 ጲላያሴ ዬሱሴ ቡሊ ሃሻኒ ኮዓያ ላሚ ዴሮሞ ኬኤዜኔ።

21 ዴራ ጋዓንቴ፡- «ሱፆ፣ ሱሱፆ!» ጌዒ ጌዒ ዒላቴኔ።

22 ጲላያሴ ሃይህሲ፡- «ሃይ ዓህሂ ዳቤ ዳቢንታ ዓይጌንዴዳይ? ታኣኒ ዒዛ ሃይቢም ሄሊሳንዳ ዓይጎ ባኣዚያ ዴንቁባኣሂሮ ጳዲና ታ ኩንህ ሃሻንዳኔ» ዔያቶም ጌዔኔ።

23 ዔያታ ጋዓንቴ ዑኡዞ ፔኤኮ ዴጊዲ፡- «ሱሱፆ!» ጌዒ ጌዒ ዒላቴኔ፤ ዒላታኣ ዔያቶኮ ኮሺ ዲቤኔ። 24 ዬያ ዛሎሮ ዔያታ ያኡጩህሂ ዔያቶም ማዲንታንዳጉዲ ጲላያሴ ዎጌኔ። 25 ዑራ ዔቁሲ፣ ዓሲ ዎዴ ቱኡቲ ዓኣ ባርባኔ ጎምህ ዔያታ ያኡጩ ጎይያና ቡላያ፣ ዬሱሴ ጋዓንቴ ዔያታ ኮዔሂጉዲ ዓኣሂ ዔያቶም ዒንጌኔ።

ዬሱሴኮ ሱፆንቴያ
(ማቴ. 27:32-44፤ ማር. 15:21-32፤ ዮሃ. 19:17-27)

26 ዬያሮ ዬሱሴ ዔያታ ዔኪ ዴንዲያይዳ ዓኣያ፣ ፔቴ ቁሬና ጌይንታ ዓጨ ዓሲ ማዔ ሲሞኦኔ ጎምህ ካታሞኮ ዙላፓ ካታሞ ጌላንቴ ዒዛ ዔኪ ዬሱሴ ሱያንዶ ፑርቴሴ ዓሶ ሱያ ሚያ ኬዲሲ ዬሱሴ ጊንያ ዓኣዳንዳጉዲ ማሄኔ።

27 ሚርጌ ዓሲ ዬሱሴ ጊንያ ዓኣዳኔ፤ ዔያቶ ባኣኮይዳፓ ሚርጌና ዒዛ ጋይቴ ያዩ ዬኤካ ላኣሊ ዓኣኔ፤ 28 ዬሱሴ ጋዓንቴ ዔያቶ ባንህሂ ሺሪጋፓ፡- «ዒንህሂ ዬሩሳላሜ ላኣላ! ዒንህሂ ቶኦኮና ዒንህሂ ናኣቶናም ዬኤኩዎቴ! ታ ጋይቴ ዬኤኪፖቴ! 29 ዓይጎሮ ጌዔቶ ለኣካሂ ማዔ ላኣሎና ሾይባኣ ጎጾና ዳንሥሂባኣ ላኣሎና ዎዚ ባሊቲና ዓኣያዳይ?» ጌይንታንዳ ኬሊ ሙካንዳኔ። 30 ዬናና ዓሳ ዲኮ ሉፀ-ፀ ዶዔ። ሃህ ጌሜሮ ሉና ዓኣቶፎቴ! ጌይህሂ ዓርቃንዳኔ። 31 ዓካሪ ዬይ ቢያ ባካ ዓኣዔ ሚሂዳ ሃኣዲ ማዓያ ማዔቶ ማሎ ሚያይዳ ዎይታንዳያ ናንዳይ?» ጌዔኔ።

32 ዬያጉዲ ሃህ ዬሱሴና ዎላ ዎዳኒ ላምያ ፑርታ ማዴ ዓሲሰኬንህሂያ ዔኪ ዔያታ ዴንዳኔ። 33 ዬካፓ ዔያታ ቶኦኪ ሚጌህሂ ጌይንታ ቤዞ ሄላያ ዒኢካ ዬሱሴ ሱፆኔ፤ ሃህ ላምያ ፑርቶ

* 23:17 23:17 ፔቴ ፔቴ ሚናኣ ማፃኣፓ ፓይ. 17 ጊዳ ቃሳኔ፤ ዬና ቃኣላ ማር. 15:6 ጊዳ ዓኣዞ ማላኔ። 23:30 23:30 ሆሴ. 10:8፤ ዮሃ. ያፔዳ 6:16።

ማዳዘንህሃያ ይሱሴኮ ሻውሎና ሚዛቆ ዛሎናይዳ ሱጻ። 34 ዩካፓ ይሱሴ:- «ዳዳህሃ! ዔያታ ማዳ ባኮ ዔሩዋኣህሂሮ ዓቶንጎ ዔያቶም ጌዔ!» ጌዔ።

ፖኦሊሳ ዲማሲ ዔራሪ ዓጎ ባኣዚ ዓጊ ይሱሴኮ ዓፒሎ ጊሸቴ። 35 ዴራ ዔቁ ዛጋንቴ ዓይሁዶኮ ሱኡጋ:- «ሜሌ ዓሶ ዒ ዳቂሽኔ፤ ዓካሪ ዒዛ ያኦሲ ዶኦሬያ፣ ማሲሃ ማዔቶ ሂንዳ ፔና ዳቂሽንጎ!» ጌዒ ጌዒ ዒዛ ሰሃ።

36 ፖኦሊሳ ሃሃ ይያጉዲ ዒዛ ሰሃ፤ ፑርቲ ሶልኬ ዑሺያ ዒዛም ዒንጋዖ፣ 37 «ኔኤኒ ዓይሁዴ ካኣቲታቶ ሂንዳ ኔና ዳቂሽ» ጌዔ።

38 «ሃይ ዓይሁዴ ካኣቲኬ!» ጌዒ ፃኣፖና ይሱሴኮ ቶኦኮ ኬዴ ሚያ ዑፃ ጌሃ።

ይሱሴና ዎላ ሱጻንቴ ላምፖ ፑርቶ ማዴ ዓሶንህሂ
(ማቴ. 27:38-44፤ ማር. 15:27-32)

39 ይሱሴና ዎላ ሱጻና ፑርቶ ማዴዘንህሂዳፓ ፔቲህሂ ይሱሴ ኮራ:- «ኔኤኒ ማሲሃቱዎዓዳ? ሂንዳ ኔና ዳቂሽ ኦናኣ ዳቂሽ!» ጌዒ ጌዒ ጫሽኬ።

40 ባጋህ ጋዓንቴ:- «ኔኤኒ ሃህሂ ሃይቢም ዎጊንቴ ዓኣዖ ያኦሲ ዒጊጩዎዓዳ? 41 ኦኡኒ ኦ ማዴ ዳቢንቶ ዛሎና ኦም ዒንጎና ዎጋ ኮይሳያከ፤ ሃይ ዓህሂ ጋዓንቴ ፔቲታፖ ፑርታ ባኣዚ ማዲባኣሴ» ጌዒ ዒዛ ጎሬ። 42 ዩካፓ ይሱሴ ኮራ:- «ጎዳህሃ! ኔ ካኣቱዎይዳ ኔ ጌላ ዎዶና ታና ጳቂሳዎ!» ጌዔ።

43 ይሱሴ ማሃዖ:- «ጎኔ ታ ኔኤም ጋዓኔ፤ ሃና ኔ ታኣና ዎላ ጌኔቴይዳ ማዓንዳኔ!» ዒዛም ጌዔ።

ይሱሴኮ ሃይሶ
(ማቴ. 27:45-56፤ ማር. 15:33-41፤ ዮሃ. 19:28-30)

44 ዓካሪ ይይ ያዲ ማዔህሂ ዓባ ሳዛ ማዓኣናኬ፤ ዩካፓ ዓርቃፖ ዴንዲ ማህ ደምቦለሳ ዎዴ ሂላንዳኣና ዓቦኮ ፖዓ ዓርቂንቴ ሳዓ ጉቤ ዳሜ። 45 ይማና ጌኡኾ ማኣሮይዳ ዲማሲያሮ ጎኦሶና ዓፒላ ሳዛፓ ሄኮ ዳርዒ ላምፖ ፓቂንቴ። 46 ይሱሴ ዑኡዞ ዴጊዲ:- «ዳዳህሃ! ሃይሽ ታኣኮ ሽምፓህ ኔኤም ታ ዒንጎኔ!» ጌዔ። ይያ ጌዔሰካፓ ሽምፓህ ዒዛኮ ዲጴ።

47 ዒኢካ ዓኣ፣ ጻኤቶ ፖኦሊሶኮ ሱኡጋህሂ ይያ ማዔ ባኮ ዛጋዖ:- «ጎኔና ሃይ ዓህሂ ዒሎታፖኬ!» ጌዒ ያኦሲ ሰንቼ።

23:34 23:34 ዓይኑ. 22:18። 23:35 23:35 ዓይኑ. 22:7። 23:36 23:36 ዓይኑ. 69:21። 23:45 23:45 ኬሲ. ማፃ 26:31-33። 23:46 23:46 ዓይኑ. 31:5።

48 ይህ ባኩ ዛጋጊ ዲኢካ ቡኪንቲ ዓላ ዓላ ቢያ ማዔ ባኩ ዛጋጊ ያዩሢና ዳዶ ፔኤኮ ኩቻ ባዒ ባዒ ፔ ማእሪ ማዒ ዳንዴ። 49 ዩሱሴ ኮሺ ዔራ ዓሶ ቢያሢና ጌሊላይዳፓ ዓርቃያ ዒዛኮ ገንዖ ሃንታ ላኣሎና ሃኬ ዔቂ ዩያ ባኩ ዛጋጊ።

ዩሱሴኮ ዳኤኪንቲያ
(ማቴ. 27:57-61፤ ማር. 15:42-47፤ ዮሃ. 19:38-42)

50 ዓይሁዴ ዓጨ ካታማ ማዔ፥ ዓርማቲያሴ ጌይንታዘይዳ ናንጋ ዮሴፔ ጌይንታ ፔቲ ዓሲ ዓኣኔ፤ ዒዚ ያሎ ሃሣ ኮሺ ዓሲኬ፤ ሃሣ ገንሣ ዒ ዓይሁደ ዓሶኮ ዋጎሮ ቡካ ዓሶይዳፓ ፔቲሢኬ። 51 ማዔቶዋ ዓይሁደ ዓላ ዩሱሴ ባይዚ ዘርታ ዘርቲያና ጌኤዘናይዳ ዒ ጌሊባኣያኬ፤ ያኣሲ ካኣቲሞዋ ሃጊ ማዓንዳ ዎዛ ጌሢ ካፓ ዓሲኬ። 52 ዩይ ዓሢ ጲላያሴ ኮይላ ዳንዲ ዩሱሴኮ ሌዘ ዒዛም ዒንጋንዳጉዲ ያኣጨኔ። 53 ሌዘዋ ዒዛኮ ሚፀፓ ስይሲ ቫኣዣ፥ ቦኣሬ ሚዘጲ ዓፒላና ሱኡዲ ያኣኒያ ዳኤቲባኣ ላሌ ቆኦቂ ኮሻና ዳኤቲ ዔቲይዳ ዳኤኬኔ። 54 ዩያ ዒ ማዳሢ ሳዓ ዲሚም ዓይሁደኮ ሃውሾ ኬሎ ቦንቻ ዓርቃኒ ዑካንቲኬ፤ ዩና ኬሌላ ሃውሾ ኬሎም ገኢጊንቲ ገኢጊንቶ ኬሊኬ።

55 ጌሊላ ዓጨይዳፓ ዩሱሴ ገንዖ ሙኬ ላኣላ ዮሴፔና ዎላ ዓኣዲ ዩሱሴኮ ዳኤቲ ዛገኔ፤ ሃሣ ዎዲ ዒዛ ዳኤኮናቲያ ዛገኔ። 56 ዩካፓ ዔያታ ፔኤኮ ማእሪ ማዒ ዳንዳ፤ ሌዘም ማዓ ዳኤቫና ሳውቃ ቲሺና ገኢጊሺሰካፓ ሙሴ ዔርዜ ዎጎ ጎይያና ሃውሾ ኬሎ ዔያታ ሃውሺ ፔኤቄ።

24

ዩሱሴኮ ሃይባፓ ዔቂያ
(ማቴ. 28:1-10፤ ማር. 16:1-8፤ ዮሃ. 20:1-10)

1 ላኣሎንሢ ገኢጊሺ፥ ሳውቃ ቲዣ ዔኪ ቃልሾ ኬሎኮ ቤርታሳ ዓቦ ጉቲ ዓሚ ዳኤቲ ቤዘ ዳንዴ፤ 2 ዒማና ዳኤቲ ካሮ ዎዶና ሹጫሢ ዳኤቲ ካሮፓ ኮላዲ ዓኣንቲ ዔያታ ዳንቄ። 3 ዔያታ ዳኤቲ ዔቶ ጋሮ ጌሌ ዎዶና ጋዓንቲ ጎዳ ዩሱሴኮ ሌዘ ዳንቁባኣሴ። 4 ዩያ ባኮና ኮሺ ዔያታ ዳኤታ ዓኣንቲ ዓኣፒዳ ዳኣ፥ ጌኤሺ ቦኣሬ ዓፒላ ማይንቲ ላምዎ ዓሲ ዔያታ ዔሩዋንቲ ሙኪ ዔያቶ ኮይላ ዔቄ። 5 ላኣሎንሢ ሚርጌና ዒጊጫዎ ሊካ ሳዓ ዛጊ ዓኣንቲ፡- «ሹምፔና ዓኣ፥ ዩሱሴ ሃይቄ ዓሶ ባኣካ ዓይጋ ዒንሢ ኮዓይ? 6 ዒዚ

23:49 23:49 ሉቃ. 8:2-3። 23:56 23:56 ኬሲ. ማፃ 20:10፤ ላሚ. ዎማ 5:14።

ሃይሪ ባክሎ፤ ዔቄኔ፤ ቤርታ ዋንዴ ጌሊላይዳ ዓኣ ዋዶና ዒንሢሞ ኬኤዜሢ ማሉዋቱ። 7 ዬይያ፡- <ዓሲኮ ናዓሢ ጎሞ ዓሶሞ ዓኣሢ ዒንጊንታኒ ሃሣ ሱዲንታኒ፡ ሃይሣሳ ኬሎና ሃይባፓ ዔቃኒ ኮይሳኔ> ዒንሢሞ ጌዔሢኬ» ጌዔኔ።

8 ላኣሎንሢ ዬሱሴኮ ቃኣሎ ማሊ ጳቂሴኔ፤ 9 ዱኡፖ ቤዛፓ ማዒ ዬያ ቢያ ታጳ ፔቲዘንሢና ዓቲዘንሢናሞ ኬኤዜኔ፤ 10 ዬያ ዳኪንቴዘንሢሞ ኬኤዜዘንሢ ማግዴላ ዓጮ ማይራማ፡ ዮሃና፡ ያይቆኦቤኮ ዒንደ ማይራሞንታ ዬያጉዲ ሃሣ ማሌ ላኣሊያ ዓኣኔ። 11 ዳኪንቴዘንሢ ጋዓንቴ ዬይ ባካ ዔያቶሞ ዓውቲ ማሌሢር ጎኔኬ ጌይባኣሴ። 12 ጋዓንቴ ጳዒርሴ ዔቂ ዱኡፖ ቤዘ ጳሽኬኔ፤ ዒኣካ ዒ ሄሊ ሂርኪ ጌዒ ዛጋያ ሌዘ ሱኡዶና ሻኣኮ ሚዛጳ ማሉ ሌሊ ዴንቁሰካፓ ማዔ ባኮ ዲቃቲ ሂርሺ ሂርሺ ማኣሪ ማዔኔ።

ዬሱሴ ላምዖ ዒዛኮ ጊንዖ ሃንታ ናኣቶንሢሞ ጴዳሢ
(ማር. 16:12-13)

13 ዬኖ ኬሎና ዬሱሴኮ ጊንዖ ሃንታዘንሢዳፓ ላምዖንሢ ዔማዎሴ ጌይንታ ጉርዳሰኬኖ ዴንዳኔ፤ ዔማዎሴ ዓኣሢ ዬሩሳላሜይዳፓ ኮሺ ሃኩዋ * ቤሰካኬ። 14 ዔያታ ዬያ ማዔ ባኮ ቢያ ዛሎ ዋላ ጌሰቲ ጌሰቲ ዓኣዳኔ፤ 15 ዬያ ዔያታ ኬኤዚ ጌሰታ ዋዶና ዬሱሴ ፔ ቶኦኪና ሙኪ ዔያቶና ዋላ ዓኣዳኔ። 16 ጋዓንቴ ዔያታ ፔ ዓኣፖና ዒዛ ዛጋያታዖ ዖና ማዔቶዋ ዔራኒ ዳንዳዒባኣሴ። 17 ዒዚ፡- «ዒንሢ ሃይ ጌሰቲ ጌሰቲ ዓኣዳሢ፡ ዬይ ዓይጎ ባኣዚዳይ?» ዔያቶ ኮራ ጌዔኔ።

ዔያታ ዒማና ኮሺ ዖያዖ ዓኣ ቤዛ ዔቄኔ። 18 ዔያቶይዳፓ ፔቲ ቁሌዮጳ ጌይንታሢ፡- «ኔኤኒ ዬሩሳላሜ ካታሞይዳ ዓኣዖ ሃሢ ቢሪ ማዲንቴ ባኮ ቢያ ዔሩዋዖ ሸኣቸ ማዒ ዓቲሢ ኔና ሌሊዳ?» ጌዔኔ።

19 ዬሱሴ ማሃዖ፡- «ዬይ ዓይጌንዴይ?» ጋዓዛ፡ ዔያታ «ናዚሬቶ ዓጮ ዓሢ፡ ዬሱሴ ዑፃ ማዔ ባኮሸ! ዒዚያ ዖኦሲና ዓሲና ቢያ ቤርታ ኬኤዛ ባኮና ማዶና ደዲ ማዔ ዖኦሲ ማሊሢ ኬኤዛያኬ። 20 ቁኤሶኮ ሱኡጎና ኑና ዋይሣ ዔርቴ ዓሳ ሃይቃንዳጉዲ ዒዛይዳ ዋጌሰካፓ ዒዛ ሱዲኔ። 21 ኑኡኒ ጋዓንቴ ሲሰራዔኤሌ ዓሶ ዳቂሻንዲይ ዒዛኬ» ጌዒ ሚርጌና ሃጊ ማዓንዳ ዋዘ ጌሢያታንቴ፡ ዬይ ቢያ ባካ ማዔሰካፓ ሃኖ ሃይሣሳ ኬሊኬ። 22 ሃሣ ኑ ባኣኮይዳ ዓኣ ፔቲ ፔቲ ላኣላ ሚርጌና ኑና ዲቃሢ ማሊሼኔ፤ ዔያታ ሃኖ ጉቲ ዱኡፖ ቤዘ ዴንዳዮ፡

24:7 24:7 ማቲ. 16:21፤ 17:22-23፤ 20:18-19፤ ማር. 8:31፤ 9:31፤ 10:33-34፤ ሉቃ. 9:22፤ 18:31-33። * 24:13 24:13 ኮሺ ሃኩዋ፡- ጋዓዛ ጋኣሎ ሙኡጮና ታጳ ላምዖ ኪሎ ማኤቲሬ ጋዓኔ።

23 ዲዛኮ ሌዞ ዴንቀባኣሴ፤ <ዲዚ ሃይባጥ ዔቄኔ> ጋዓ ኪኢታንኛ ዓውቲጉዴያና ዛጌኔ ጌዒ ዔይታ ማዒ ሙኪኔ። 24 ሃሣ ኑጊዳገ ፔቴ ፔቴዘንሣ ዲኡጉ ቤዞ ዴንዳዖ ላኣላ ጌዔሣጉዲ ማዔም ዛጌኔ፤ ዩሱሴ ጋዓንቴ ዔይታ ዴንቀባኣሴ» ዒዛም ጌዔኔ።

25 ዩሱሴ ዔይቶም ማሃ፡- «ዒንሣ ማሊ ጰቂሡቀያ ሃሣ ያኣሲ ማሊዖ ከኤዛዘንሣ ከኤዘሣ ሲያ ጎኔከ ጎዑቀዖ ዒኖ ዶጪሴ ዓሳ! 26 ሜሲሄ ዩያ ሲያ ሜታሣ ዔካንዳያና ቦንቸንታኒያ ኮይሳያቱቀዓዳ?» ጌዔኔ። 27 ዩካገ ሙሴና ያኣሲ ማሊዖ ከኤዛ ዓሰና ማፃኣፖይዳገ ዓርቃዖ ጌኤዢ ማፃኣፖይዳ ሲያ ዒዛ ዛሎ ከኤዚንቴ ባኮ ፓይዲ ፓይዲ ዔይቶም ከኤዘኔ።

28 ዔይታ ዴንዳ ጉርዴሎኮ ዑካዛ ዩሱሴ ዔይቶ ኮራ ዋርቁቀዖ ዴንዳያ ማሊሣሮ፤ 29 ዔይታ፡- «ሳዓ ዓሜኔ፤ ዓባኣ ጌሌኔ፤ ዩያሮ ኑኡና ዋላ ሃካ ዋርቁ» ጌይ ዒዛ ኮሺ ዶዲሺ ሺኢቁሣሮ ዔይቶና ዋላ ዋርቃኒ ማኣሪ ጌሌኔ። 30 ዩካገ ዔይቶና ዋላ ሙዓኒ ዴዓዖ፤ ካሣ ዔኪ ጋላታ ሺኢጲሣ ሺኢቁሣኮ ጊንፃ ቡንፃ ዔይቶም ዒንጌኔ። 31 ዩማና ዓኣገ ዔይቶኮ ቡሊንታዛ ዩሱሴ ማዔሣ ዔይታ ዔሬኔ፤ ዒዚ ጋዓንቴ ቤዘማና ዔይቶኮ ዓኣገገ ዓኣሺንቴ። 32 ዔይታ ዋሊ ኮይላ፡- «ዋንዴ ጎይፃ ኑ ዓኣንቴ ኑም ዒ ከኤዛኣና፤ ጌኤዢ ማፃኣገገ ፓይዲ ፓይዲ ኑም ዔርዛኣና ዋዛና ኑኡኮ ዒና ታሚጉዲ ዔኤቲባይ?» ጌዔኔ።

33 ዔይታ ዩማና ዔቃዖ ዩሩሳላሜ ማዒ ዴንዴኔ፤ ዒኢካ ታጳ ፔቴዘንሣ፤ ዔይቶኮ ላጎንሣና ዋላ ፔቴይዳ ቡኪንቴ ዓኣንቴ ዴንቄኔ። 34 ዒማና ታጳ ፔቴዘንሣ፡- «ጎዳ ዩሱሴ ጎኔ ሃይባጥ ዔቄኔ! ሲሞኣኔማ ጳዴኔ!» ጋዓኔ።

35 ላምዖ ጊንፃ ሃንታዘንሣ ሃሣ ፔ ዛሎና ዔይቶ ኮይላ ጎይፃ ማዔ ባኮና ጎዳ ዩሱሴ ካሣ ዔይቶም ቡንፃ ዒንጌ ዎዶና ዎይቲ ዒዛ ዔይታ ዔሬቶዋ ከኤዘኔ።

ዩሱሴ ዲዛኮ ጊንፃ ሃንታ ናኣቶም ጳዴሣ
(ማቲ. 28:16-20፤ ማር. 16:14-18፤ ዮሃ. 20:19-23፤ ዳኪ. ማዶ 1:6-8)

36 ዔይታ ዩያ ጋዓ ጎይሣ ዓኣንቴ ዩሱሴ ፔ ቶኣኪና ዔይቶ ባኣካ ሙኪ ዔቃዖ፡- «ዒንሣ ዋዚ ዓኣይ?» ጌዔኔ።

37 ዔይታ ጋዓንቴ ዔኤዢ ዛጋያ ዔይቶም ማላዛ፤ ዲቃቲ ሚርጌና ዒጊጩኔ። 38 ዩሱሴ ጋዓንቴ፡- «ዓይጎር ዒንሣ ዲቃታይ? ሃሣ ዓይጎር ዒንሣ <ሃይ ጎኔ ባኣዚዳ?> ጌዒ ማላይ? 39 ታኣኮ ኩጮና ቶኮና ዛጊጋገ ታና ማዔሣ ዔሩዋቲ፤ ሃሣ ዑዖዋ ታኣኮ ዓርቂ

ዛጉዋቱ፤ ታና ዲንሢ ዛጋሢጉዲኬ፤ ዔኤገኮ ጋዓንቴ ዓሽኪንታ ማገሢሢንታ ባኣሴ» ገዔኔ።

40 ዬያ ገዒጋፓ ፔኤኮ ኩጮና ቶኮና ዔያቶ ዳዌኔ፤ 41 ዔያታ ኮሺ ዋዛዲ፣ ሃሣ ዲቃቲ ሄርሺያይዳፓ ዔቄያና ዬያ ጎኔኬ ገዒባኣሴ። ዬሱሴ ማሃያ፡- «ዔኤቢ፣ ሙያ ባኣዚ ዲንሢኮ ዓኣ?» ገይ ዔያቶ ምጫዛ፣ 42 ዔያታ ማቸንቴ ሞሎ ዓሽኪ ዳካ ዲዛሞ ዲንገኔ። 43 ዒዚያ ዔኪ ዔያቶኮ ቤርታ ሙዓያ፡- 44 «ቤርታ ዲንሢና ዋላ ታ ዓኣ ዋደና ሙሴ ዔርዜ ዋጎይዳ፣ ምኡሲ ማሊያ ኬኤዛ ዓሶና ዓይኔሞ ማፃኣፖናይዳ ታ ዛሎ ፃኣፒንቴሢ ቢያ ኩማንዳያ ኮይሳኔ ገዒ ታ ዲንሢሞ ኬኤዜ ቃኣላ ሃያኬ» ዔያቶሞ ገዔኔ።

45 ዬካፓ ገኤገዢ ማፃኣፖ ማሊ ዔያታ ጳቂሣንዳጉዲ ዒኖ ዔያቶኮ ቡሌኔ። 46 ዒዚ ዔያቶሞ፡- «ሜሲሄ ማቶ ዔካንዳሢና ሃይሣሳ ኬሎና ሃይቢዳፓ ዔቃንዳሢ ቤርታዲ ፃኣፒንቴኔ፤ 47 ዬያጉዲ ሃሣ ዒዛኮ ሱንዖና ጎሜ ቡኡዒ ገኤሽኪሢ ዛላኮ ኮሺ ሃይሴ ዬሩሳላሜይዳፓ ዓርቃያ ቢያ ዓጮይዳ ዓኣ ዳርሞ ኬኤዚንታንዳጉዲ ገይንቴኔ። 48 ዲንሢያ ዬያ ባኮኮ ቢያ ማርኮንሢኬ፤ 49 ዓካሪ ታኣኒ ታ ዓዳሢኮ ሃጊ ማዓንዳ ዋዞ ዲንጊያ ዲንሢሞ ዳካንዳኔ፤ ዲንሢያ ዋልቄ ዲንሢሞ ሎፓ ዲንገንታንዳያ ሄላንዳኣና ዬሩሳላሜ ካታሞይዳ ዴዑዋቱ» ዔያቶሞ ገዔኔ።

ዬሱሴኮ ለካ ጫሪንጮ ዔውቲያ
(ማር. 16:19-20፤ ዳኪ. ማዶ 1:9-11)

50 ዬካፓ ዬሱሴ ዔያቶ ዬሩሳላሜ ካታማፓ ኬሲ፣ ቢታኒያ ገይንታ ቤዞ ሄላንዳኣና ዔኪ ዴንዳያ ዒኣካ ኩጮ ዒዛኮ ዔያቶ ዑፃ ፒሺ ዔያቶ ዓንጃኔ። 51 ዒኣካ ዔያቶ ዒ ዓንጃ ጎይሣ ዓኣያ ዔያቶይዳፓ ዲማዲ ለካ ጫሪንጮ ዔውቲኔ። 52 ዔያታኣ ዲዛሞ ዚጋያ፣ ዴኤፒ ዋዛና ገንሣ ዬሩሳላሜ ማዒ ዓኣዴኔ። 53 ሃሣ ምኡሲ ጋላቲ ጋላቲ ቢያ ኬሊና ገኤገዢ ማኣራፓኣ ዔያታ ዲማዲባኣሴ።

24:49 24:49 ዳኪ. ማዶ 1:4። 24:51 24:51 ዳኪ. ማዶ 1:9-11።

ጌሌዢ ማጻሕፍት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929